







Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4185/A







Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4185/A





Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4185/A



Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4185/A



4793(2) 42621 (2)  
A V R O R A

# THESAVRVS.

QVE PHILOSOPHORVM,  
Theophrasti Paracelsi, Germani  
Philosophi, & Medici præ cunctis  
omnibus accuratissimi.

*Accessit*

Monarchia Physica per GERAR-  
DVM DORNEVM, in defensionem Para-  
cellicorum Principiorum, à suo Præcepto-  
re positorum.

*Præterea*

Anatomia uiua Paracelsi, qua docet autor præter se-  
ctionem corporum, & ante mortem, patientia  
bus esse succurrendum.



15

77.

BASILEAE.



THESSALVS

PHILIPPO  
Theophrasti Patarchi, Germani  
Philosophi & Mathematici  
omnibus accursantibus

Monasterii Augustini per GERARDUM  
DVM DORNVM magistrum  
collectum Prætorum, suo Prætorio  
repositum.



ILLVST  
POTEN  
cipi franci  
Præ Memo  
lio, Fratri  
Andega  
con



ni. Pra  
suar  
Magi  
omnes fa  
nisi in  
herede  
tati non  
rum gene  
Novi in



ILLVSTRISSIMO AC<sup>3</sup>  
POTENTISSIMO PRIN-  
cipi, Francisco Valesio, Henrici II.  
Piæ Memorix Regis Galliarum Fi-  
lio, Fratrique Regio Vnico, Duci  
Andegauorū, Biturigum Alen-  
conio, Turonensi, &c.

Salus.



*Non sine Fato factū, Illustris-  
sime Princeps existimandū,  
vt Serenissimi Regis Francis-  
ci Magni Valesij, eius nomi-  
nis I. Piæ Fælicisque Memorix, Tuæ Cel-  
sitatis Aui, nomen geras, Cum re ipsa  
Magni eius Animi dotes atque virtutes  
omnes facile referas: accitis vndique pollen-  
tibus ingenio viris, qui suscitandis, proue-  
hendis, ab iniurijs vindicandis, et ad Veri-  
tatis normā adducendis, in omni scientia-  
rum genere bonis artibus, nauent operam.  
Non immeritò igitur, si quid isti viri suis*

A 2



lucubrationibus (Deo dante tamen) assecuti sint, Benefactori suo Deo primum, denique Principibus eiusmodi Mæcenatibus, dicatum volunt. Id ipsum et Henricus Ille Il. Rex Potentissimus, Piæ Memoriae Pater, ac modo Henricus Ill. etiam Rex Inuictissimus Frater, Fœlicis Gallia Reges omnes, semper in delicijs habuerunt. Quid enim Regibus ac Principibus dignius esse potest, quam ardua regiminũ Consilia, literis interdum ut salibus condere? Hoc ipsum attestatur, ea in re, Animi tui splendorem eximium, dum etiam Translationẽ Physicam librorũ Germanicorum Theophrasti Paracelsi, Germani Philosophi præ cæteris acutissimi, doctissimi que viri, maxime fieri cupiat, ut & Gallia per te, Literaria hac fœlicitate fœcundior euadat. Cui muneri quidem & officio, quòd me (licet indignum) (elsitas Tua præficere dignata sit. Tuo sub tuto Patrocinio, non nisi fœli-



foeliciter auspicari possum: idque maxime,  
quia labor hic, eò nervos totos intendit, ut  
ars medica potissimum & physica, falsis in-  
nixa fundamentis Aethnicorum, ad sua  
nempe veritatis primordia redeant. Non  
parum sanè referre videtur, quibus medi-  
camentis, quibusve medicis, homines, præ-  
sertim Reges atq; Principes, vitam suã com-  
mittant, prospicere. Sunt enim ipsamet  
quæ hætenus usu veniunt, male sana, &  
corruptioni obnoxia pharmaca, ut etiam  
per se aliquantisper asseruata, & nõ assũp-  
ta, morbescant, morbosque quos propulsare  
deberent, potius introducant. Quando qui-  
dem ex quouis generari, sibi simile necessũ  
est, ut ex morbo morbum: non aliter, ut ex  
sano sanum, ex corrupto corruptum. Do-  
cet itaque Præceptor noster Paracelsus, lon-  
gè præstantiori Methodo, corruptione laxa  
dissonaque vitæ membra, medicamentis ab  
omni corruptibili remotis, arte spagirica,



multifariam ad Unitatis & sanitatis proportionem, sympathia quadam adducere: non ex infidelium Aethnicorum scholis, verum ex vero scientiarum omnium vnico fonte, centroq<sup>ue</sup> Veritatis, cuius ignari fuerunt Aethnici prorsum, & eorum discipuli. Utin Monarchia mea patebit latius: quaquidem artis medicæ vera fundamenta solidissimis argumentis, innotescant, & quæ Paracelsus prodit in lucem principia medica, in concusso fundamento stabiliuntur. Breuib<sup>us</sup> ut rem expediam. Ars & omnis sapientia nulla, quæ non ex Unitatis Veritatisque centro fluxerit, ut ex puncto linea. Suscipe igitur Princeps Illustrissime quæso, de manibus humilimi serui tui, quæ hætenus ita luculente, fuerunt inaudita, Patrocinioque tuere contra giganteos homines inimicos veri, ut potes, etiam ab iniurijs et inuidia defende. Interea valere Tuam Celsitatem in Iesu Christo, & in æuum vivere



Epistola Dedicatoria.

7  
vivere fœliciter opto. Datum Basileæ pri[us]  
die Idus Augusti 1577.

Illustrissimæ Tuæ Celsitatis

Humilimus Interpres.  
Germanicus.

Gerardus Dorn.

A 4



Aurora Philosophorum Doctoris  
THEOPHRASTI PARACELSI.

Capitulum Primum.

*De Origine Lapidis Philosophici.*



Rtium inuentor primus Adam, quòd rerum omnium cognitio-  
nē haberet, post lapsum æquē  
atque ante lapsum, inde præsa-  
giuit mundū per aquā transitu-  
rū. Hoc ipso factū etiam, vt eius successores  
duas lapideas tabulas erigerent, quibus om-  
nes artes naturales insculpserunt, idq; Hie-  
rogliphicis caracteribus, vt præsagium hoc  
posteris etiam innotesceret, ac obseruare-  
tur periculorum tempore prouidendum es-  
se. Noach postmodum in Armenia tabularū  
vnā inuenit sub monte Araroth, transacto  
Diluuiō. Qua quidem superioris firmamen-  
ti, & inferioris globi nec non planetarum  
cursus designabantur. Tandem vniuersalis  
hæc notio, particulatim in diuersa distracta,  
viribus suis imminuta est, vt istiusmodi se-  
paratio, hunc astronomum, illum porro ma-  
gum, alium cabalistam, quartum verò alchi-  
mistam effecerit. Vulcanicus ille Abrahā Tu-  
balchain astrologus & arithmeticus maxi-  
mus, ex Ægipto in regionem Chanaan tra-  
duxit,



## PHILOSOPHORVM.

duxit, unde tantum in fastigium Ægyptij sur-  
 rexerunt, vt ab istis etiam ad alias nationes  
 eiusdem rei sapientia transierit. Quando-  
 quidem Patriarcham Iacob oues picturasse  
 varijs coloribus, magiæ membro factū fuit.  
 Semper enim Chaldei, Hebrei, Persæ, & Æ-  
 gyptij, penes Theologiam has artes libera-  
 les, suis Proceribus, atque Sacerdotibus, vti  
 summam philosophiam proposuerunt ad-  
 discendam. Non secus euenit Moyſis tem-  
 poribus, quibus cum Sacerdotes, tum ipsi  
 medici, magos inter electi sunt: isti quidem  
 in illorum iudiciū, quod sanitatem con-  
 cernebat, presertim in lepra cognoscenda.  
 Moyſes etiā cura et impensis filiæ Phara-  
 onis scholis Ægyptiorum instructus est, vt in  
 eorū sapientia præcelleret. Nō aliter Daniel  
 ab ineunte ætate Chaldeorum doctrinā su-  
 xit, vt in cabalisticam euaderet. Testantur eius  
 diuina præſagia, & expositiones istorum  
 verborum. *Mene Mene Tecelphares.* Per pro-  
 pheticam & cabalisticam artem verba hæc  
 intelligenda sunt. Artis huius cabalisti-  
 cæ traditio, apud Mosen & prophetas fami-  
 liaris admodum fuit, atque plurimū vſita-  
 ta. Elias propheta suis cabalisticis numeris,  
 multa prædixit. Itidem & antiqui sapientes  
 hac arte naturali, & mystica, Deum ex æquo  
 nosce didicerunt, ac in eius mandatis huius-  
 modi legibus firmiter perſtiterunt & ambu-



larunt. Pariformiter & libro Samuelis habetur, Berelisticos Diaboli sortem non fuisse secutos, verum diuina permissione visionum apparitionumque verarum fuisse participes, quod quidem lib. de supercœlestibus latius urgebimus. Donum eiusmodi sacerdotibus in diuinis præceptis ambulantibus à Domino Deo cōcessum est. Mos Persis fuit, neminem in regem præter sophum re ac nomine sublimatum admittere: quod utique patet hoc ipso regum suorum nomine Sophi. Tales etiam extiterunt illi sophi ac magi Persæ, qui Christum Iesum ab oriente quaesuerunt, et sacerdotes naturales appellati sunt. Aegyptij quoque à Chaldeis & Persis hanc magiam & philosophiam assecuti, suos sacerdotes eandem sapientiam addiscere vulerunt: in qua etiam tantum fructum fecerunt, ut circumuicinis omnibus regionibus venirent in admirationem. Hac de causa Hermes verè Trismegistus nominatus est, quia Rex tum Sacerdos atque Propheræ, Magus, & Sophos rerum naturalium fuit. Talis etiam et Zoroastes extitit.

### Capitulum secundum.

*Quo declaratur, bonam partem huius sapientiae, Græcos ab Aegyptijs hausisse, & ab istis ad nos derivasse.*

Post-



**P**ostmodum vbi filius Noach, tertiam mundi partē occupauit à Diluuiο, hæc ars in Chaldeam & Persiam vi quadam irrupit, & inde in Ægyptū. Idipsum supersticiosi & idololatræ Græci cū subodorassēt, eorum aliqui qui sagaciores erant, ad Chaldeos se contulerunt, & ad Ægyptios, vt ex eorum scholis eandem haurirent sapientiam. Verum enim uero, cū non arrideret eis theologicū byblicum uē legis Mosayicæ studiū, proprio suo genio confisi, à recto fundamento naturalium eiusmodi secretorum & artium exciderūt. Exemplo patet, cū tam fabulose de Moysis doctrina senserint ac titubarūt. Ægyptijs mos fuit, eiusmodi traditiones excellentis sapientiæ, non nisi figuris ænigmatibus, & abstrusis historijs atque vocabulis proponere. Quæ postmodum Homerus artificio mirando pœmatum adumbravit. Accessit & Pythagoras, qui plurima ex lege Moysis & veteris testamenti permiscuit. Pariter & Hippocrates, Thales Milesius, Anaxagoras, Democritus & alij, sua non desierunt ingenia his applicare. Quamuis eorum nullus Astrologiæ, Geometriæ, Arithmeticæ vel Medicinæ verarum peritus esset. Impediuit eos nimirum sua superbia, quæ discipulos aliarum nationum admittere noluit. Cūque non nihil à Chaldeis, & Ægyptijs percepissent, longè superbiores accidente quàm



quàm antea natura facti, subtilioribus fig-  
mētis ré ipsam acuere nō verentes, philoso-  
phiam quandam describere conati sunt, quę  
postmodū à Grecis ad latinos deriuauit. Qui  
tandem hac imbuti & instructi, suis quoque  
dicterijs adornarunt. Ab his omnibus, per  
rotam Europam disseminata philosophia  
hęc, multas Academias construxit, in eius  
dogmatum propagationem, qua iuuentus  
instrueretur, et in hunc vsque diē penes Ger-  
manos et alias nationes viget.

### Capitulum tertium.

*Quidnam docebatur in Aegyptiorum scholis.*

**C**haldei, Persę, & Aegyptij habuerunt  
eandem arcanorum naturę cognitio-  
nem, & eandem religionem, mutatis dum-  
taxat nominibus. Chaldei, & Persę suam  
doctrinam vocant Sophiam atque Magiam.  
Aegyptij verò, ob sacrificium, suam sapien-  
tiam appellant sacerdotium. Persarum Ma-  
gia, & Aegyptiorū Theologia docebatur o-  
lim in scholis simul ambæ. Quamuis in Ara-  
bia, Africa, & Grecia scholę multę, doctiq;  
viri fuerint, vt Albumazar, Abenzagel, Ge-  
ber, Rasis, & Auicena: apud Arabes, Machaō,  
Podalirius, Pythagoras, Anaxagoras, Demo-  
critus, Plato, Aristoteles, & Rodianus penes  
Grecos, nihilominus varij sensus inter se  
fuerunt, & quod ad sapientiam Aegyptiorū  
attinet



attinet discordes extiterunt. Pythagoras ea de causa Sophus appellari noluit, quia Sacerdotium Ægyptiorū & sapientia perfectè, vt par erat, minimè docebatur, & si multa nihilominus inde reportasset mysteria & arcana, Anaxagoras quoque plurima. Pater ex disputationibus, quas de sole, & eius lapide facit, & quas à morte sua reliquit. Ægyptijs tamen contrarius in multis fuit. Quapropter & ipsi, noluerunt appellari Sophi, nec Magi, sed Pythagoram ea in re imitantes, philosophiæ nomen assumpserūt: ipsi tamē non nisi scintillas quasdā vt umbras ex Magia Persarum & Ægyptiorum reportarunt. Verūm Moyse, Abraham, Salomon, Adam, Elias, & Magi ab oriente ad Christum venientes, veri Magi fuerūt & Sophi diuini, nec non Cabalistæ. Cuius artis & sapientiæ Greci, parum aut prorsus nihil experti fuerunt. Quapropter istorum scilicet Grecorum philosophicam sapientiam, vt speculationē ab alijs veris artibus & scientijs, longè latèq; distantem ac separatam relinquimus.

#### Capitulum quartum.

*Quales Magi fuerunt Chaldei, Persæ  
& Ægyptij.*

**M**ulti tentarunt secretissimam istorum sapientum Magiam cū scrutari, tū in vsum reducere. Idipsum tamen hætenus factum



factum non extitit. Plærique hac nostra tem-  
pestate exaltant Trithemium, alij Baconē,  
& Agrippam, ob Magiam & Cabalam quæ  
minimè concordare videntur, ignorantes  
cur faciant. Magia quidem est ars & facul-  
tas, per quam ad elementorum, corporum,  
& fructuum eorum, proprietatum, virium,  
operationumque abstrusarum peruenitur.  
At ipsa Cabala, ex anagogia, viam ad Deum  
hominibus struere videtur: quoniam cum ip-  
so agendum, & ex ipso prophetandū. Nam  
plena est diuinis mysterijs Cabala, vti Ma-  
gia naturalibus arcanis: prælagia siquidem  
illa ex natura futurorum & presentium effa-  
ri docet. Eius enim operatio cōsistit in crea-  
turis omnibus tam cœlestibus, quàm terre-  
nis corporibus cognoscendis intrinsecus;  
quid in ipsis occulteretur, quæ vires lateant,  
cui destinata sunt ab initio, tum quibus pro-  
prietatibus dotata. Hæc et similia vinculum  
sunt, quo cœlestia terrenis coniunguntur, vt  
oculariter etiam aliquando percipi potest  
ac sensualiter, ab operationibus suis. Talis  
influentiarum cœlestium coniunctio, vel im-  
pressio, qua operantur in inferiora corpora  
cœlestes vires, Gamahea Magis, vel matri-  
monium, virium & proprietatum cœlestiū  
cum elementaribus corporibus dicta fuit o-  
lim. Inde fluxerunt excellentissimæ comix-  
tiones corporum omnium cœlestium, atq;  
terre-



terrenorum, Solis videlicet, ac planetarum,  
 item vegetabilium, mineralium, & anima-  
 lium. Diabolus tentauit conatibus totisque  
 viribus, eiusmodi lucem obfuscare. Nec in  
 totum sua spe frustratus, cum totam Græciā  
 ea priuarit, & eius loco speculationes hu-  
 manas, & meras blasphemias in Deū, & filiū  
 eius, eò gentium introduxit. Magia utique  
 suam originē ex diuino Ternario, & ex Tri-  
 nitate Dei duxit originem. Etenim creatu-  
 ras omnes hoc Ternario Deus insigniuit, ac  
 digito suo Hieroglyphicum hunc Ternariū  
 ipsis insculpsit, ut nihil etiam in rerum na-  
 tura valeat assignari, vel adduci, quod hoc  
 magisterio diuini Ternarij careat, quod uē  
 hunc oculariter non demonstret. Creatura  
 quidem, nobis Creatorem ipsum intelligere  
 ac videre docet: ut etiam diuinus Paulus ad  
 Rom. testatur. Fœdus hoc diuini Ternarij  
 per totam substantiam rerū diffusi, est indi-  
 solubile: per quod etiā habemus arcana to-  
 tius naturæ ex elemētis quatuor. Ternarius  
 enim cum magico quaternario, perfectum  
 septenarium producit, multis arcanis dota-  
 tum, notisque demonstratū. Et quum qua-  
 ternarius in Ternario quiescit, oritur lux mū-  
 di in Orizonte æternitatis, totūque vin-  
 culum cum Deo nobis exhibet. Ad hæc etiā  
 accedunt vires & operationes creaturarum  
 omnium, & vsus earum suis arcanis, signis,  
 caracte-



characteribus, & figuris insignitarum, vt in eis vix minimum punctum occultum relinquatur, quod non examinatione pateat. Quandoquidem vbi quaternarius & ternarius ad denarium ascendunt, eorum fit ad vnitatem regressus. In eo concluditur omnis occulta rerum sapientia, quam Deus cum verbo suo, tum creaturis manuum suarum, palam fecit hominibus, vt veram noticiam haberent earum: quod alio loco latius declaratur.

### Capitulum quintum.

*De potissima summaque rerum essentia.*

**M**agi per suam sapientiam affirmarunt, omnes creaturas ad Vnitam substantiam adducendas, quam suis mundationibus & purgationibus asserunt in tantam subtilitatem ascendere, diuinique naturam, & occultam proprietatem, vt operetur admiranda. Considerarunt enim in terram redituram, & per supremam separationem magicam, perfectam quandam substantiam emergentem, quæ tandem plurimis industriosis & valde prolixis præparationibus, ex vegetabilibus substantijs in mineralia, ex mineralibus in metallica, & ex perfectis metallicis substantijs attollitur, in perpetuam ac diuinam essentiam quintam, omnium cœlestium ac terrestrium creaturarum essentiam in se conclu-



concludentem. Arabes & Græci, per caracte-  
res occultos, & Hieroglyphicas descriptio-  
nes Persarum & Ægyptiorum, ad secreta &  
abstrusa mysteria peruenerunt, quibus adep-  
tis, & partim intellectis, partim verò non, ad  
miranda quædam experiundo viderunt ocu-  
lariter. Sed quia supercælestes operationes  
profundiùs laterent, quàm captus eorum  
posset assequi, arcanum hoc non iuxta Ma-  
gorum sententiam vocarunt supercæleste,  
sed philosophorum arcanum, & ex senten-  
tia Pythagoræ lapidem eorum. Hunc qui-  
cumque assecuti sunt, varijs adumbrarunt  
figuris ænigmaticis, deceptorijsque simili-  
tudinibus, comparisonibus & vocabulorū  
fictionibus: vt posteris eius materia saltem  
occulta foret, cuius nulla vel minima haberi  
posset noticia.

### Capitulum sextum.

*De varijs erroribus quoad materiam, inuen-  
tionem eius & notitiam.*

**P**hilosophi varia huic materiæ lapidis  
nomina præfixerunt occultissima, à simi-  
litudinibus allata. Hoc Arnaldus obseruans  
in Rosario, summam inquit in materiæ lapi-  
dis huius inuentione difficultatem existere.  
Vegetabilem enim appellarunt, mineralem,  
& animale, non iuxta literalem sensum,  
vti norunt sapientes diuinorum arcanorum

B



& miraculorum eiusmodi lapidis experti. Huius exemplum præfert Raymundi Lullij lunaria, quæ flores mirandarum virtutum edit, familiares ipsis philosophis. Hæc non fuit eorum opinio tamen, ut per eam intelligeretur aliqua super metalla projectio, vel præparatio talis inde fieret: verum abstrusam mens philosophorum alio spectat. Non aliter materiam suam appellarunt nomine Martagon, cui operatione occultam alchymisticam applicuerunt, cum tamen id prorsus nihil denotet præter occultissimam quædam similitudinem. Error etiam non minimus in vegetabilium liquoribus ortus est, quibus mercurium coagulare plurimi conati sunt, & postmodum fixatorijs aquis in lunam conuertere, existimantes eum qui hac via citra metallorum auxilium coagulare posset, maximum assecutum esse magisterum. Et quamuis nonnullorum vegetabilium liquores id efficiant, non aliunde fieri, quam ob resinam, pinguedinem aut sulphur terrenum quo abundant, iudicabitur: Hoc mercurij humiditatem, & vitam ad se trahit, quo sese permiscet illius substantiæ, coagulando præter omnem utilitatem. Nam crassum & externum sulphur nullum, in vegetabilibus, ad perfectam projectionem in alchimia aptum esse, compertum est mihi: quod etiam non sine maximo dispendio experti sunt plurimi.



## PHILOSOPHORVM.

19

simi. Etsi nonnulli succo Titimali albo lacteoq; propter calorem intensum & acutum in eo existentem, coagularunt mercurium, & eiusmodi liquorem lac virginis appellarunt, falsum tamen fundamentum hoc fuit. Non secus de succo Chelidoniae existimandum, licet colore suo imponat oculis, ac si dotatum esset auro. Colligentes inde vanum quid, certo ac determinato tempore, vegetabile hoc eradicarunt, ex quo animam vel quintum esse venati sunt, vnde coagulantem ac permutantem tincturam efficerent, verum & hinc nihil præter fatuum errorem ortum.

### Capitulum septimum.

*De erroribus eorum qui lapidem quærunt à vegetabilibus, vt supra.*

**A**lchimistarum aliquot, expressum è chelidonia succum ad spissitudinem vel consistentiam excoxerunt, exposueruntque soli, vt in massam duram per se coagularetur, quæ postmodum in puluerem minutissimum contusa nigri spadiceiue coloris, mercurium proiectione verteret in solem, quod vanum esse compererunt. Alij admiscuerunt huic pulveri sal armoniacum: alij colchotar vitrioli, opinantes ea via se ad optatum peruenire finem potuisse. Solutionibus in flauam aquam adduxerunt, vt sal armoniacum, tincturæ præberet ingressum in mercurij sub-

B 2



stantiam, nihil tamen inde factum est. Non  
nulli prædictorum loco, succos Perficariæ,  
Bufonariæ, Dracunculi, fossorum salicum,  
Titimall, Cataputiæ, Flammullæ, ac similiū  
simul vnà cū ipso mercurio, per dies aliquot,  
vitreo vase conclusos, in cineribus tenuerūt,  
accidit vt inde mercurius in cinerem verte-  
retur, sed perperam & nullo fructu. Decipie-  
bātur enim isti, vanis vulgi rumoribus, qui-  
bus iactatum fuit, eum qui mercurium, absq;  
metallis coagulare posset, habere magisteriū  
integrum, vt supra memenimus. Eorum  
plurimi ex vegetabilibus salia, olea, & sul-  
phura traxerunt arte, sed frustra. Nam ex sa-  
libus, oleis, aut sulphuribus eiusmodi, nulla  
coagulatio mercurij, vel perfecta proiectio,  
neque tinctura fieri potest. Quod verò phi-  
losophi, materiam suam arbori cuipiam au-  
reæ ramorum septem comparent, intelligūt  
eam in suo spermate, metalla septē conclu-  
dere, & in eo latēre. Quapropter materiam  
suam vegetabilem esse dixerunt: rum etiam  
quia non aliter quā naturales arbores, suo  
tempore varios flores proferunt, materia la-  
pidis colores pulcherrimos patefacit, in flo-  
rum suorum productione. Item ea de causa,  
quia ex terra philosophica, materia quēdam  
exurgit, vt virgultum spongiæ terræ simile,  
dicunt arboris suæ fructum ad cœlum ten-  
dere. Ideo protulerunt in vegetabilibus na-  
turæ,



suræ, totius rei cardinem verti, sed nō in vegetabilibus materiæ: tum etiam quia suus lapis animam, corpus, & spiritū in se continet, vt vegetabilia.

### Capitulum octauum.

*De his qui Philosophorum lapidem in animalibus quæsiuerunt,*

**S**imilitudinaria quadā appellatione materiam suam, lac virginis esse dixerūt, & rosei coloris benedictum sanguinem, qui tamen solis prophetis & filiis Dei conuenit. Inde Sophistæ collegerunt materiam philosophicam hanc, in animalium sanguine, vel hominis existere, occasione sumpta, quod ex vegetabilibus nutriantur. Alij in capillis, in sale vrinæ, in Rebis. Alij in ouis gallinarum, in lacte, in ouorum corticum calce: quibus omnibus mercurium figere posse putarunt. Extraxerunt aliqui ex fœtido lotio sal, credentes lapidis esse materiam. Non desierunt qui lapillos in Rebis repertos materiam esse iudicaret. Alij membranas ouorum asperri-  
mo lixiuio macerarunt, quibus etiam ouorū calcinatos cortices albissimos niuis in modū admiscuerunt, his attribuentes arcanū fixationis ad mercurium inuertendum. Alij ouorum albumen argento comparantes, & auro vitellum, in suam elegerunt materiam, admistis sale comuni, armoniaco, tartaroq;



vsto, simul ea vitro concluderunt, balneòque  
 maris putrefecerunt, idque trantisper dum  
 albus color in rubicundissimum, sanguinis  
 instar abiret, Hoc ipsum in fœtidissimum de-  
 stillarunt liquorem, prorsum inutilem, ad o-  
 pus quod quærebant. Alij putrefecerunt al-  
 bumen & vitellum ouorum, & inde Basilif-  
 cus generatus est, quem in rubicundissimum  
 pulverem exusserunt, eoque tingere puta-  
 bāt, cuius autor fuit Gilbertus Cardinalis in  
 suo tractatu. Plerique fella boum, & aliorum  
 animalium, sale permisto cōmuni macerata,  
 destillarunt in liquorem, quo cementationū  
 pulueres imbutos, existimarunt metalla sua  
 tingere posse magisterio quodam, quod par-  
 tem cum parte nuncuparunt, & inde nihil  
 actum est. Aliqui rutiā, suis cum additioni-  
 bus, vti sanguine draconis, et alijs, cuprum  
 aut electrum in aurū permutare conati sunt.  
 Alij iuxta venetorum artem (vt aiebant) vi-  
 ginti stelliones, plus minusuè concludebant  
 olla, fameque redigebant ad insaniam, vt v-  
 nam alia deuoraret, vnica superstita, quam  
 limaturis cupri vel electri pascebant, existi-  
 mantes genus hoc animalum in ventriculo  
 suo digestionē sola permutationem optatā  
 efficere: postremò exurebant animal hoc in  
 rubicundum pulverem, quem putabant au-  
 rum esse, verū & eò decepti fuerunt, Alij  
 tandem in piscibus quos Trutas vulgò solē  
 appele



appellare, crematis per liquationem, aurum aliquoties inuenerunt, non alia de causa, nisi quia genus hoc piscium, in fluminibus atque torrentibus, squamas, aureasque scintillas colligere manderéque solitum sit, rarò tamen id contigit. Tales impostores potissimum inueniuntur in Aulis Principum. Non est materia philosophorum in animalibus quærenda: hoc omnes admonitos velim. Attamen est quodd sciatur, philosophos lapidem suum animale appellasse, quodd postremis suis operationibus, virtute nobilissimi huius ignei mysterij, liquor obscurus ex ea materia in suo vase guttatim exudet. Inde protulerunt præsagium hoc, scilicet postremis temporibus, purissimum hominẽ in terras vêturum, per quem liberatio mundi futura esset, guttas hunc ipsum hominem, rosei rubeiue coloris & sanguineas emissurum, quo medio mundum à labe redimeret. Pariformiter & sanguis sui lapidis (in suo genere tamen) leprosa liberabat metalla, suis ab infirmitatibus, & contagie. Quare non immeritò dixisse putarunt, suum lapidem animale esse. Hoc de mysterio Mercurius, ad Regem Calid ira loquitur, Mysteriũ hoc, solis Dei Prophetis permissum est cognoscere, quo fit, vt lapis hic animalis vocetur. Nam in sanguine lapidis huius, latet anima sua: componitur etiam ex corpore, spiritu



& anima. Simili ratione vocarunt suum Microcosmum, quod rerum omnium totius mundi similitudinem habeat, & inde rursus animalem esse dicunt, vti Plato magnum mundum animal vocat.

### Capitulum nonum.

*De his qui lapidem quæsiuerunt in animalibus,*

**A**Ccesserunt ignari, credentes lapidem esse triplicem, atque triplici genere secretum, vtrputa vegetabili, animali, & minerali. Quo factum, vt in mineralibus quæsierint. Hæc sententia, longè distat à philosophorum opinione. Afferunt enim, suū lapidē vniformiter vegetabilē, animalē & mineralē. Notandū ad hæc, naturam sperma suum minerale, in varia genera distribuisse, videlicet in sulphura, salia, boracia, nitra, armoniaca, alumina, arsenica, atramenta, vitriola, rutias, hæmatites, auripigmenta, realgara, magnesias, cinnabarim, antimonium, talcum, cachymia, marcasitas, &c. In istis omnibus, natura nondum assecuta est materiam nostram. Quamquam in aliquibus dictarū specierum, miro se patefacit aspectu, in transmutationem imperfectorum metallorum, ad perfectionem adducendorum. Longa siquidem experientia, & igneum exercitiū, multifariam ostendunt permutationem, in materia mineralium: nedum ex coloribus in colores,



colores, verum etiā ex vna essentia in aliā,  
& ex imperfectione sui, in perfectionē. Quā-  
uis etiam natura, medijs mineralibus, ali-  
quam perfectionē, præparationibus sit pro-  
secuta, non ideo volunt philosophi, suam la-  
pidis philosophorum materiam, ex vlllo mi-  
neralium progredi, licet lapidem suum esse  
mineralem dicant. Vnde Sophistæ, sumentes  
occasionem, ipsum mercurium, varijs tor-  
turis persecuti sunt: aliqui sublimationibus,  
coagulationibus, præcipitationibus, mercu-  
rialibus aquis, fortibus, &c. Quæ omnes er-  
roneæ viæ vitandæ sunt, cū cæteris Sophi-  
starum præparationibus mineralium, pur-  
gationibus, & fixationibus spirituum, atque  
metallorum. Quapropter lapidis præpara-  
tiones omnes, vti Geberi, Alberti Magni, &  
similium sunt sophisticæ, purgationes eorū,  
cemérationes, sublimationes, destillationes,  
rectificationes, circulationes, putrefactio-  
nes cōiunctiones, solutiones, ascensiones, coa-  
gulationes, calcinationes, & incerationes,  
prorsum inutiles: cū in tripode athanore,  
furno reuerberatorio, liquefactorio, accidio-  
neo, fimo, cinere, arena, similibusque: tum in  
curcubita, pellicano, retorta, phiala, fixa-  
torio, &c. Idipsum de sublimatione mercu-  
rij, per minerales spiritus ad album & rubeū,  
vti per vitriolum, salpetræ, alumen, crocum  
Martis, existimandum. De quibus omnibus,



falso fabulatur ille Sophista, Ioannes de Ru-  
pecissa, tractatu suo de lapide philosophorū,  
albo & rubeo. Quæ simul, ementita somnia  
sunt omnia. Fugienda sunt etiā, particularia  
sophistica Geberi, prout sunt septenę subli-  
mationes, aut mortificationes itē reuifica-  
tiones Mercurij, cū suis præparationibus, p  
sal vrine, vel per sepulchrū factis quę singula  
falsa sunt. Quidā alij, mineraliū & metallo-  
rum sulphuribus, mercurium fixare conati,  
summè decepti fuerunt. Vidi siquidem, hac  
arte mercurium in corpus metallicum, per  
eiusmodi fixationes adductum, similitudine  
quidem, in omnibus, & per omnia, bonum  
argentum fingentem ac repræsentantem, ve-  
rū in testa, falsum vt extitit, etiā apparuit.

### Capitulum decimum,

*De his qui lapidem & particularia quæsi-  
uerunt in mineralibus.*

**S**ophistarum nonnulli, tentarunt ex mer-  
curio septies sublimato, ac toties disso-  
luto, fixum oleum emungere, medio quidē  
aquarum fortium, quo metalla imperfecta,  
in perfectionē adducerentur: at frustraneum  
opus hoc, relinquere coacti sunt. Aliqui vi-  
triolum septies purgarunt, calcinatione, so-  
lutione, & coagulatione, & cū duarum par-  
tium armoniaci salis additione, sublima-  
tionēque, vt in aquam albam resolueretur



tur, cui tertiam partem addidere mercurij viui, vt ea coagularetur aqua: mercurium toties postmodum, à dicto vitriolo, & armoniaco sale sublimarunt vt in lapidem abierit. Hunc affirmarunt, ex vitriolo conceptū, rubeum sulphur esse philosophorum, quocum solutionibus, & coagulationibus progressi sunt ad lapidem, sed in proiectione, fecerunt nihil. Alij mercurium coagularunt, per aquam aluminis, in massam duram alumini similem, quam fixatorijs aquis fixarunt inutiliter. Sophistę, plurimas rationes fixandi mercurium, sibi frustra præfigunt, quòd in mercurio, nihil perfecti còstantisue habeatur. Hoc fit, vt in vanum addantur ei mineralia, per sophisticos processus, quibus omnibus, ad maiorem sui malitiam excitatur, viuusque magis efficitur, & potius ad maiore impuritatem adducitur, quàm ad aliquam perfectionem. Non est igitur, ab eo materia philosophorum petenda: cū sit imperfectum quid, quod si ad perfectionem adduci queat, sophistarū progressibus valde difficile fuerit, imò impossibile, cū in eo nihil sit, quod in perfectionem excitari cogiūe queat. Aliqui, sumserunt arsenicum aliquoties sublimatū, ac multoties oleo tartari dissolutum, & coagulatū, idq; fixare prætenderunt, quo cuprū in argentum verterēt, id ipsum & nihil, præter sophisticam de albationem quandā præferulit.



se tulit. Etenim, arsenicum sanè minimè figi potest, nisi operator artista, spiritū eius tingentem ex æquo cognitum habeat, in quo quidem omnes dormitarunt philosophi, frustra conantes ex eo quid efficere. Quicūque igitur spiritum hunc ignorauerit, spem ipsum figendi nullam habeat, nec virtutem illi tribuēdi, qua transmutationis perfectionem acquirat. Quamobrem notum facio cunctis, dealbationem de qua mentio facta est, ex falso fundamento depromptam, eaq; falso cuprū dealbari, non immutari. Sophistæ, venerem ad hunc modum laruatam, atque fucatam, sui duplo admiscuerunt lunæ, aurifabris vendiderūt, & monetarijs: postremo verò, in falsos monetarios sese transmutarunt, nedum qui vendiderūt, verumetiam illi, qui emerunt. Aliqui ex sophistis, albi loco, rubeum arsenicum sumserunt, & hoc ipsum in falsam artem abiit. Quoniam quocūque modo præparetur, nihil præter albedinem exhibet. Nonnulli, progressi sunt ulterius, ad sulphur comune, quod ita flauū coxerunt aceto, lixiuio, vel vrinis arcerrimis, per diem & noctem, vsque dū album emerfit. Postmodū, eleuarunt ipsum à sale comuni, & calce ouorum, per sublimationem coxerunt, & sublimarunt, idque multoties, combustibile semper nihilominus exiit, licet album: eo tamen, crudum fixare mercurium,



tium, in aurum conati sunt, at frustra tentatū est, optima tamē inde ciñabaris, & pulcher-  
rima, omnium, quam viderim vnquā, resul-  
tauit. Hanc fixare putantes, oleo sulphuris  
per cementationem, & fixationem, apparen-  
tiæ non nihil habuit, verū, secus atque res  
ipsa desiderabatur, euenit. Alij sulphur com-  
mune redegerunt in formam hæpatis, olei  
lini, laterini, vel oliuarū admistione, coquē-  
tes in aceto. Postmodum in lapidē marmo-  
reum effundentes formā hæpatis effecerunt.  
Hoc destillarunt in oleum citrinum, igne  
lento primū, sed suo damno sunt experti,  
se nihil egisse, ad lunæ tincturam in aurum,  
vti putarunt. Vt mineralium infinitus est nu-  
merus, non aliter & præparationum eorum  
multa varietas: quarum, hoc loco latiore  
facere mentionem distuli, quod peculiarem  
tractatum requirant. Cauendum etiam à so-  
phisticis oleis vitrioli, & antimonij. Itidem  
ab oleis metallorum imperfectorum, & per-  
fectorum, auri, siue argenti. Quoniam,  
etsi horum operatio potentissima sit in  
rerum natura, tamen verus processus, in  
hunc vsque diem, paucissimis cognitus  
est. Abstinentum etiam, à sophisticis præpa-  
rationibus mercurij vulgi, arsenici, sulphu-  
ris, & aliorum similium, per sublimationem  
videlicet, per descensum, & fixationem cum  
aceto, sale petræ, tartaro, vitriolo, sale armo-  
niaco,



niaco, ea tamen via & ratione, quam libri sophistarum docent. Item fugite sophisticas tincturas à marcasitis, & croco Martis desumtas, & ab ea sophisticatione, quæ partis cum parte nomen habet: lunæ fixæ, similiūque nugarum. Nam, etsi aliquam superficialē veritatis apparentiam exhibeant (quæ quidem lunæ fixatio, parui laboris ac industriæ) tamen eiusmodi progressus præparationis, est nullus, & inualidus. Compassione motus igitur, erga beniuolos operarios artis huius, volui, verum philosophiæ fundamentum patefacere, tribus particularibus arcanis, videlicet: vno per arsenicum: alio per vitriolum: tertio verò, per antimonium explicatis. Ex quibus docebo veram proiectionē, super mercurium & imperfecta metalla.

### Capitulum undecimum.

*De vero & perfecto arcano particulari ex arsenico ad albam tincturam.*

**S**cripserunt aliqui, compositum arsenicum ex mercurio, & sulphure: alij ex terra & aqua, plerique ex natura sulphuris. Quocumq; modo id sit, eius natura talis est, ut rubeum cuprum, in album transmutet. Ad eam etiam præparationis perfectionem adduci potest, ut verè perfectèq; tingat. Non ea via, quam docent prauj sophistæ, ut sunt Geber in summa perfectionis, Albertus Magnus,



gnus, Aristoteles Chimista in libro perfecti  
magisterij, Rasis, & Polydorus: nam scripto-  
res isti quotquot sunt, errant, vel ex inuidia,  
falsa quæq; scribunt, proponuntq; recepta,  
quia veritatem etiam ignorarunt. Arsenicū,  
in se tres continet spiritus naturales: pri-  
mum volatilem, adustibilem, corrosiuum, &  
omnia metalla penetrantem. Hic spiritus  
dealbat venerem, & post aliquot dies reddit  
spongiosam. Quod artificium ad eos perti-  
net dumtaxat, qui causticam artem exercēt.  
Secundus spiritus, cristallinus est, ac dul-  
cis. Tertius, est spiritus tingens, segregatus  
ab alijs prædictis. Has tres in arsenico pro-  
prietates naturales, inquirunt veri philoso-  
phi, ad perfectam sapientum projectionem.  
Barbitōsores verò chirurgiam exercētes, dul-  
cem, & cristallinam expetunt naturam, à  
tingente spiritu separatam in vsum curatio-  
nis vulnerum, & ad bubone, carbunculos,  
antraces & cætera similium vlcerum vitia,  
non nisi miti quodam artificio curanda. Cæ-  
terum spiritus ille tingens, nisi purum eius,  
ab impuro seiunctum sit, à volatili fixum, &  
à combustibili, tinctura secreta, projectio-  
nem super mercurium, venerem, aut aliud  
quodcumq; metallum imperfectum, haud-  
quaquam expediet ex voto. Philosophi om-  
nes, arcanum hoc, vt mysterium excellentis-  
simum occultarunt. Spiritum eiusmodi tin-  
gentem,



gentem, ab alijs duobus secretum, vt supra  
coniunges spiritui lunæ, simulq; digeri per-  
mittes, spatio triginta duorumque dierum,  
ac vsq; dum corpus nouum induerint. Post-  
quam ad quadragesimum diem naturalem,  
calore solis, in inflammationem accensus  
fuerit, apparet spiritus candore nitido, per-  
fectoq; tingendi præditus arcano. Tandem,  
ad projectionem aptus est, videlicet, eius  
pars vna, super sedecim partes imperfecti  
corporis, iuxta præparationis acuitatem.  
Apparet inde luna lucens, & excellentissi-  
ma tamquam è terræ visceribus eruta.

### Capitulum duodecimum.

*De arcano vitrioli, rubeaq; tinctura ex  
eo prolicienda.*

**V**itriolum, nobile admodum inter cæ-  
tera minerale, plurimæ semper existi-  
mationis, penes philosophos existit, quòd  
præ cunctis, Altissimus Deus hoc dotibus  
miris adornarit. Eius arcanum, figuris æni-  
gmatibusq; velarunt, vti hoc est. Visitabis inte-  
riora terræ, rectificando inuenies occultum lapi-  
dem veram medicinam. Per terram intellexe-  
runt, vitriolum ipsum, & per interiora ter-  
ræ, dulcedinem eius, ac rubedinem. Quo-  
niam in occulto vitrioli subtilis, nobilis,  
& fragrantissimus succus, ac purum oleum  
later.



## PHILOSOPHORVM.

39

latet. Cuius prolectionis modus, calcinatione, vel destillatione haudquaquam aggrediendus. Etenim viriditate sua priuari minimè debet: qua quidem, statim atq; spoliatum erit, arcano pariter, & viribus carere necessum est. Notandum utique hoc loco, mineralia nedum, verum etiam ipsa vegetabilia, similiaq; virorem extrinsecus demonstrantia, rubeum sanguinis instar oleū in se continere, quod arcanum eorum est. Inde patet, pharmacopœorum destillationes irritas, vanas, atq; stultas, nulliusq; momenti esse, quòd sanguineum ruborem vegetabilium, prolicere minime norint. Ipsa natura sagax, vegetabilium aquas omnium, in citrinum colorem vertit, & inde post, in rubicundissimum ut sanguis oleum. Tardiùs id ipsum fieri, causa potissima est, destillatium operariorum ignorantium nimia præcipitatio, quà viriditas absimitur. Naturam suis viribus corroborare non didicerunt, quò nobilis ille viror, per seipsum in ruborem debet rectificari. Exemplo vinum album est, seipsum in citrinum colorem digerens, & successiuo tempore, botri sui virens color, in rubeum sub coeruleo latentem per se vertitur. Deperdita igitur vegetabilium, & mineralium viriditate, per ignauiam operantiū, essentia pariter & spiritus olei, balsamique arcanorum nobilissimi, perierit.

C



## Capitulum decimum tertium.

*De processu vitrioli ad rubeam tincturam.*

**V**itriolū in se multas lutosas & viscosas imperfectiones cōtinet: quapropter aqua viriditas eius elicienda sæpius, & rectificāda, vsq; dū terrę omnes impuritates exuat. Quibus transactis rectificationibus omnibus, apprimè cauendum, ne materia soli sit exposita, quòd hic, virorem illius in pallorē vertat, absorpto simul arcano. Calido seruetur hypocausto cōtectā, ne puluere sordeat. Digeratur postmodū vitro clauso, mensium aliquot spatio, ac tantisper, dum varij colores appareant, supremaq; rubedo. Nec dum isto processu, rubedo satis fixa fuerit existimanda, quin ab interioribus, accidētalibusque terrę sit inquinamentis, repurganda latius, ad hunc modum. Rectificāda venit aceto, donec terreum inquinamentum prorsus ablatum sit, fecesq; semotæ. Hęc est eius tincturæ vera, & optima rectificatio, de qua, benedictum oleum est eliciendum. Ab ea vitro conclusa diligentius, alembico superposito mox, et bituminatis commissuris, ne spiritus exhalet, eius olei destillatione, spiritus, igne suauilentoque proliciendus est. Oleum hoc, pharmacopolico balsamo quouis, & aromatico delectabilius atq; dulcius, acridine carens omni. Residebit in fundo cucurbitæ, terra quædam albissima, nitens candensque



que niuis instar, hanc serua tuereque ab omni puluere. Ea ipsa terra, prorsum à sua rubedine separata est. Inde subsequitur maximū arcanum, ut puta super cœleste matrimoniū animæ summè purificatæ, & ablutæ per agnī sanguinem, cum splendente nitido, purificatoque suo corpore. Hoc est verum matrimonium supercœleste, quò vita prolongatur in diem postremum, destinatumq;. Ad hunc igitur modum, anima spiritusque vitrioli (qui sanguis eius existunt) cum suo corpore copulantur purificato, ut in æternum sint inseparabilia. Quapropter, excipe terrā hanc nostram foliatam, phiala vitrea, cui sensim oleum suum affundatur. Animam suam corpus, momēto recipiet amplecteturq;. Quandoquidem corpus, animæ desiderio plurimū afficitur, & anima corporis amplexu perfectissimè delectatur. Coniunctionē eiusmodi, positam in arcanorū furnum, quadraginta diebus ibidem contineto. Quibus transactis, oleum habebis absolutissimū mirandæ perfectionis, quo mercurius, & reliqua metalla quæuis imperfecta, vertūtur in aurum. Iam, ad multiplicationem, animum applicemus. Recipe mercurium corporalē, portione duarū partium, quē tribus eiusmodi pōderis partib. olei dicti perfundas, ac maneāt simul diebus quadraginta. Hac proportionē pōderis, & ordine, multiplicatio fit in infinitum.



## Capitulum decimumquartum;

*De secretis, & arcanis antimonij, ad rubeam  
tincturam, in transmutationem.*

**A**Ntimonium, est verum auri balneum. Philosophi autem, vocarunt illud examinatorem, & Stilangem. Poetæ verò, dicunt in eo lauacro, Vulcanum lauisse Phœbum, & ab omnibus sordibus, imperfecti-  
onibusque repurgasse. Natum est ex purissi-  
mo nobilissimoque mercurio, & sulphure,  
sub vitrioli genere, in metallica forma splē-  
dorēque. Nonnulli philosophi, vocarunt al-  
bum plumbum sapientum, vel simpliciter  
plumbum. Sumito igitur antimonij, eiusq;  
perquam optimi, quantum voles, hoc ipsum  
in aqua forti sua dissolutū, in aquam frigidā  
eijciatur, addito tantillo croco Martio, ut in  
sedimentum ad fundum vasis decadat: aliter  
enim feces non exiit. Postquā ad hunc mo-  
dum solutum erit, summam acquisierit pul-  
chritudinem: ponatur in vitrum, luto com-  
pactissimo circumquaque munitum, vel in  
bociam lapideam, & admisceatur rutiae cal-  
cinatae, sublimatē, ad perfectum gradū ignis:  
cauendum accuratiū à liquefactione, quo-  
niam disrumpit vitra nimio calore. Ab vna  
libra huius antimonij, habetur sublimatio,  
dierum spatio duorum perfecta. Sublimatū  
hoc, in phiala positum, ut tertia parte aquā  
attin-



attingat, lutato vase, ne spiritus euolet, suspendatur supra tripodem arcanorum, & vrangeatur opus igne lento primùm, solis caloris instar estate media. Tum demum, decimo quoque die, sensim augeatur. Etenim calore nimio rumpuntur vitra, nonnunquam & furnus in frustra dissilit. Dum vapor ascendit, varij colores apparent: moderetur ignis tantisper dum rubea materia cōspiciatur. Postmodū aceto soluatur acerrimo, fecibus abiectis: abstrahatur acetum, iterumque soluatur in aqua communi destillata, quæ rursus abstrahatur, & sedimentū igne vehementissimo destilletur, vitro clauso accuratissimè: ascendet corpus totum antimonij, in oleum rubicundissimum, rubini colorem referens, in vasq; receptorium guttatim defluet, odoris fragrantissimi, dulcissimiq; saporis. Hoc est summum arcanum philosophorum, in antimonio, quod inter oleorum arcana, plurimi faciunt. Postremò tandem, oleum solis fiat, ad hunc modum. Sumito purissimi solis, quantum voles, hoc solui curabis in spiritu vini rectificato. Spiritus abstrahatur aliquoties, totiesque soluatur iterum: postrema solutio seruetur cum spiritu vini, & circuletur per mensem. Postmodum, destilletur aurum volatile, & vini spiritus per alembicum ter quaterue, ut in recipiens vas defluat. ac in summam suam essentiam adducatur. Ad me-



diam vnciam istius auri soluti, addatur vncia vna olei antimonij. Hoc oleum, illud amplectitur, in calore balnei, vt à se non facile dimittat, etiamsi spiritus vini abstrahatur. Hac via, habebis summū naturę mysterium, & arcanum, cui par, in rerum natura haudquaquam assignari potest. Bina hæc olea modo qui dictus est, vnita, concludantur in phiala, & suspendantur in tripode per mensem philosophicum, igneq; lentissimo foueantur. Quamquam, si temperetur ignis debita proportionē, triginta & vno diebus, negotium hoc absoluitur, & in perfectionem adducitur, qua mercurius & imperfecta metalla quæuis, auri perfectionem acquirunt.

### Capitulum decimumquintum.

*De proiectione per mysterium, & arcanum antimonij facienda.*

**N**illum potest assignari iustum pondus, in hoc opere proiectionis, licet ipsa tinctura, trahatur ab aliquo subiecto, proportionē certa, ac debitis instrumentis. Etenim, ista medicina, tingit aliquādo triginta, quadraginta, nōnunquā sexaginta, octuaginta, centum, imperfecti metalli partes, vt eius negotij cardo, potissimū circa medicinæ mundationem, & operantis industriam vertatur, item iuxta maiorem vnius, quam alterius



rius imperfecti corporis præ manibus assum-  
ti munditiam & puritatem. Quãdoquidem  
vna venus, purior altera, quo fit vt determi-  
natum pondus, haberi nequeat, in proiectione.  
Hoc solum notatu dignum, vt si contin-  
gat operatorem, tincturæ nimium assumfisse,  
additione poterit imperfecti metalli, hunc  
errorem corrigere: si verò subiecti nimium,  
quò tincturæ vires debiliores effectæ sint, vi-  
tium hoc, cineritio facilè, vel cementationi-  
bus, aut per crudū antimonium ablutioni-  
bus tollitur. Nihil in hac parte, quod operā-  
tem remoretur, vel impediat: solū id sibi  
proponat, quod à philosophis omissum est,  
& ab aliquibus studiosè velatum, scilicet in  
proiectionibus, reuiuificationē imperfecto-  
rum corporū esse necessariam, id est anima-  
tionem, vel vt ita loquar, spirituationem, de  
qua nonnulli dixerunt, metalla sua non esse  
vulgaria, quia viuunt, animamq; habent.

*Animatio fit ad hunc modum.*

**S**Vmito Veneris, in bracteas tenues ad-  
ductæ, quantum voles, decem, viginti,  
quadragintaue libras, pultribus ex arsenico  
& tartaro calcinato subactis, incrustentur, &  
suo vase calcinentur, spatio viginti quatuor  
horarum. Tumdemum, in puluerem rufa  
venus abluatur, ac mundetur optimè. Itere-  
tur calcinatio cum ablutione, ternis quater-



nisue repetitionibus. Hac via, mundatur & purgatur à crasso virore, & immundo suo sulphure. Cauendum utiq; , à calcinationibus cōmuni sulphure factis: nam quod bonum est in metallo, prorsum deprauat, malumq; peius efficit. Ad marcas decem istius purgationis veneris, addatur vna puræ lunæ. Verum ut medicinæ, per projectionem opus acceleretur, ac imperfectum corpus facilius penetret, cunctasque partes naturæ lunæ contrarias expellat, fermenti perfecti medio id ipsum fieri poterit. Etenim ab immundo sulphure, coinquinatur opus, ut ad superficiem transmutati, nubes obducatur, vel loppis sulphuris permisceatur metallum, & vnā cum illis abijciatur. Verum enimvero, si projectio fieri debeat, rubei lapidis ad rubeam transmutationem, super aurū, primò cadat oportet, postmodum super lunam, vel super aliud metallum repurgatum, ut suprà narrauimus. Inde perfectissimum aurum exurgit.

### Capitulum decimum sextum.

#### *De vniuersali materia lapidis philosophorum.*

**P**OST mortificationem vegetabilium, cōcurrentiā duorum mineralium, ut pote, sulphuris & salis, in mineralem naturā transmutantur, ut inde tandem, perfecta mineralia resultent. Etenim in terræ cuniculis mineralibus, & latifundijs, vegetabilia reperiuntur



riūtur, quæ longo successu temporis, & continuato calore sulphuris, naturam vegetabilem exuerunt, indueruntque mineralem. Idque potissimum accidit, vbi huiuscemodi vegetabilibus, proprium adimitur nutrimentum vt coacta sint postmodum, à sulphuribus, & salibus terræ, suum alimentum sumere tantisper, dum in menerale perfectum, quod antea vegetabile fuerat, abit, Et ex minerali conditione hac, metallica quædam essentia perfecta, nonnunquam oritur, idque progressur vnius gradus, in alterum. Sed redeamus ad lapidem philosophorum, cuius (vt meminerunt aliqui) materia præ cunctis est inuentu difficilima, & abstrusior intellectu. Huius, vt aliarum quarumcumque, modus inuestigationis, & norma certissima, quid contineant, valeantque, radicis est earum, & spermatis examinatio sedula, qua peruenitur ad cognitionem: ad hanc facit plurimum, consideratio principiorum, valde necessaria, tum qua via, quouè medio, natura primū, ex imperfectione, ad perfectionis finem deuenierit. Cui considerationi, conducit in primis habere competentissimum, creata quæuis à natura, tribus constare primis, Mercurio scilicet, Sulphure, & sale naturalibus, in vnum permistis, vt in nonnullis volatilia sint, in alijs verò fixa. Quoties corporale sal, cum spirituali mercurio, & animato sulphure permiscetur in



corpus vñum, tum demum incipit operari natura, locis, quæ loco vasorum suorum habet, subterraneis, per separantem igne, quo sulphur crassum, & impurum, separetur à puro, & à sale, terra segregetur, nec non à mercurio, nubes, seruatis purioribus partibus istis, quas natura decoquit iterum simul, in constans corpus geogamicum. Quæ quidē operatio, habetur à Magis, vt mixtio cōiunctiōq; per vnionem trium, vt puta corporis, animæ, & spiritus. Adimpleta hac vnione, resultat inde purus mercurius, qui si p meatus subterraneos defluat, eiusq; venas, & obuiam factus cahoico sulphuri, hoc ipso coagulatur mercurius, pro conditione sulphuris. Est tamen adhunc volatilis, & vix centū annis, decoquatur in metallū. Inde sumpsit originem, vulgatum hoc nempe, mercurius & sulphur, materiam esse metallorum, vt etiam ex relatu fossorum mineralium constat. Non tamen vulgaris mercurius, neque sulphur commune, metallorū sunt materia, sed mercurius, & sulphur philosophorum, incorporata sunt, ac innata, metallis perfectis, eorumq; formis, vt nunquam ab igne fugiant, nec vi corruptionis elementorum, deprauentur. Vtique per eiusmodi naturalis mixtionis dissolutionem, mercurius noster domitus est, vt loquuntur omnes philosophi. Sub hac verborum forma, noster mercurius,  
ex



ex perfectis corporibus, viribùsq; terrenorū  
planetarum, venit eliciendus. Quod Her-  
mes asserit, his verbis. Sol (inquit) & Luna  
sunt radices huius artis. Filius Hamuel ait,  
philosophorum lapidem, aquam esse coagu-  
latam, scilicet in sole & luna. Vnde sole cla-  
riùs patet, materiam lapidis, nihil aliud esse,  
præter solem & lunam. Idipsum etiam eo  
confirmatur, quòd simile quodq;, sibi simile  
parit, generatq;. Et non aliter, quàm duos  
esse scimus lapides, album & rubeum, duæ  
sunt etiam lapidis materiæ, sol & luna simul  
copulata, proprio matrimonio, cùm natura-  
li, tum artificiato. Et sicuti videmus virum &  
mulierem, absque semine vtriusque, mini-  
mè generare posse, pariformiter vir noster  
sol, fœminæque sua luna, sine semine sper-  
matèque vtrumque suo, concipere non pos-  
sunt, neque ad generationem aliquid moliri.  
Collegerunt inde philosophi, tertium esse  
necessarium, videlicet animatum semen am-  
borum, hominis & fœminæ, sine quo, totum  
opus eorum, irritum esse iudicarunt, & ina-  
ne. Huiusmodi sperma, mercurius est, qui  
per naturalem coniunctionem amborum  
corporum, solis & lunæ, recipit eorum in se  
naturam, in vnione: tum demum, nec priùs,  
aptum est opus, ad congressum, ingressum,  
& generationem, per vim, & virtutē virilem,  
ac fœmineam. Hinc moti philosophi, dixe-  
runt



runt mercurium istum componi, corpore,  
spiritu, & anima, eumque naturam elemē-  
torum omnium, & proprietatem assumisse.  
Quapropter, ingenio & intellectu validissi-  
mis, asseruerunt lapidem suum esse animalē,  
quem etiam vocarunt Adamum suum, qui  
suam inuisibilem Euam, occultam in suo  
corpore gestaret, ab eo momento, quo virtu-  
te summi Dei, creaturarū omnium opificis,  
vniti sunt. Ea de causa, meritò dici potest,  
mercurium philosophorum, nihil aliud esse,  
quàm compositus eorū abstrusissimus mer-  
curius, & non vulgaris ille. Sapienter igitur  
dixere sapientibus, est in mercurio quicquid  
quærent sapiētes. Almadir philosophus ait,  
Nos extrahimus nostrum mercuriū, ex vno  
corpore perfectō, duabúsque perfectis con-  
ditionibus naturalibus, simul incorporatis:  
quiquidem, perfectionem suam extrinsecus  
protrudit, qua resistere valeat igni, & vt in-  
trinsa eius imperfectio, ab extrinsecis per-  
fectionibus defendatur. Per hunc philoso-  
phi locum acutissimi, materia lapidis intel-  
ligitur adamica, limbus microcosmi, mate-  
riaq; homogenea vnica philosophorū om-  
nium, quorum etiam dicta, de quibus antea  
mentionem fecimus, merè sunt aurea, pluri-  
mæq; semper existimationis habēda, quod  
nihil in se habeant superflui, nihil inualidi.  
Summatim ergo, lapidis philosophorum  
materia,



materia, nihil aliud est, quàm igneus perfectusq; mercurius p naturā & artē extractus, idest, artificialiter præparatus, & verus hermaphroditus Adā, atque Microcosmus. Hoc ipsum philosophorum sapientissimus Ille Mercurius, asserens, lapidem vocauit orphanum. Noster itaque mercurius, is ipse est, qui solis perfectiones, vires, atque virtutes in se continet, quique per vicus, ac domos planetarum omnium transcurrit, & in sua regeneratione, acquisiuit vim superiorum, & inferiorum, quorum etiam matrimonio, comparandus, vt patet à candore, et rubore simul in eo conglomeratis.

### Capitulum decimumseptimum.

#### *De præparatione materiæ lapidis philosophici.*

**I**D potissimum requirit natura, videlicet, philosophicum virum suum, in mercurialem substantiam adduci, vt in philosophicū lapidem enascatur. Porro notandum, communes illas præparationes Geberi, Alberti Magni, Thomæ aquinatis, Rupecissæ, Polydori, similiumque, nihil aliud esse, quàm particulares quasdam solutiones, sublimationes, calcinationes, & ad nostrum vniuersale minime pertinentes, quod solummodo secretissimo philosophorū indiget igne. Ignis igitur, & azoth tibi sufficiant. Philosophos aliquarum præparationum facere mentionem,



nem, vti putrefactionis, destillationis, sublimationis, calcinationis, coagulationis, dealbationis, rubificationis, cerationis, fixationis, &c. id ipsum intelligas oportet, in eorum vniuersali, naturam ipsam quasuis operationes adimplere, in dicta materia, & non operarium, in vase philosophico dumtaxat, & igne simili, non communi. Album & rubrum, ex sua radice profiliunt, absq; medio quouis. Soluitur per seipsum, & copulatur per se, albesit & rubescit, croceum & nigrum efficitur per seipsum, sese desponsat, & in seipso concipit. Decoquendus igitur, assandus, fundendus, ascendit & descendit. Quæ quidem omnes operationes, vna sunt operatio igne solo facta. Nonnulli tamē philosophi, per summē graduatam essentiam vini, corpus solis dissoluerunt, volatileque reddiderunt, vt per alembicum ascenderet, putātes, veram esse materiam volatilem philosophorum, cum non sit. Et si non contemnendum sit arcanum, perfectum hoc corpus metallicum, in volatilem & spiritualement substantiam adducere, tamen errant in elementorum separatione: qui processus monachorum scilicet Lullij, Richardi Angli, Rupecisse, & aliorum, est erroneus. Quo quidem opinabantur, aurum hac via in subtilem, spiritualement, & elementalement potentiam separare, quamlibet separatim, postmodum, per circulationem,



nem, & rectificationem rursus in vnum copulare, sed frustra. Siquidem, etsi vnum elementum, ab alio quodammodo separetur, nihilominus quodlibet elementum, ad hunc modum separatum, in aliud elementum iterum separari potest, quæ partes postmodum, pellicanica circulatione, vel destillatione, rursus in vnum redire minimè possunt, at semper manent volatilis materia quædam, & aurum potabile, vt ipsi vocant. Causa, cur ad suam intentionem peruenire non poterunt, hæc est, quia natura, hac ratione minime distrahi, nec separari vult, humanis disfunctionibus, vti per terrena, vitra & instrumenta. Sola ipsamet nouit suas operationes, & elementorum pondera, quorum separationes, rectificationes, & copulationes, exequitur, absque adminiculo cuiusuis operantis, aut manualis artificij, dummodo contineatur in igne secreto materia, & in occulto suo vase. Per hominem igitur, impossibilis est elementorum separatio, quæ licet appareat, non est vera tamen, quicquid de Raymundo Lullio dicatur, & anglico suo nobili auro, quod fabricasse falsò putatur. Habet enim ipsa natura, in seipsa proprium, separatorem, qui, quod separat, iterum coniungit, absque hominis auxilio, nouitque omnium optimè, vniuscuiusque proportionem elementi, & non homo, quicquid scribentes erroris,



ronei, suis friuolis falsisq; receptis, de volatilibus hoc auro suo fabulentur. Hæc est opinio philosophorum, ut quum suam materiam in ignem secretiorem posuerint, calore suo philosophico moderato, circumquaq; fouetur, ut incipiens per corruptionem transire, nigrescat: hanc operationem, putrefactionem esse dicunt, & nigredinem, caput corui nominant: materiæ huius ascensum atque descensum, destillationem, ascensionem & descensionem proferunt: exiccationem dicunt esse coagulationem: & dealbationem, calcinationem. Et quia calore fluida fit ac mollis, cerationis mentionem faciunt. Quum ascendere definit, & liquida manet in fundo, fixationem adesse dicunt. Ad hunc modum igitur, operationum philosophicarum appellationes intelligendæ sunt, & non aliter.

### Capitulum decimum octauum.

#### *De instrumentis & vase philosophico.*

**P**Utatici philosophi, perperam intellexerunt occultum, & secretum vas philosophicum, & peius id quod Aristoteles alchimista (non ille philosophus academicus Græcus) loquitur, inquiens, materiam in triplici vase decoquendam: item pessimè, quod ab alio dicitur, scilicet materiam, in prima sui separatione, primoque gradu, vas metallicum requirere, in secundo gradu coagulationis, atque dealba-



dealbationis suæ terræ, vas vitreū, & in tertio gradu ad fixationem, vas terreū. Nihilominus per hoc intelligūt philosophi, solum vnum vas in omnibus operationibus, vsque ad perfectionem rubei lapidis. Cum igitur materia nostra, sit radix nostra, ad album & rubeum, necessariò, vas nostrū, ad hunc modum esse debet, vt in eo materia, regi valeat à cœlestibus corporibus. Influentiæ nanque cœlestes inuisibiles, & astrorum impressiones, apprime necessariae sunt ad opus: aliter impossibile fuerit, Orientalem, Persicum, Chaldaicum, & Ægyptiacum lapidem insuperabilem, adimpleri: per quem Anaxagoras, totius firmamētī vires cognouit, ac præfagiuit magnum lapidem è cœlo descensurū in terras, quod etiam post mortem eius accidit. Cabalisticis vtique vas nostrū potissimū innotescit, quod iuxta verè geometricā proportionem atq; mensurā, & ex certa circuli quadratura, fabricari debet, vt spiritus & anima nostræ materiæ, separata à suo corpore, hoc, pro cœli altitudine secum eleuare valeant. Si vas, prærer æquum, strictius, amplius, altius, demissiusue fuerit, quàm dominantes, & operantes spiritus, animaque desiderant, calor ignis philosophici nostri secreti (quiquidem acutissimus est) materiā violentius excitatem, ad operationem vrgebit nimiam, vt vas in mille partes dissiliat,

D



non sine periculo corporis & vitæ operantis. Contra si capacius, quàm ut calor iuxta proportionem operari valeat in materiam, irritum etiam erit opus & frustraneum. Quapropter, summa diligentia, vas nostrum philosophicum est fabricandum. Quæ verò materia sit, huiusmodi nostri vasis, intelligunt illi soli, qui in prima solutione nostræ materiæ fixæ, & perfectæ, hanc, in suam primam essentiam adduxerunt, de quo satis. Operator etiam accuratissimè notet, quidnam in prima solutione, materia dimittat, à seque reijciat. Vasis formam describendi ratio, difficilis: talis esse debet, ut natura ipsa requirit, ex vno & alio petenda, & inuestiganda, ut ex altitudine cæli philosophici, à terra philosophica eleuati, queat in fructum sui terreni corporis operari. Hanc formam utique habere debet, ut separatio, & purificatio elementorum, quando ignis vnum ab alio pellit, fieri possit, utque quodlibet, suum locum in quo hæret, occupare valeat, & sol, ac alij planetæ circumcirca terram elementalem, suas operationes exerceant, & cursus eorum, in circuitu non impediatur, aut velociori motu agitur: iuxta hæc omnia quæ dicta sunt, iustam proportionem habeat oportet, rotunditatis, & altitudinis. Instrumenta verò, ad primam mundificationem corporum mineralium, vasa fusoria, folles, tenaculæ, capel-



## PHILOSOPHORVM.

51

capellæ, cupellæq;, testæ, cemenratoria vasa, cineritia, cucurbitæ bocia ad aquas fortes regiasq;, tum quæq; ad proiectionem in opere postremo, necessaria sunt.

### Capitulum decimumnonum.

#### *De secreto philosophorum igne.*

**C**elebris philosophorum hæc est sententia. Ignis, & Azoc tibi sufficiant: solus enim ignis, totum opus est, & ars integra. Porro quotquot ignem suum carbonibus extruunt, errant, vas in eo calore continentes. Igne fimi equini, frustra nonnulli tentarunt. Carbonum igne, sine medio, materiam sublimarunt, sed non dissoluerunt. Alij calorem suis lampadibus excitarunt, asserentes, eum esse philosophorum ignem secretum, ad suum lapidem fabricandum. Nonnulli, posuerunt in balneum, primo in ouorum formicarum aceruis: alij in cineribus iuniperinis: aliqui ignem in calce viua quæsiuerunt, in tartaro, vitriolo, nitro, &c. Alij in aqua ardente, vti Thomas de Aquino, falso de hoc igne loquitur, inquit, Deum & angelos suos carere non posse hoc igne, sed eo indies vti. Quæ blasphemia hæc est? an non manifestissimum est mendacium, Deum carere non posse elementalī igne aque ardentis? Calores omnes, ijs medijs quæ dicta sunt, excitati per ignem, ad opus nostrum prorsus inutiles. Vide ne

D 2



seducaris ab Arnaldo de Villanova, qui de carbonum igne scripsit: ipse namq; hoc ipso te decipiet. Almadir ait, solos radios inuisibiles ignis nostri sufficere. In exemplum adducit alius, calorem cœlestem, suis reflexionibus ad coagulationem, & perfectionem facere mercurij, necnon ad metallicam generationem, continuato suo motu. Iterum idem, fac ignem vaporosum, digerentem, ut coquentem, continuum, non tamen volantem, aut bullientem, clausum, aere circumdatum, non comburentem, sed alterantem & penetrantem: iam verè dixi, omnem ignis, & excitandi caloris modum, si verus es philosophus, bene intelliges: hæc ille. Salmana-zar inquit. Ignis noster, corrosivus est ignis, qui supra nostrum vas, aerem ut nubem obducit, in qua nube, radij huius ignis occulti sunt: hoc rore cahos, & humiditate nubis, deficientibus, error commissus est. Rursum Almadir ait, nisi ignis, solem nostrum humore suo calefecerit, per finem montis, ascensu temperato, non erimus participes albi neque rubei lapidis. Hæc omnia demonstrant aperte nobis, occultum ignem sapientum. Summatim, hæc est materia nostri ignis, videlicet, ut accendatur, per quietum spiritum sensibilis ignis, qui sursum pellit, velut calefactum cahos, ex opposito, ac supra materiam nostram philosophicam, qui  
calor



calor supra vas nostrum gliscens, ad motum perfectæ generationis, constanter intermissione sine, temperatè quidè vrgeat. hæc ego.

### Capitulum uigesimum.

#### *De fermento philosophorum, & pondere.*

**P**Lurimum in arte fermentorum, & fermentationum laborarunt philosophi, quæ potissima videtur inter alias, de qua etiam nonnulli, Deo votum, & philosophis exhibuerunt, se nunquam eius rei manifestū arcanum, similitudinibus, neque parabolis prodituros. Cum tamen philosophorū omnium pater Hermes, libro septem suorum tractatum, fermenta luculentissimè patefaciat, inquit, non nisi ex pasta sua constare: ac latius, fermentū dealbare confectio- nem, & adustionem impedire, fluxumque tincturæ prorsus retardare, corpora consolari, & vnionem ampliare. Dicit etiam, hanc esse clauem, atque finem operis, concludens fermentum, aliud nihil existere, nisi pastam, vt solis, nil nisi solē, & lunę, nihil aliud quàm lunam. Alij, affirmant fermentum animam esse, quæ nisi ritè preparata sit ex magisterio, nihil etiam efficere. Artis huius nonnulli zelotes, quærunť artem in sulphure cõmuni, arsenico, rutia, auripigmento, vitriolo, &c. ac frustra. Quoniam, est eadem substantia, quæ quæritur, cum ea ex qua depromi debet. No-



randum igitur, eiusmodi fermentationes, ex voto zelotum, non ita succedere, arque vel-  
lent, sed vti supra patet ex dictis, successibus tantum naturalibus. Vt ad pondus tandem veniamus, dupliciter hoc obseruandū, prius est naturale, alterum verò artificiale. Natu-  
rale consequitur effectum in terra, per natu-  
ram, & concordantiam, de qua Arnaldus. Si terræ plus aut minus additum fuerit, quàm natura patiatur, suffocatur anima, nullusque fructus percipitur, nullaque fixatio Idipsum de aqua censendum, si plus istius aut minus accipiat, non inconuenientius dampnum attulerit: cuius superfluitas, materiam vltra modum humidam reddit, eiusque defectus, eam iusto sicciorē efficit, ac duriorē. Si plus aeris adfuerit, tincturæ nimium imprimitur, si parum, pallidum corpus euadet. Idem si vehementior ignis existat, adurit materia, si remissior, potestatem exiccandi non habet, neq; soluendi, aut alia elementa calefaciendi: in his pondus elementale consistit. Verum artificiale, est occultissimum, cum in arte magica ponderationum sit conclusum. Inter spiritum, animam & corpus, aiunt philosophi pondus constare sulphure, tamquam operis rectore, etenim anima, sulphur apprimè desiderat, necessariòq; obseruat, ratione ponderis: ad hunc modum inteligito. Materia nostra, est vnita rubeo sulphuri



phuri fixo, cui tertia pars regiminis commif-  
faeſt, vſq; in vltimum gradum, vt perficiat in  
inſinitum operationem lapidis, & cum eo  
perſiſtat, vnà cum igne ſuo, & pondere con-  
ſtet æquali, cum ipſa materia, in omnibus &  
per omnia, ſine variatione alicuius gradus  
permutationis. Poſtquam igitur materia a-  
daptata eſt, & proportionato ſuo pondere  
mixta, vaſe philoſophorū optimè ſigilloq;  
ſuo concludenda, & igni ſecreto cōmitten-  
da, in quo ſol philoſophicus orietur, ac ſur-  
get, necnon illuminabit omnia, quæ ſuum  
lumen expectarunt, ſpeq; plurima deſidera-  
runt. His paucis, concluſum eſſe volumus  
lapidis arcanum, nullo puncto mancum, ne-  
que defectuoſum, pro quo Deo gratias agi-  
mus immortales. Iam vobis Theſaurum no-  
ſtrum reſerabimus, totius mundi non per-  
ſoluendum opibus.

D 4

Finis.



Theſaurus Theſaurorum THEO-  
PHRAſTI PARACELSI.

**N**atura mineralium genus vnum, in terræ visceribus produxit admirandum, idque duplex: hoc varijs Europæ locis reperitur. Optimū, quod mihi præ manibus oblatum fuit & experimento comprobatum, ex figura maioris mundi, ab exordio, spheræ solis est astrū: alterum, in astro meridionali consistit, in prima sua florescentia, viscus est terre, per suum astrum in lucem productum, & in prima sua coagulatione ornatum rubedine, in eo flores omnes mineralium & colores includuntur, de quibus multa penes philosophos. Quod ad frigidam humidamq; naturam attingit, ad aquam, comparatione quadam, fuit adaptatum. Verūm eius notitia perfecta, ad experientiam collata, plurimos, imò ferè omnes philosophos, quotquot ante me sagittas suas ad metam emisērūt hactenus, adhuc latuit, frustra que conantes, latissimè declinarunt à scopo vero, & completo. Opinati sunt mercurium, & sulphur, matrem, & patrem esse metallorum omnium, verūm enim uero tertij non meminerunt. Imò quod potius est, horum nullus, rete piscatorium adhuc in manus asumpsisse potuit, quod aquæ veræ conuenit, matri metallorum, quæ quidem,



quidem, artificio spagirico separata, suos pices palam facit, quos neq; Galenica piscatio, nec Auicennæ rete lacerum, apprehendere potuerunt vnquam. Si modernis physicis demonstrare deberem, vel solum nomē coniunctionis, solutionis, & coagulationis, quas ipsa natura, in principio mundi, hoc in suo creato patefecit, & demonstrauit, annus vix sufficeret, aut papyrus omnis quāta cumque, ad eos erudiendum. Dico quidem, hoc in minerali, tres haberi substantias, vtpote Mercurium, Sulphur, & mineralem aquam, ex quibus compositum est, & arte spagirica separatum, soluitur in proprio suo liquore nondum maturo, & vti pyrum in sua arbore occultum est. Occultator pyri est arbor, in quam, vt astra, naturaque simul conueniunt, virides ramos edit, Martioq; postmodum atomos, & flores patefacit, vsq; in fructus pyriq; productionem, faciunt progressum, autumnus tandem fructus emergunt. Non absimili modo, censendum est de mineralibus, in visceribus terræ, quæ per astra protruduntur: quod quidem alchimistæ summè considerandum venit, ad naturæ thesaurum anhelanti. Cuius artificij modum, ab initio, medio, & fine, tractatu sequenti, vnà cum aqua, sulphure, balsamoque suis, aperiam. Quorum trium solutione, & rursus in vnum coniunctione, totum rei negotium absolui-

D s



tur, ad hunc modum. Sumito mineram cin-  
 nabaris, quam abluas aqua cœlesti, per tres  
 horas, tandem cola, & solue aqua regis, ex vi-  
 triolo, sale perræ, & sale communi facta. Per  
 alembicum abstrahatur, reaffundatur, & co-  
 hobando curetur, vt purum separetur ab im-  
 puro, quod infra. Putrescat equino fimo per  
 mensem, & postmodum separentur elemen-  
 ta, vt quum signa sua patefecerint, per alem-  
 bicum destillentur igne primi gradus, quo  
 aqua & aer ascendant primò, tandem ignis,  
 idq; reliquis gradibus, quæ ab experto ope-  
 ratore discerni poterunt. In fundo vasis ter-  
 ra manet in qua latet id omne, quod à mul-  
 tis quæ situm fuit, à paucissimis tamen in-  
 uentum. Terram hanc reuerberatorio con-  
 clusam, artificialiter calcinabis, à primo in  
 quintum gradum procedendo, gradu quoli-  
 bet, spatio quinque horarum: hoc fiet, vt sal  
 volatile habeas, admodum subtile sicut al-  
 cool, & constans astrum ignis & terræ, quod  
 separabis per elementa aquæ & aeris, quæ  
 seruasti prius. Tandem, ponas in digestio-  
 nem balnei maris, per octo horas, & videbis,  
 quod à multis alchymistis in cognitum ha-  
 stenus fuit, & minimè consideratum. Sepa-  
 ra, iuxta tuam experientiam, artificiosè, &  
 spagirico modo, reddetur ipsa terra, mirum  
 in modum alba, ex qua, tinctura fuerit extra-  
 cta. Coniunge elementum ignis, cum sale  
 terræ



terræ alcolizato, per digestionem, & pellicanicum artificium, adhuc aliud sedimentum ponet ista substantia, quod quidem, à puro separabis. Tandem accipe pellicanatum leonem, qui ab initio inuentus est. Quum videris tincturam eius, & elementum ignis super aquam, aerem, atq; terram, separa per tritorium, & solem eiusmodi cola, per inclinationem, est enim aurum potabile. Alcoole dulci vini perfundatur, & abstrahatur, vsque dum acuitas nulla percipiatur amplius, aque regis. Separato hoc oleum solis, & ponito in retortum, sigillo hermetico clausum, ad eleuationem, id est, ad exaltationem, vt in gradu suo dupletur. Recipe vitrum hoc occlusum, & in locum frigidum ponito: nō soluetur ibidem, sed coagulabitur, idque tertio repetendum est, soluendo & coagulando. Hoc artificio, tinctura solis perficitur, in suo gradu. Tumdemum, sumito huius duplum, veneris ad summum, & spagirico modo præparatæ, ad quam elementa aquæ, & aeris affundas, quæ seruaras, soluito, ac putrefacito per mensem, vt prius. Et quum ad perfectionem deuenierit, videbis signum elementorū. Separa vnum ab altero, siquidem oculariter apparet, ab albo, rubeum secretum. Hoc ab albo separabis, est enim tinctura rubea, tam potens, vt alba corpora quæque, in rubedinem tingat, vel rubea, in albedinem, quod valde



valde mirum est. Tincturam hanc, per retortum vrgeto: videbis nigredinem assurgere, quam iterum vrgebis per retortum, idque sæpius, donec albescat. Prosequere hoc tuū opus, nec animum despondeas, præ nimio labore. Toties rectificato, quousq; viridem leonem, verum & clarum videas, ponderosum, & grauem, qui tingit in aurum perfectum. Non desistas ab opere, cuius nunc meminimus, donec signa habeas, & videas leonem atque thesaurum, Leonis decimi thesauro non persolubilem. Bene sit illi, qui reppererit, & ad tincturam applicare nouerit. Hoc est balsamum verū, astrorum cœlestium, quod nullum corpus, in putrefactione abire finit, lepramq; nullā, podagrā, aut hydropisim inexpulsas relinquit, administratione grani vnus, si fermentabitur cū sulphure solis. O' tu Carole Germane, vbi tuū thesaurū habes, vbi tuos doctores, atq; physicos, vbi ligni guaiaci coctores, qui dūtaxat purgāt, & laxant? Siccine cœlum tuum irritatū est, & astra tua deuiarunt à recto cursu, lineaq; tua palustris, in aliam viam declinauit? Quid, oculi tui in vitrum, & carbunculum transmutati sunt, vt solū videant ea quæ ad ornatū & superficiale spectaculum pertinent, fastū & superbiam? Sanè si tui Doctores, Principem suum (quē Galenum vocant) apud Inferos degere scirent, indeque huc rescripserunt, quo



se, quo meritam sui condemnationem toti mundo palam faceret, vulpina cauda præ stupore sese insignirent. Non minus de Auicenna censendum, in Inferni porticu sedente, quo cum, disputationem & contreuerſiã habui, quod ad aurum suum potabile, necnō ad lapidem suum philosophicum, suamque teriacam attinet. O vos laruæ sophistarum, qui medicam arrem ementimini, cum tamē ex Deo nata naturæ sit commissa, non vobis indignissimis hominibus, à quibus immeritò spernitur. Videte vos hominum impostores, qui cathedras in terra superiores amatis, super quas etiam sedetis, post obitum meū, exurgent mei discipuli, qui vos Hypocritas palam facient, ac in lucem prodent, vnà cum vestris coquis immundissimis, qui vestros Principes & Potentatus Christianos, miserè seducitis, & in mortē adducitis, vestra medicina. Vē vobis in extremo die Iudicij. Spero meam Monarchiam, honore mihi debito triumphaturam. Non quod me ipsum extollam, sed ipsa natura me. Ex ea siquidem natus sum ego medicus, ipsam sequor, ipsa me nouit, & ego ipsam noui, quia lumen, quod in ipsa est, vidi, in figura Microcosmi comprobauī, ac in suo mundo ita esse reperi, quod verum est. Vt tamen ad inceptum redeam, meisque discipulis faciam satis, quibus etiam, doctrinam meam impertiens optime



timè faueo, dummodo eam quærant in luce naturæ, & experiantur, astrorum cognitionē habeant, ac in philosophia docti sint: omnia docebit eos, ac patefaciet, aquæ natura, & omne quod scripsi.

Sumito igitur, liquoris mineralium quantū voles, salis rubæ terræ, partes duas, sulphuris solis, partem vnā. In pellicano posita soluantur, & coagulentur, idque tertio. Hac via tincturam habebis alchimistarum, cuius pondus, hoc loco minimè describendum, sed libro de transmutationibus. Quicumque solis astri, vnciam vnā habuerit, & super aliquot vncias auri proiecerit, proprium suum corpus tinget. Astrum mercuri si habuerit, totum corpus mercurij vulgi similiter tinget. Si veneris astrum, non absimili modo, veneris corpus integrum, in optimum aurum tinget, inque summam, & constantem perfectionem: sic de reliquis metallorum astris iudicandum, vt Saturni, Iouis, Martis, &c. Ex quibus etiam, eadem ratione, tincturæ trahuntur, hoc loco minimè describendæ, quod libro de natura rerū, & archidoxorum habeantur, His paucis, primū ens metallorum, & mineralium terræ, satis abundè, veris alchimistis, vnā cum tinctura alchimistarum, declaratum volo. Nec est, quod quispiam operantū deterreatur, spatio temporis mensium nouem, verū, progrediatur absque



# PHILOSOPHORVM.

83

absque redio, spagirico ductu, quo, quadra-  
ginta diebus alchymisticis, figere poterit, ex-  
trahere, exaltare, putrificare, fermentare, &  
coagulare lapidem alchymistarum, ad hono-  
rem Dei, & vtilitatem proximi. Soli  
Deo laus, honor & gloria  
in æternum.

FINIS.



PHILOSOPHY

adque rebus (sagittis) datus pro quibus  
sunt dicitur aliquid sit agere potest  
exhibere, exaltare, putrescere, immutari, &  
coagulare lapidem alchimicum hunc  
semper dei & utilitatem proximis. Soli  
Deo laus, honor & gloria  
in eternum.

FINIS

TRI  
UNI

Doctro  
manico  
Princ



MONARCHIA  
TRIADIS, IN  
VNITATE, SOLI  
DEO SACRA.

*Autore Gerardo Dorn,*

Doctore, Physico, interprete Ger-  
manico à translationibus, Illustrissimo  
Principi, Francisco Valesio, Duci Ande-  
gauorum, Biturigum, Alen-  
conio, Turonensi, &c.



## Auctoris Contestatio.



libenter ac sæpius abstinuissem, & propalatione sacrorum Dei mysteriorum. Verum aliud quid facere licet, ac decet, quàm quò Fata trahunt, obtemperantissimè sequi? Fateor ingenuè, hoc loco me nihil præterquam sub diuino dictante spiritu, scriptorem, & monitorum eius exaratorem agere, velut è profundissimo somno extitatum. Quid miser homo de se promere, præter meram ignorantiam potest, aut quid habet quo gloriatur potius, quàm à Deo gratiam assecutum, seruitio dignatum eius, & obsequio, cui soli gloria conuenit? Faxit igitur qui potest, velleq; solus habet vt tam foelici ductu, comitibusq; fidis, inchoatum hoc iter eo fine perficiam, ad quem ipse nutu suo dirigere voluit. Minimè dubitandum, quin ad vindicias veritatis ab ijs oppressæ, qui falsò hætenus eam sibi totam vendicarunt: & in liberationem eorū qui his ducibus ita cœcutiuerunt, vt carneis oculis apertissimis, mente quidem nihil vidente, nunc vtrobiq; lucem videant eius, qui lux est, & lucem inaccessibilem inhabitat: Cui soli honor, laus & gloria perennis.



## PROLOGVS.

67



Summa Bonitas æterne Deus, fieri haudquaquam potest, vt humanus intellectus, absq; maxima suæ mentis consternatione, vel minimum punctum inexhaustæ Tuæ Sapientiæ considerare, taceo quidem vt exprimere titubante lingua, vel tremente calamo scribere valeat: ni iussu Tui Sacratissimi Spiritus, in cordibus hominum idipsum imprimendis, fiat, quos etiam admonere tacite, & indies exhortari nō cessat, ad Veritatis confessionem in omnibus. Quandoquidem attendi vel exequi, à quopiam in terris viuentium, si debeat, lumine diuini tui splendoris, illustretur in primis necessum est, vt ignorantia suæ tenebras agnoscat, ingenueque fateatur, ab eis nulla ratione liberari posse, quàm tua potenti manu. Et si fortè, suasu Calumniatoris à seipso petat auxilium, in profundiorē captiuitatis lacum se mergi compertiet, quòd per se nunquam aliud medium liberationis inueniet, quàm laqueum quo seipsum irretiuit ab initio, recedēs ab obedientia, quam tibi Creatori suo debuit. Huius indies euidentissima, nobis ob oculos proponuntur exempla, per ea quæ hactenus infidelium, Æthnicorum, & Paganorum scripta produnt ex mundana Sapientia: præsertim circa tractationem facultatum artium &

E 2



scientiarum omnium, in quibus, nil nisi vias à Veri scopo declinantes, quærunt ac docēt. Idipsum, non aliunde quidem ortum habet, quàm ex suis principijs, & fundamentis, quæ non hauserunt, vt oportuit, ex vero fonte Veritatis, centro scientiarum omnium, sed ex opposito, falsoq; mendaciorum centro, Dualitate videlicet. Et quod pessimum est, hos suos errores pertinacissimè defendere munireq; studuerunt, contra quoscumque pios bonosque viros, qui deuios ad Veri centrum ex Deo reducere conantur. Quibus, vt reluctentur atrociter, Valla fabricarunt, atq; propugnacula, quò melius falsitatem pessimè fundatorum principiorū contegāt, ac tueantur. Vt illud est omnium primum, & potentissimum erroris sui munitentum, vtputa. Contra negantem principia (inquiunt) non est disputandum. Quid mirum? ad eum fra-brefacta modum, vt si semel concedantur, in errorem & confusionē incidere sit necessum eum, qui assenserit. Hac via solent malè cautos homines irretire, captiosq; fallere tenebrarum filij, qui semper in sua natione, filijs lucis prudentiores extiterunt: etenim à parente suo, serpente nimirum didicerunt, quā habent sapientiam. Verum vbi ab his qui veritatem sectantur, ac sapientiam à centro veri tenent, superati, mox ad calumnias confugiunt, appellantes eos, qui suos errores palam



Iam faciunt, asinos. O hominum insania, qui non vident, quocumq; se vertant, in maximam ignominiam impingere. Utinam asini cōditionibus ornaremur, quo monstrorum inter equos & asinos, mulorum, & mularum calumnias ferre possemus, cum patientia. Hinc fit, ut suos baiulatores præferant suis parentibus. Quandoquidem natura cōparatum, ut magnetica virtute, simile semper trahatur à sibi simili. Haud digni sunt Æthnicones & Paganistæ, nobiscum ad exemplum eius, qui summa Sapientia est, asinum epuitare, quò fit ut monstra sibi delegerint. Non caret suo præsagio sanè, monstrorum equitatio talis. Quid miramur, si quandoq; Deus animosos nonnūquam excitet equos, asinis impatientiores, qui contra fœtus monstruosos, dum in superbiam & ignorantiam, ita pertinaciter acti sæviunt, calcitrare moti sint. Si genus hoc hominum esset asino dignum, utiq; submitteret sese iugo patientiæ, quod fræno haud indiget, vel capistro; hoc ipsum imitarentur ab asino, quòd suos gressus, ut iste, pederentim ac humiliter examinarent, cum patientia, ne laberentur in ignorantiam. Hoc est, sua fundamenta diligentius contarentur, num solidis constarent lapidibus, à rupe Veri desumptis. Porro cogentur in posterum ad lapidem lydium, quanquam inuiti, venire, iudiciūq; sui non




sine maximo dedecore videre & audire. Nū-  
quid honoratius foret, ingenuè suum erro-  
rem fateri, & pœnitentia duci, ad Veri cen-  
trum, ac vitę semitam, quàm in eo, per laram  
viam ad interitum, & perditionem ita con-  
stāter perseuerare. Quod quidem vt faciant,  
rogamus omnipotentem Deum, istorum ho-  
minum oculos aperire dignetur, & mens  
eorum oculus fiat, vtque Spiritu diuino suę  
gratię tracti, redeant ad cētrum verę sapien-  
tię: de cuius fonte, viuas hauriant aquas,  
abiecta sordium scaturigine, quibus haec-  
nus submersi, persistunt adhuc in eis obsti-  
nati, quantò magis hominibus innotesc-  
unt. Bone Deus Potens ac Misericors, no-  
sti quantis periculis, ægri sint ob falsę me-  
dicinæ Æthnicorum introductionem, expo-  
siti, præsertim hac tempestate, præ cunctis  
corruptissima; qua nedum in medicina cor-  
porea, verum etiam in ea quę salutem ani-  
mę concernit, omnia contra veritatem cer-  
tare totis conatibus, palam est, at frustra. Per-  
te siquidem reddimur certiores, quotquot  
eius tuę sapientię Centri fuerunt ac erunt  
ignari, nunquam veri quidpiam tractasse, vel  
tractaturos, imò cōtra, quidquid conati sunt,  
hoc ipsum non solū in sui ruinam & per-  
ditionem tendere, verum etiam eorum qui  
hęc vestigia sequuntur: idque, verbo tuo, dū  
asseris nobis in persona filij tui dicentis: Ego  
sum



sum via, veritas, & vita. Inde constantissimè colligimus, nostris in actionibus omnibus, artibus, ac scientijs, à cetero veri progressum, ad sanitatē & vitam facere debere nos, cū in hoc mundo, tum in futuro sæculo. Primo verbo, charitas in fratres: secundo, fundamentum ac finis actionum & operū nostrorum: tertio vero, vtraque salus in vnitatis Centro quæreda præfiguratur. Testimonium etiam habemus certissimum, optime Pater, Medicum & Medicinam creasse te, ac velle propter hanc, illum esse honorandum, quod nemo verè christianus in dubium reuocat, modo vera sit, & non falsa medicina: quarum differentia, non melius neq; exactius, quàm à suis principijs petenda. Horū igitur anatoniam ex vtraque parte, (Deo duce) fœliciter auspicabimur in sequentibus ab vnario.

DE VNARIO.

Simulacrum Vnarii, ab Vno infinito, & indeterminato, determinatè creati.





*Semper sui similis.*

Imago veri, quiescens in vnitate sui cētri, in infinitū diffusi, nec nisi pūcto (tamē inuisibili) circūquaq; mēti cōspicui, summa cū admiratione, laudeque, dignissimū exemplar.

- Capitulum primum.

**A**b initio, priusquā Altissimus Deus, hominem vltimam creaturam suā procrearet, ad Imaginem & similitudinem suā, voluit ex nihilo creare domicilium eius, & in eo quicquid vsui foret illi, nec id imagine sua distitutum esse voluit, quod primā creaturam visibilem statuerat. Hanc ordine pulcherrimo creatā, numeris, mensura ponderēq; dispositam, admirando quidem ornavit artificio. Quibus tribus instrumentis, tamquam ideis primis, & formis vti decrevit in hoc opere suo. Vnde, non inconsultē, neque temerē colligimus, homines fundamentorū artium, & scientiarum suarū principia, medicinæ præsertim (quæ prima sese obtulit homini post lapsum necessaria) summa cū reuerentiā, & gratiarum actione, haurire debere. Maximē quod videamus, summum Creatorem his numeris & mensura, & ponderibus vsum fuisse, cū eis non indigeret, (potuit enim cuncta creasse nutu solo, qui Deus est omnipotens) verū, vt nobis hominibus de se nihil potentibus, exempla



ria sua daret, ad cuius normam, quicquid in hoc mundo essemus operaturi, perbellè referremus, omnemque nostram sapientiam, à fonte sapientiæ Deo, & non aliundè ortam agnosceremus, ei que omnem ferremus acceptam gratiã. Quapropter ex diuinis eiusmodi simulachris, nostra principia medica, vt æquū est orta, desumptaque docebimus, idq; validissimis argumentis, & exemplis irrefragabilibus: contra quæ tam atrociter sæuiunt Æthnici, Paganiq; medici, quorum ex aduerso principia pariter ponere statuimus, vt toti mundo pateant vtraq; liberumq; sit iudiciosis hominibus, inter ea discernere verum à falso fundamento. Consolamur apprimè, nos à fonte Veri pendere, ac in eo christianos imitati Doctores, & non gentiles, nec infideles: tùm nostros inimicos nil contra nos adducere posse, præter autoritates hominum à Deo reprobatorum, & veritatis prorsus ignarorum, existentis in Deo solo, quem nunquam cognouerunt. Doceãt vnum inter suos Doctores & sapientes, Deū ex Veritate cognouisse, vel qui non blasphemus in Deum Deique filium fuerit (vt Princeps ille Medicinæ Galenus) vel idololatra non extiterit, & per consequens, contradictionis spiritu seductus non fuerit. Nihilominus volunt istorum discipuli Veritatem dici, & haberi, quod scribunt ac docent: hæc

E ;



ratione ducti, quam proferre tam impudenter non verentur, in artibus nempe, & in facultatibus, nihil agi de Deo. Ac si concluderent, illas absq; Deo possidendas, & exercendas. Quæ blasphemia hæc est. Inde luce clarius liquet, nihil ex charitate suos facere medicos, at solùm ex avaritia. Posunt esse medicus, & medicina sine suo Creatore? Sed missos faciamus eos homines, qui talia vel cogitant, & ad animi conceptum veniamus. Deus utique pura, & simplex essentia per seipsam consistens, incomprehensibilis per alium, inuisibilis, indefinibilis, & indiuisibilis, per Vnitatem nobis præfiguratur, quæ quidem multitudinis expers, contrarietate non admittit, & per consequentiam, nullam infirmitatem. Mundus cum ad Imaginem, & similitudinem unitatis à Deo creatus sit, in ea perstitit Vnione, quamuis per numeros ordinatus (vt istorum in Genesi fit mentio) quippe qui, naturam Vnionis ad huc retinerent sub hominis obedientia, multitudinēq; nullam efficerent, vsquedum per Dualitatem Binari seductus, in multitudinis contrarietatem, & inobedientiam præcipitasset, vesteque perfectionis exutus, tum sanitate mentis & corporis, omnis vitij labem, infirmitatis, & morbi miser contraxit. Prius medicina quapiam non indiguit, quàm in morbum hunc omnium genus morborum primum,




num, incidisset, omni sanitate prius. Cum igitur origo prima morborum omnium, homini contingat, per recessum eius ab Vnitate, sequitur, in Vnitate sola, sanitatem omnem consistere, & hanc in illa necessario quaerendam. Iam videamus in quos morbos incidit, in erubescentiam videlicet, mortisque; horrorem atque timorem vtriusque. Ergo spiritu & corpore male sanus, quod in vtramque mortem exitum faceret, ac ad vtriusque vitae mox à lapsu tenderet in interitum: duplici pariter ut seruaretur, medicina fuit opus, Misericordia Dei videlicet, ac pane: sub quo posteriore, corporis medela continetur, his diuinis correctionis & punishmentis verbis. In sudore vultus tui, vesceris pane tuo. Panis hic, non solum intelligendus, quo sustentatur corpus ad alimentum, verum etiam quicquid homini ad vitam est necessarium. Morbido maleque sano corpori, medela ad vitam eius, panis est, quo si destitutum erit, non secus atque si careat cibo, morti fit obnoxium. Maximo sane dispendio, panem benedictionis, pro pane sudoris, doloris, anxietatis, & curae commutauimus. Panis itaque medicinae (non ille qui per hanc artem acquiritur, sed qui ad sanitatem recuperandam est necessarius) alio loco minimè quaerendus, quàm eo, in quo nobis deperiit, ut puta in felicitatis & unitatis horto, quem breuibus explicandum suscepimus.



scepimus. Antea tetigimus mūdū ipsum, ad Imaginem & similitudinem Vnitatis diuinę conditum esse. Quandoquidem sua rotunditate mirum in modum absoluta, pura meraque simplicitas absque multitudine, qua dotatus est ab initio suę creationis, aperte nobis innotescit. Videmus enim corpus sphericum, quantumcumque sit, & quāquā versum agitatū in plano, solū in puncto quiescere, quod habet pro fundamēto, quodque centrum suū occultum, ad superficiem circumquaque manifestum facit. In eo mysteria magna, tum naturalia, tum supernaturalia latent, item artium & scientiarum omnium arcana. Si mundus igitur in vnione sua permansisset, non erat opus medico, nec medicina. Quapropter omnis medicinę finis est, vt ad Vnionem ægrum reducatur, in qua medicinę principia nostra fundauimus. Reliquum erit vt examinemus, vbi sua depromserunt aduersarij.

### DE BINARIO.

Simulacrum Binarij ab Vnitate recedentis, unde mors occasionem cepit.



In



*In Monomachia Contrarietas.*

Imago falsi, pacem lacerare, & alteram se Monarchiam extollere conata, ab Vnitatis simplicitate, in Dualitatis confusionem diuisa est, & in cornua quatuor caput erexit, super quæ Monomachiam fabricauerunt impij.

*Capitulum secundum.*

**P**ostquam Altissimus Deus Angelos suos, & gloriæ suæ ministros creasset, sub Vnione suæ pacis & concordiae, surrexit ex accessorio casu, hominum intellectui minimè cognito, primas inter creaturas, Binionis atq; Dualitatis, inimica Deo confusio, quæ propter assumptam multitudinem, dissensionis, contrarietate suffragante, imaginem Vnarij creatam, in Binarium, Diuinitati contrarium ex diametro, contraque Veritatem pugnantem, transmūtavit. Quiquidem Binarius, diabolus, & calumniator effectus, vel solo cogitatu, hoc videlicet, vt aliam strueret Monarchiam, eamq; vel æqualem, vel Deo superiorem. Verum non citius conceptum crimen læsæ diuinæ Maiestatis, quam, deiectus è cælo Binarius, vnâ cum suis complicibus, extra lucem, in tenebras exteriores decidit, mortisque perpetuæ pœnas dedit, absq; tormenti fine. Quo melius rem ipsam declaremus, rationem circini producamus in medium, cuius pes vnus conuenit



uenit centro, tamquam Creatori; pes alter circumferentiæ, veluti creaturæ. Cum igitur angelus reprobatus, suum Creatorem in Vniuersi productione conaretur imitari, propriū sibi circinum fabrefecit in animo peruerso. Super aliud centrum itaq; fabricare coactus est, quòd duo centra, non conueniant in vna monarchia, nequē duæ circumferentiæ. Hac de causa Binarius meritò vocatus, quia vnitatem veri q; centrum, ad multitudinem reducere numeri conatus est, assumptòq; centro falsi, duxit circonferentiam ad medietatem, quòd cum peruenisset, circonferentiæ pes, in aliud iterum centrum mutatus, aliā priorī similem circonferentiam mediam nihil concludentem, sed interruptam, falsi figurā præferentem cum alia deliniauit: vnde bestię serpentisq; duplicis effigies, cornua quatuor erigentis in cælum, & contra verī Monarchiam, erepsit. Perpetrato primo crimine, radiceq; malorum, & vitiorum omnium, cecidit regnum hoc diuisum in seipsum, vnà cum suo Principe Lucifero, suisq; legionibus commilitonum. Non est ergo quòd miremur, si Deus in Creatione Mundi (vt in Genesi habetur) die secundo non dixit, vt alijs quinque diebus hoc verbum, scilicet, Vidit quia bonum esset, ob numeri primordium, vnde multitudo sumpsit originem, confusio- nis, diuisionis & controuersiæ, vt suprà auditum



ditum est accidisse de Binario. Non ideo cōcludimus duo prorsum esse reiicienda, modo tamen in Vnionem persistant, vti duo in carne vna. Verū quoties diuisa sunt in Binionem, id est, bis vnionem efficiunt, cum Binario esse reprobata, constanter asserimus, vnā cum sua prole quaternario, id est, quaternario, vel variato, ex Biuariato generato. Quoties igitur duo vel plura pacem obseruant in vnitatis veritate, bene constitutam esse dicimus Duernionem, & non Dualitatem, Non ita de Binione, vel bis vnione censendum, quia non debent nec posunt esse duæ Vniones, sed vna tantum, vt non nisi Deus vnus, & non plures, neque pauciores esse possunt. Ternarium etiam, nolumus interpretari teruariatum, quia proles est & foetus Vnarij, qui nunquā variauit ab Vnionem, quod fecit Binarius. Vt nos recolligamus ad ea quæ proposuimus dicere, Auditum est supra, Binariam illam diuisam Monomachiam cornua quatuor erexisse, partu Binarij procreata. Hæc elegerunt sibi sapientes Æthnici & Pagani medici, pro suo fundamento, quo distraherent Vnionem in quatuor, eoque Diabolum duplo superarent, qui tantum in duo, sed frustra, lacerare conatus est. Exemplo patet, cū ex Vnico humore, quē Deus creare esseq; voluit, quatuor humores statuerunt malè cautis, & nō sanis hominibus persuadere.



suadere. Miror, cur magis quatuor humores esse possint, quàm quatuor siccitates, totidè frigores, & calores: quatuor aquæ, quatuor ignes, quatuor aeres, quatuor terræ, & quatuor mundi. Miranda quæ confusio, & absurda quæso? Qua Pagani & infideles Veritatis ignari, nos Christianos. Vtri sectatores, ad suam insaniam trahere nituntur miseri? Non vident quocūq; se recipiant, nihil præter inquietudinem animi reperire se, nil certi, veri, stabilisq; nihil, de quibus apud Apostolum his verbis, semper studentes, & nunquam ad Veritatis noticiam peruenientes: quòd vniti nihil in suis studijs, sed contraria sint omnia. Exemplo suo proprio patet, cum per Maximam suæ medicinæ docent, contraria contrarijs esse curanda: quid hoc aliud est, quàm fateri se natos ex Binario, qui radix est omnis contrarietatis. Bello ne, vel pace quæso, contrarietas, id est infirmitas naturæ, vel imbecillitas eius (quæ propter contrarietatem & bellum intestinū partium recedentium à concordia seu vnione ortum habet) fuerit amouenda? Pace dixerit vir sapiens ac prudens, non dissensione. Ignē igni, & morbum addere morbo quid inter se differunt? Non iuuerit eos etsi respondeant, aquā ignē per contrarietatem extinguere. Non vident iterum miseri, hoc fieri extra monarchiam. At in Monarchia nihil contrarietatis admittitur,




## TRIADIS.

81

titur, quæ si violenter & præter naturam ir-  
rumpat, morbus introductus est, & Binarius,  
qui prorsum abijciendus: vt humani corpo-  
ris monarchia, per harmoniam, & non per  
monomachiam conseruetur. Concludendum  
igitur, Ethnicos doctores, Binarij filios per  
quaternarium existere, quodd ex radice bina-  
rij quatuor illa cornua generata sint, in pri-  
mum numerum quadratum: vt in typica fi-  
gura præcedenti per a. b. c. d. proponuntur  
oculis, ambitio, brutalitas, calumnia, & di-  
uortium, in Monomachia diaboli diuisa, quã  
relinquentes Monarchiam nostram vnitissi-  
mam prosequamur.

## DE TERNARIO.

Simulacrum Ternarii, ab Vno  
immenso creati.



F



*Inuidet Fœlicitati miseria.*

Imago Microcosmi, per Binarium seducti  
& in Monomachiam adducti, non citius de-  
finibilem, quàm Binarius ab vno iudicatus  
sit, cum sibi cohærentibus.

**C**Um igitur summus Creator Deus, vide-  
ret quos crearat Angelos, ab vnitare de-  
fecisse, Bonitate suaq; prouidentia, Ternariū,  
& Microcosmū, vltimamq; suam creaturam  
condere statuit, in locumq; substituere, deie-  
ctarum à cœlo primarū creaturarum. Quod  
percipiens miser ille Binarius, inuidia qua-  
dam innata, captiosisq; rationibus, idq; so-  
phisticis, pomum vetitum, inobedientiæ ra-  
dicem, in Monarchiam ei aculauit, quo qui-  
dem ab vna parte dumtaxat laceram, non  
prorsum diuisam tamen, ad finem, & mor-  
tis latam viam adduxit, sub omega faciem: &  
pomum, perditionisq; panem, in duo  
diuisum, distribuit, in fœminæ maris-  
que seductionem, vt patet in se-  
quentibus.


DE



TRIADIS.  
DE MONOMACHIA.

83

Simulacrum lacerati Ternarii.



*A præcepto lapsus, quo sine prius erat.*

Imago laceræ Monarchiæ creatæ, in Monarchiam à Binario seductæ, lacerantisq; pomi pariter laceri, miseriarum originis.

Capitulum quartum.

**I**amdum considerandum, unde processerunt errores in medicina, & unde corruptiones omnes in reliquis philosophicis professionibus. Nemo sanæ mentis negabit ex pane, morsuq; vetiti pomi, hoc ipsum per serpentem Binarium, in Microcosmum Ternarium irrupisse, quod ex præcedentibus colligere facillimum.

Non potest ergo tolli morbus à Ternario per Binarium, neq; per eius prolem quaternarium, sed per Vnarium solum in Triade dominantem equaliter. Cum Diabolus mo-

F 2



narchiam Ternarij, per pomum lacerasset ab vna parte tantum, nō potuit effecisse, vt prorsum in separatas partes distraheretur irreparabiles, vt ipse, qui nullam spem reconciliationis habet. Verum, in modum postremæ, finalisq; literæ ω omega, finem & mortem significantis, relinquere coactus est: non eā, qua ipse calumniator moritur absq; fine, sed quæ misericordiam esset consecutura per Christum, qui est alpha α & ω omega, & cuius virtute, omega hoc, ad alphæ normam atq; typum restitueretur, vt proximè sequenti simulacro patebit apertius, Quid hoc sibi aliud velle videtur, quàm Dei misericordiam erga hominem, ob oculos nobis proponere, qua post lapsum, ad priorem statum suę Monarchiæ restitutus est, excepto solum radicis pomi tantillo, propter quod Monomachia rantisper nobis excercenda, dum in corruptibili hoc domicilio, morabimur? Vt rem dilucidius tractare valeamus, est quod circinū à Binario per imaginariam artem fabrefactū, quàm antea clarius examinemus. Auditum est in præcedentibus, imaginarium instrumentum hoc, vnà cum suo fabro deiectum è cœlo, in tenebras exteriores, hoc ipsum, ad manus resumere non cessat, calumniator ille Binarius quo Monomachiam suam indies contra Deum & homines dirigere conaturat frustra. Quandoquidē inuicta, & in-

su-




insuperabilis Dei potestas, cōtra quam, nulla resistētia, nulla reluctatio quicquā potest, Architectum falsi machinatorem, & instrumenta sua, toties in foueam confusionis & perditionis relegat in æternum, quam sibi met fodit, quoties artes suas & technas exercere nititur, contra monarchiam nostram per imaginationem circinū suum nobis obtrudens ac præfigurans. Nouit calumniator, nobis ob lapsum in quem traxit nos, iniunctā esse pœnā laboris, atque vultus nostri sudoris, ad acquirendum panē & necessaria victui, tū vsui. Quapropter occasione sumpta hinc, in artes suas nefarias inducere nititur, quibus ea comparemus, quæ minimè salutaria sunt. Verū Deus nobis instrumenta proposuit, quibus vti nos vult, & quibus artes nostras ad parandum panem conformemus. Nō indiguit Creator Deus in mundi creatione vel tempore, vel instrumentis, quibus opificium suum in ordinem redigeret. Siquidem, vt supra diximus, nutu solo, ac momento, hunc ordinem omnē obseruare poruit, quē videmus: Attamē, vt nos doceret omnia, cū petere, rū querere quæ necessaria sunt, per sudorem & artes, vera nobis proposuit instrumenta diuina, videlicet, numerum, mensuram, & pondera, iuxta quæ, singulas actiones, scientiarumque normas, ordinaremus, & renunciaremus Binarij ca-



Iumniatoris circino, cum reliquis omnibus falsis ac imaginarijs instrumentis. Cæterum considerandum, qua via, quibusue instrumentis, lacera nostri Ternarij monarchia, sit ad vnitatis, & sanitatis integritatē reducēda. Primo omniū, ad Veri & Vniuersicentrū animū aduerramus, in quo numerus omnis, mē-  
sura, pondus, & cuncta Sapientia latet, quod semper luculentius patebit in sequentibus.

## DE INSTAURATIONE TERNARII.

Simulacrum restituti Ternarij ad Vni-  
tatis simplicitatem.



*Renata pœnitentiā.*

Imago nouæ creaturæ sola Dei potentia restitutæ.

Capitulum quintum.

**V**Era medicina, quā lacera Ternarij monarchia, quod ad spiritum attinet reparatur.



paratur, Veri centrum esse fatendum est: non  
secus atq; medicina corporis eius, centrum  
est vniuersi. Quæ non duo centra, sed vnicū,  
vti spiritus & corpus hominis, vnicus homo.  
Diuersis tantum respectibus, ob diuersa qui-  
bus assumuntur, dumtaxat animo discernen-  
da, tamquam increatum, & creatum, quæ sub  
ynione concludenda sunt. Reijciendum est  
igitur imaginarium illud centrum Binionis,  
à calumniatore positum, vt hoc medicamē-  
to, Ternarius, ad verum Vnarij centrum, &  
ad priorem Monarchiam, à Monomachia li-  
ber, adeptà victoria, per suum Redemptorē  
adducatur. Non possunt enim in vnica Mo-  
narchia, plura centra, neq; pluribus circun-  
ferentijs concludi potest spacium vnicum.  
Hæc de medicina, contra spirituales ægritu-  
dines dicta sint. Iam ad corporalem illam &  
physicam veniendum est, vt eius quaterna-  
rius, ad prioris medicinæ cum ternario co-  
pulam accedens, conueniant ambo simul in  
septenario. Quaternarius enim habetur lo-  
co materiæ, vel corporis, ob elementa qua-  
tuor, quæ naturæ materiam vniuersam exhi-  
bent, vti cælum eidem præbet omnem for-  
mam, & actionem in materiam. Morbus au-  
tem, est impressio mali, per actum centri fal-  
si, in corpus ad passionem actioni similem, di-  
spositum. Ex aduerso Medicina, est repressio  
mali, per actum Veri cētri & vniuersi, in cor-




pore ad passionem actioni similem disposito. Cum igitur ex vna radice morbus omnis, ex vna radice pariter omnis medicina progressum habet: quid quaeso generare de se potest vnum, aliud quam ternarium? Rursum, quæ fatuitas Æthnicorum, vnius & vniuersalis Medicinæ fœrum quaternarium statuere, sub quatuor humoribus, cum hæc sit proles Binarij? Doceant ipsi duo posse rerum esse vera principia, vbi alterum, falsum non deprehendatur. Interea nos ad instaurationem laceræ monarchiæ redibimus. Summa virtus atq; bonitas immensa centri inuisibilis, & indiuisibilis, tantæ est efficacisë, vt omne quod sibi conforme simplicitate fuerit, ac rotunditate ad se trahat. Quo fit vt homo, qui ad similem ab initio creatus est imaginem, licet in ea non permanferit, nihilominus, vbi deperditam sanitatem, corporis, vt mētis, medio solius eiusmodi cōformitatis recuperare studeat, ab omnibus liberabitur imperfectionibus & morbis, ac ad priorem formam restituetur. Quod videre lucet, ex typo renatæ pœnitentiæ, in quo centrum veri & vniuersi. a. subleuat b. d. laceri Ternarij, brutalitatem atque discordiam excludens extra monarchiam, ac ad initium, alphæq; formam, omegæ finem adducens. Id ipsum clarè nobis declarat, quod loquitur Deus his verbis. Ego sum alpha & omega,  
prin-



principium & finis. Etenim ipse principium non habet, neq; finem, ergo de nobis intelligere nos docet, in eo nostri nos initium & finem agnoscere debere. Quamuis etiam ad initium prioris status, monarchia creata, nobis per Christum restituta sit, ne tamen, eius tantiq; beneficij vnquam essemus immemores, pomi lacera circonfereña, monarchiam hanc nostram adhuc interfecare percipitur, monomachiamq; suam exercere cõtra nos, dum in caduco versabimur, nedum in animo sed etiam in corpore. Ternarius igitur animi, siue mentis, medicina est eius increata, ex increato veri centro: corporis autem creata medicina, ex vniuersi creato centro nata.

DE TERNARIO MEDICINALI.

Simulacrum restituti Ternarii medicinalis.





*Renata Monarchia.*

Imago Sanitatis, adæquata proportionē Ternarij, reiecto Binario.

Capitulum sextum

**V**T tandem nostra principia, cōtra suos inimicos in palæstrā adducamus, has theses ipsis masticandas proponemus. Vnitas, medicina haudquaquam indiget, quod sit ipsamet sanitas. Dualitas medicinam recipere nullo modo potest, cū in perpetuū condemnata sit absque misericordia. Solus Ternarius est is, qui medicinam recipere potest, quia dignatus est gratia, per eum qui solus est misericors. Quamobrem igitur, attribuant Æthnici, medicinæ doctores quaternario, quod nulla ratione quadrare potest ad medicinam. Condemnatus est, vnā cum sua radice Binario scilicet, vnde generatus, eiusdem conditionis atque naturæ, cuius parentes. Fructus enim ex arbore mala, bonus minimè producitur. Ædificium itaq; suum, super hoc fundamētum fabricare pergant, culmineq; protegant, aeri ventis, & fulmini Iouis obnoxio, dum nos in solidis petris ædificamus. Dicimus & asserimus, tres dumtaxat esse primas in homine substantias, & nō qualitates, at bene qualificatas, in quibus, vñ sanitas per vnitatem, non aliter morbus per Dualitatem ortum habet. Quarum prima,  
calor



calor est naturalis, vt radix vitæ: secunda, radicalis humor, vt vitæ fomentum, sine quo persistere non potest illa: tertia, sal est naturale, vt balsamum, quo priores partes à corruptione tutæ sint, cui sua natura sunt obnoxia. Non alia ratione tres partes etiam primas, in quibus tria principia medicinæ consistunt, constanter & intrepidè profiteamur, & affirmamus, vt pote Sulphur, Mercurium, & Sal naturalia. In quocumq; corpore igitur, hæc tria per vnionem conveniunt, verè sanū iudicari potest: in quo verò non morbum & mortis radicem primæ subintrasse. Propterea non negamus (quod falsò nobis obijciunt inimici) quatuor elementa, imò potius, ac longè sanius quàm ipsimet approbamus, cum docemus, in vnaquaq; dictarum primarum partium, elementa quatuor in separabili vinculo naturæ quodam existere. Elementorum separatio, naturæ prorsum reluctatur, cui minimè diuinitus concessa est, hominibusq; minùs. Aliter in sui destructionem operaretur, quod minimè contingit: imò potius in sui propagationem eorum assidua commixtione laborat. Hoc ipso redarguuntur illi nugarum seminatores, qui separationes elementorum apparatu maximo præscribunt, aliter quàm per amotionem impuritatis à puritate, manēte nihilominus inseparabili consociatione, concordiaq; naturali



rali per Vnionem. Diabolus maximopere nititur ea separatione destruere naturā, vnā cum suis operibus, eoq; suos discipulos indies exhortatur. Dicimus ergo, nos non separare elemēta, sed ab vnoquoque corpore, partes primas ex quibus composita sunt, sua retinente qualibet elementa, minimè segregata, sed potiùs à superfluitatibus, & immūdicie depuratissima. Quæ tria quidem vt approbemus, parui nobis admodum laboris, & negotij fuerit. Notissimum est, ea in quæ resoluntur corpora naturalia quæque, partes ex quibus constabant ab initio suæ compositionis, existere. Nullum enim corpus à natura compositū, in plura neq; pauciora, potest artificio solutionis partiri quàm tria, spagiris compertissimum est, scilicet in Sulphur, Mercurium, & sal: quod etiam ad oculum demonstrare possunt. Quamobrem igitur Æthnici doceant, plures corporum naturalium partes, non videmus nisi quòd resolutionem ignorarunt rerum creatarum, & Creatorem ipsum ex Veritate non cognouerunt, quò factū, vt non nisi per fallacissimas vmbas de singulis, & de natura iudicare potuerint. Etenim qui Veritatis ignari sunt, vt isti, de re quapiam verè disserere aut loqui, non est possibile, sed falsò & perpèeam garrire necessarium. Videtur ijs qui nullam suæ doctrinæ fecerunt anatomiam, tales homi-  
nes



nes honore dignos esse, qui mundum fabu-  
 lis implere fallereq; norunt, sermonis elegā-  
 tia, vel alio quouis ornatu, laruarum instar  
 suos errores contegere. Verum si quis eorum  
 fundamenta diligentius examinet, laruam-  
 q; diripiat, luculentissimè fucum suarum in-  
 uentionum, non aliunde, nec altiùs, quàm  
 ex meris proprijsq; somnijs haustrarum, in  
 serie verborum latere, statim experietur. Si  
 docere non possint sua principia ex centro  
 Veri procedere, necessariò concluditur ex  
 centro Falsi deprompta fuisse, quòd præter  
 has duas, nulla sit artium & scientiarum radix.  
 Cur itaq; patiemur à cecis, & Veritatis igna-  
 tis duci nos, ad Veri noticiam, idq; coactè, ac  
 inuitò. Fatuum & christiano minimè dignum,  
 ab infideli & inimico Dei seduci, hac persua-  
 sione, vt ab eius farinae hominibus addisca-  
 tur, christianis reiectis ac spretis Doctoribus.  
 Non æquè mirum Æthnicos, suis, suiq; si-  
 milibus, scripsisse, & istos ab illis didicis-  
 se friuola quæque. His enim vlteriùs progre-  
 di, quàm ad vmbbras quasdam Veri, datum nō  
 est, quo forent inexcusabiles. Æqui boniq;  
 sectatoribus iudicium relinquimus, vtrū de-  
 testabilius, Paganos & infideles suis scripsis-  
 se tantum, vel christianos illorum doctrinā  
 amplecti, qui christianis minimè scripserūt.  
 Nede sunt eiusmodi fideles homines, qui per  
 fas aut nefas defendūt ea quæ sibi suæq; p̄fes-  
 sioni



fioni maximè contraria sunt & Veritati, calumnijsque adoriuntur eos, qui seduci non lunt. Quid mirum, alia non habent arma, quibus contra Veritatē pugnent, quàm Dux eorum suppeditauit Binarius ille Calumniator. Faciant quod possunt, victoriā nunquam assequuntur, aduersum pigilem inuitissimum Deum. Resistamus igitur quisque pro sua vocatione, philosophus in philosophia, medicus in medicina, sic de reliquis. Diximus antea veræ principia fundamentaq; medicinæ, Sulphur videlicet, Mercuriū & sal, correspondere calido naturali, humido radicali, & balsamo naturali, calidum & humidum à putrefactione conseruanti, per tēperationem frigido & siccō sibi innatis, factā. Notandus hoc loco sagacis prudentisq; naturę pulcherrimus ordo, quę, vt humidum calido putrefactionē arceat; frigidū & siccū simul in vnum subiectum conclusit, quo tertio sale scilicet, veluti medio quodam inter alia duo, sulphur & mercurium, temperaturam efficeret, in sanitatis conseruationem. Luce clariū patet, ad coniunctionem duorū diuersę naturę proprietatisque, vel quoquo modo contrariorum, necessarium esse medium vtriusque naturę particeps, in extremis. Ad hæc dicent forsitan aduersarij, calidum & humidum non esse contraria. Quibus vt pessimè fundatis in Phisica, respondemus,



demus, calidum ad siccitatem, innata sibi natura tendere, humidum autem ad frigiditatem, quibus qualitatibus contraria sunt calidum & humidum, & eisdem in sale simul coniunctis, conueniunt, ea ratione qua sal est sulphur aqueum: intelligenti pauca hæc sufficiant. Si quis nos interroget quid sal sit, responsum huic volumus aptissimè, calore congelatam aqueam terram esse, frigoreque terream aquam dissolutam. In hunc rursus lapidè impinget nò satis eruditus, inquiens: Videretur contra naturam, frigore terram solui, cum potius arefcat, caloreque liquefcat. Ignorare fatebitur se, naturalem transmutationem elementorum, hætenus censor hic temerarius cognouisse. Verum ut habeat quo suum acuat ingenium, hæc & similia melius masticanda relinquemus, alio loco latius explicanda, nostrumque prosequemur institutum. Sal itaque resolutum, aquæ naturam induit, congelatum verò terræ proprietatem habet: quam si contingat in aquam transire, hanc in aerem, & istum in ignem transmutari, quid obstabit quin ad terram iterum fiat reditus? Natura proportionem hanc optimè nouit æquis ponderibus obseruare. Non negamus igitur elementa quatuor, neque qualitates, verum non confundimus, ut aduersarij faciunt. Non assumimus etiam pro medicinæ principijs aut  
fundat



fundamentis, vt illi. Solùm dicimus, Sulphur nostrum vnicam habere qualitatem propriã & innatam, scilicet calorem igneum, inclinatum ad siccitatem terream: item nostrum Mercurium etiam vnicam agnatam, vtputa humiditatem aeream inclinatum ad frigiditatem aqueam: quæ omnes in Sale nostro concluduntur, diuersis tamen respectibus. Nolumus etiam cum ipsis ineptire, qui asserunt qualitates morbos esse, vel efficere, morbos malè habere, aut qualitatibus esse curandos, quod malè sanorum iudicio hominum esse videtur. Contra dicimus, ægra corpora tantum, esse curanda sanis corporibus, ætherogeneis præsertim. Vt naturale sulphur intrinsecum, deuians ab vnionis simplicitate proportionēue, reducendum est ad hanc normam equalitatis, per sulphur extrinsecum, ab omni corruptione & impuritate suis, arte spagirica repurgatum: sic de reliquis, mercurio scilicet, ac sale. Hæc ratio nullis argumentis cogitur cedere, vtputa, naturam ipsam humani corporis, proprium sibi met esse medicum, qui ab extrinseco medico, nihil aliud requirit, præter instaurationem, aut vti loquuntur fortificationem, exteriori medicamento repurgatissimo, partique peccanti natura simili, non accidente, adhibitam. Inde labefactas vires naturales reassumit, quibus recuperatis, per se potens est



est omnes inimicos suos à sua Monarchia  
 pellere, virtute sola vitalium facultatū. Sum-  
 matim, nostra hæc est opinio, videlicet, mor-  
 borum omnium in genere corporalium, ori-  
 ginem veram, esse naturalis proportionis e-  
 normitatem, primorum trium quæ dicta  
 sunt, sub quo genere generalissimo, tria sunt  
 vti morborum, pariter & medicamentorum,  
 totidem inferiora genera, suas in species di-  
 stributa. Per ea palam, & expressè negamus,  
 quod Æthnici Paganiq; doctores perperam  
 scribunt, ac docent, ægra corpora qualitati-  
 bus cōtrarijs curari debere. Quid aliud hoc  
 est, præterquam, naturæ bello satis intestino  
 labefactaræ, bellum extrinsecum in omni-  
 modam sui ruinam gerere? Pacem quærit  
 ab omni controuersia liberam idque solū,  
 amicorum & sui similium auxilio. Si quis  
 obijciat nobis, esse facile cū affirmare, tum  
 negare singula, præter scholarum autorita-  
 tes & iura consueta. His respondemus in-  
 genuè, nos renūciasse in perpetuum, Æthni-  
 cis & Paganis dogmatibus, scholis, & auto-  
 ritatibus, quibus etiam vti inimicis veritati,  
 non indigemus ad probandam veritatem:  
 hæc sola nobis est autrix & schola, ex qua no-  
 stra depromimus argumenta. Quibus, si qui-  
 spiam contradicere volet, hunc obtestor vt  
 calamo pariter faciat, præloq; suis commis-  
 sis, vti hæc toti mundo palam faciat, idque



dum viuo, respondereque possum: non post mortem, quod præceptori nostro Paracelsq faciunt aduersarij, putantes ipsum esse mortuum, at falluntur miserè, cum scriptis immortalis sit. Docēbimus latius autoritibus eiusmodi, quibus resistere scholæ Paganorum vel Æthnicorum haud vnquam poterunt, ni volent pro more suo Deo calumnias, & suis operibus obijcere, quòd in sui ruinam cedat oportet, quotiescumque fecerint. Hactenus prima nostrę medicinę principia, per numeros mysticos approbauimus, quod hac vice facere satis putamus probis piisq; viris, quorum gratia scripsimus, alios parum aut nihil existimantes. Superest, vt mensuris iam stabiliamus dicta prima fundamenta, licet per se constantissima. Cum totus mundus, machinæq; suę pondus omne, fundetur super inuisibile ac indiuisibile punctum, quod centrum est vniuersi, diuino quidem ordine tam admirando, vt ne pilo di moueri lato valeat: aliter naturam ipsam rueri posse, conijcere licet, quòd in medio sita sit Infiniti. Mirum at summa cum veneratione, considerandum, opificium Dei tam immensum, in puncto circumquaq; citra vacillationem & immotum quiescere. Quicumq; huius puncti, centrique rationem cognosceret, nihil in rerum natura latuit vnquam, cuius non perfectam haberet noticiam. In eo siquidem re-



dem rerum abditarum fundamentum & radix cum consistat, non immerito, nostrarum artium & scientiarum fundamenta naturalia, hinc primum elicienda nobis veniunt. Quod antea per numeros, sub vnitatem ac triadē fecimus, nunc verò per centrum aut punctum vnicum, in monarchiam cōclusum, sub sphaeræ forma, trigonum primum corpus occultum, ad nostram intentionem est quòd eliciamus, ut inde perfectionem bene fundatæ nostræ medicinæ comprobemus. Vniuersi corpus vnum, tribus primo constare corporibus, nobis est ex eo iudicandum, quia vnum de se nihil generare potest, præterquam triadē. Dicimus ergo triadē, corpus vnum per compositionem, verbo diuino triplici factam, constare. Componētes vniuersi partes, alijs modo iuuat explicare vocabulis, quàm præceptor noster Paracelsus, ad hunc modum videlicet. Primam, igneam substantiam esse dicimus, vitam & motum, vel animam elementorum in se cōtinentem: Secundam, æream substantiam, vitæ fomentum, & spiritum elementorum habentem: quæ duo simul appellationem cœli meruerunt, æthereæq; regionis: Tertiam verò, terream & aqueam substantiam, simul ambæ corpus elementorum, sub appellatione terræ gestantem. Constat ex genesi, mentionem esse factam Cœli Terræ, & Aquæ tantum, Ignis & aeris verò nul-




Iam, quòd ista duo sub alijs concludantur,  
vtri sub cœlo ignis, & sub aquis superioribus  
aer. Nihilominus tria primò corpora, nobis  
proponuntur à Moyse, videlicet Cœlū, Ter-  
ra, & Aqua: Paracelsus alijs vocabulis, Sul-  
phur, Sal, & Mercurium, iuxta Phycam, in-  
terpretatus est. Nos igitur cuilibet horum  
trium, à debita naturaliq; proportionē rece-  
dentium, peculiarem trigonum assignemus,  
ex veritatis corpore spherico deductum, vt  
in typica figura videre licet, a, b, d. sulphuri,  
b, g, m. mercurio, d, m, h, sali. Quibus in  
trigonum dispositis, aliud includunt sanita-  
tis & Vnionis trigonum, b, d, m, à cuius cen-  
tro ad angulos dicti sani trigoni, ducta circū-  
ferentia, per centra transit, aliorum trium æ-  
grorum trigonorum æqualiter, à quibus cen-  
tris, lineæ rectæ ad angulos trianguli sani du-  
ctæ, figuram perfectionis hexagonam & æ-  
quilateram deliniant. Hoc nobis prælagium  
esto, bene fundatorum nostrorum in trigo-  
no, medicinæ veræ principiorum. Cæteras  
in trigono æquilatero nostro consideremus  
perfectiones. Videmus ipsum quatuor su-  
perficiebus, trium angulorum singula, con-  
cludi. Hoc ipso nobis præfiguratur animi,  
per tria significati, cum corpore per quatuor  
designato, pulcherrimam coniunctionē, quā  
nonnulli solent appellare mentem sanam in  
corpore sano: Paracelsus verò cum suis, phi-  
losophiam



lofophiam adeptam. Hoc ipsum matrimo-  
nium inseparabile, confirmatur, in angulis  
hexagoni, cū suo centro copulatis, equali di-  
stantia sese respiciētib. Plura de his scribere  
possemns, nisi lectoris animū afficere tædio  
vereremur: suo rēpore tamē adducēda sunt.

Principiorū ueræ Medicinæ triū, primo-  
rūq, per mensuras mysticas approbatio.






**I**Am fundamenta nostrorum aduersario-  
rum, à quaternario sumptorum, examine-  
mus per trigonum, quò videamus, an sin-  
gula centra suorum trigonorum, per circun-  
ferentiam sub vnionis centro, sanitatisq; du-  
ctam, attingantur. Quapropter ex æquila-  
tero quadrato, delinientur trigoni a, b, d, itē  
b, g, m, tertius d, m, k, qui trigonum includāt,  
b m d & sub centro huius medij trigoni sa-  
nitatem designantis, circunferentia ducatur.  
Videmus eam, non transire per singula cen-  
tra reliquorum trigonorum, à quibus centris  
lineæ rectę, ad angulos trianguli sanitatis  
ductę, figuram quidem hexagonam consti-  
tuunt, sed non perfectam, neque æquilaterā.  
Vnde colligendum ex aduerso, nostrorum  
aduersariorum principia medica, in quater-  
nario fundata, per binarium esse manca &  
nullius perfectionis. At si dicāt, nos sumpsi-  
sse trigonos non æquilateros. Iam si velint si-  
milibus examinari, non oportebit ex qua-  
ternario æquilatero petere, sed ex inæquali  
& imperfecto, vt per l, k, s, t, notatur. Et hac  
via patebit eorum imperfectio principiorū,  
quæ ex imperfecto sumpta sunt. Quocumq;  
se vertant, nisi redeant ad trigonum æqui-  
laterum nostrum, ex perfecto corpore sphe-  
rico natum, hanc Binarij prolem quaterna-  
riam, in confusionem abire necessum est. Sed  
videāt ipsi, an alia via possint ruinā euadere.

Prin-



Principiorum falsæ Medicinæ per mysti-  
cas mensuras reprobatio.





Resumptio eorum quæ supra  
dicta sunt.

**N**E Binarij quaternaria proles, aduersaria pars, & inimica Vero, calumniandi habeat occasionem, autoritates pij probiq; viri Io. Tritemij, præ cæteris in adepta philosophia peritissimi, quib. ea quæ scripsimus confirmabuntur. Non Æthnicus, neque Gentilis, sed Christianus fuit, vt ex eius scriptis apertissimè liquet. Hæc sunt quæ locutus, vel scriptis familiaribus & amicis tantum, protulit. Ad Vnitatem reducendus est omnino Ternarius, si mens harum rerum velit perfectum intellectum consequi. Vnarius enim, non est numerus, at ex ipso, numerus omnis confurgit. Binarius ab Vnitate recedens, primus est numerus compositus. Reijciatur itaque Binarius, & Ternarius ad Vnitatis simplicitatem conuertibilis erit. Solis vnitatibus constat omnis numerus. Nonne res omnes, ab Vnitate fluunt, bonitate Vnius, & quicquid Vnitati coniungitur, non potest esse diuersum, sed fructum edit simplicitate & aptatione Vnius? Quid ex Vnitate nascitur, nonne Ternarius? Vnarius igitur est simplex, Binarius compositus. Ternarius verò ad Vnitatis reducitur simplicitatem. Rursus Vnum est principium purum. Binarius ab Vnitate recedens, componitur, quia impossibile



libile est esse duo principia. Solus ergo Ternarius sacratuſ & virtute potens, Binario superato, ſuum in principium, non natura, ſed ſimilitudinis participatione reuertitur, in quo ſine contradictione, myſteria omnia arcani pulcherrimè ordinati, mens intelligit. Hęc eſt fortitudinis totius pulcherrima virtus, quæ vincit omnia mundana. Cęleſtis eſt noſtra philoſophia, non terrena, vt ſummum illud principium, quod Deum nuncupamus, mentis intuitu, per fidem, & cognitionem fideliter aſpiciamus, Patrem, & Filium, & Spiritum ſanctum, Vnum principium, Vnum Deum, Vnumque ſummum bonum, in Trinitate perſonarum ſempiternum exiſtente, veraciter credentes, purè cognoſcentes & feruentiſſimi amoris, & ſeruitutis cultu, ſemper adorantes, à quo ſunt omnia quę vſpiciam eſſe poſſunt. Ad hunc niſi mens animata conſurgat, nihileorū quę pulchra ſunt, vnquā intelliget, ſed in ſua tabeſcet ignorantia. Non eſt vulgaris hic aſcenſus, neq; eorū imitatione conſequi poteſt, qui vna dumtaxat ala ſuſum feruntur, ſed pauciſſimis admodum familiaris: illis videlicet, qui ſemet in vnitate, non temerè tamen, reduxerunt. Multi quidem conantur, ſed nō eſt in mente omnium ternarius. Nonne ſuſpecturi cœlum, neceſſariò primū caput eleuamus, reclinamurque poſtquam ſuſpeximus. Solis enim oculis in-



tueri solem licet, aures non vident: vt igitur conscendat animus, non auris fiat, sed oculus & cor, fiatq; ex Ternario Vnitas, participatione bonitatis ad principium. Quia vnū solum est bonum & omnipotens, non duo, neq; plura. Nisi igitur fiat Vnitas, non fiet in mente similitudinis coniunctio, neque boni participatio, & sine his, nulla transcensio. Nisi autem hæc præcedant, neque superiorum intelligentiam, neque inferiorum propriā & perfectā cōsequi poterit quispiā operationē. Res autem cū vniuersales, tum particulares, necessario, & rerum condiciones, quædā sunt manifestę, aliæ manifestiores, nonnullę verò manifestissimæ: & aliæ sunt occultæ, occultiores, & occultissimæ, tam sensui, quàm rationi. Hanc diuersitatem operatur ipsa rerum natura. Hinc fit etiam, vt quidam homines alijs euadant longè sapientiores. Magis autem sapiens dicitur, qui minus circa perceptibilia percipit. Numerus ordine constat & mensura. Ordo quoque sine numero, & mensura esse non potest. Mensura autem, & numero constat & ordine. Vnitas verò hîc & Ternarius, numerum nō admittunt, sed omnem exuti multitudinem, innata sibi puritate simplicissima, in primo gradu consistunt. Hęc ad superos via, per quam antiqui sapientes, intellectu profecti, rationisq; verę ductu, plurima perceperunt, quæ ultra humanum caprum



captum, à nostris nunc reputantur sapientibus. Vis audire plenius. Studium generat cognitionem: Cognitione autem, parit amorē: Amor, similitudinem: Similitudo, coniunctionem: Coniunctio, virtutem: Virtus, dignitatem: Dignitas, potentiam, & Potentia, miraculum efficit. Hoc iter vnicum ad perfectionem adeptæ philosophiæ, cum in diuinis, tum in naturalibus, à qua procul arceretur & confunditur omne superstitiosum, præstigiosum, atque diabolicum. Enimuero nihil aliud, per adeptam philosophiam intelligi volumus, quam sapientiam, physicarum, & metaphysicarum rerum intelligentiam, quæ diuinarum & naturalium virtutū scientia constat. Harmoniam cœlestem, non materialem, sed spiritualement consonantiam, nobis suspiciendam, scias oportet, vbi numerus, ordo, mensuraq; per Ternarium in Vnitatem conueniunt: ad quam cōsonantiam, inferiora nostra omnia, sunt conformanda. Factum est harmoniam arbitrari cœlestem, stellarum consonantiam, causante motu, perceptibilem auribus formare sonum. Sed hanc supergredi necesse, vt Ternario paretur ascēsus, ad eam quæ supercœlestis est harmonia, vbi nihil materiale, sed spiritualia sunt omnia. Inde menti, vnde etiam prouenit, assumenda similitudo. Stellaris enim harmonia, nec mentem dedit, nec influxum eius.

Qui-



Quicumque conditionem cœlestis harmoniæ notam obtineret, cùm præterita quæq; tum futura cognosceret. Quis autem dabitur ex milibus vnus, qui harmoniam hâc intelligat cœlestem? Ad supercœlestem mens nata est, cuius etiam similitudine viuit. Astra nihil intelligunt, nec sentiunt quidem, vnde nec sapientiam menti nostræ conferunt, neque aliquod in nos dominium habent, qui per spiritum ambulamus, confitentes Dominum Iesum Christum, omnia in sua potestate habentem: ad cuius nos similitudinē, pro viribus, & quantum licet nobis, oportet confirmari. Ipse enim est sapientia Dei Patris, ipse est fons & origo scientiæ, ipse est animi Centrū, & per ipsum facta sunt omnia. Mens est libera, quæ nec stellis subiicitur, nec earū influentias concipit, neq; morum sequitur, sed supercœlesti principio, à quo, & facta est, & fœcundatur solum communicat. Finem cogitemus igitur quò tendimus, & principium amemus vnde sumus. Profundorum secretorum hæc est radix, & fundamentum omnium creaturarum. Prima diuisio naturalis, radicem scientiæ consummatæ producit, cuius annotatio hæc est. Quatuor sunt matres eorum, quæ in ordine sunt nouissimo: & quatuor patres eorum quæ in principio. Horum nexus, & primū connexum, & vltimum simplex, purum, vnicum, solum, omnia



omnia tingit. Terra simplex elementum, purum, & primum, ab Vno procedens, nō componitur, nec mutatur, nō patitur cōnexionē, sed manet quod est incorruptibile, & in vno consistit vnum, & non vnum, non est numerus & est numerus, non numeratur, & numeratur, inter ipsum & vnum non est numerus. In Vnitate manet vnum, & per complexum efficit Ternarium, quem octies complectēs, mirabili natura, omnia reducit ad Vnum: virtus eius à nullo magistrorum explicari, per omnia potest. Non est ipsum quod colimus Deus, creatum est enim. Animi hominis est imago, nec viua, nec mortua, per quā in omni scientia, mirabilis effectus fit. Amicē tibi dico, summa cum veritate Dei. Quicumque huius puræ simplicitatis, noticia simplici fuerit sublimatus, in omni scientia naturali consumatus erit, ac perficiet opera miranda, nec non stupendos inueniet effectus. Bonū simplex, vnicum est, & per ipsum, non solum similia, sed etiam dissimilia multa sunt. Terra composita, elementum natura purum, simplex & vnicum, sed quia compositum, necessariò fit multiplex, varium & impurum, reducibile tamen, per ignem, in aquam, & ab ista, in ignem, & ab hoc in vnum simplex: & est numerus, & numeratur, & non est numerus, & non numeratur. Non numeratur, quia natura simplex, & accidente compositum.



positum. Ideo numerari non potest, quia ante ipsum non est numerus. Numeratur enim ab unitate vnum, non absolutum, sed inclusum, & dicitur vnum exclusum: vnum inclusum. vnumque per vnum, ab vno, scilicet, ab anima mundi, fitque ternarius. Esse cum Vno vult naturaliter, vnum per se potens, in vno impotens, in altero impotens, in sphaera semper voluitur, in vnoquoque manet igne vnū, sed non sic imaginatur. Super ignem purificatum, ad simplicitatē suam congrua lotione reducitur: omnia mysteria scientiæ profundæ operari potest. Terra de composito, elementum est, & non est elementum, per quod Ternarius in Binarium reducitur, quatuor ab vno gradibus distantem. Mira continet, varium & multiplex, corruptibile, tamē extra circulum Unitatis non vagatur: huius cum Ternario, per Binarium in vno, secretorum omnium, est magisterium. Et quaecumque humanitūs adinuenta, mirabiliter constant, eius potestati subiecta sunt, ac possunt operatione perfecta fieri. Obseruat numerū, gradum, & ordinem, quibus omnis operatio mirabiliū naturæ constat. Miranda sunt quæ facere potest, & plura quàm creditur adimplere, quæ nec Deo iniuriam, nec maculam inferunt animæ: per ipsum operationes mirabiles fiunt: per ipsum humanarū adinventionū plena cognitio potest acquiri, nec non effectina



effectiua quæuis operatio quibusuis in rebus obscuris. Quia virtus eius, intellectu procedens, non permittit operantem per tres gradus errare. Discernit omnia quæ homines dicunt, Seduci minimè potest in errorē, quæ per ipsum inchoata fuerit operatio. Quicquid Astronomi, quicquid Mathematici, quicquid Adepti philosophi, quicquid inuidi naturę persecutores Alchimistę, quicquid dęmonibus deteriores Necromantici promittunt, discernere nouit, intelligere, rectificare, inuenire, suisq; principijs aptata, sine malitia perficere, hoc ipsum elementum, non elementum, per numerum à se remotū, cum sibi coniuncto, in Vnitatem simpliciter reductum. Sine huius medijs, finis, & principij cognitione, per numeros, gradus & ordines, nec Adeptus philosophus, imaginibus virtutem daret sine crimine, vel absque scelere dare posset, nec Alchimista naturam imitari, neque hominum quispiam spiritus compellere, nec futura vates naturę prædicere, nec ullus indagator curiosus, experimentorum habere noticiam. Omnis igitur operatio mirandorum, in limitibus naturę consistens, ab vnitatem per Binarium in Ternarium descendit: non prius tamen, quàm à Ternario, per ordinem graduum, in simplicitatem consurgat. Nam si quatuor numerare velis, non aliter quàm ab vno scis inchoandum,



dum ad hunc nempe modum, vnum, duo, tria, quatuor, quæ simul sumpta, decem cōstituunt. Hæc omnis numeri perfecta consummatio est, quia fit inde regressus ad vnum. Quandoquidem vltra denarium, non est numerus simplex, vti videtur, vnum, duo, tria, & quatuor, sunt decem, & sine regressu ad vnitatem, numerus vltcrius non progreditur. Mirantur huius connexionis profunda nescientes, quibus principijs in operatione mirandorum vtamur, falso nos vel demonū adiutorio, vel qualibet, contra sanctissimam fidem nostram Christianam, superstitione inniti, opinantes. Nos autem hæc de nobis, iudicantes, propter eorū quæ præmisimus ignorantiam, non miramur. Quoniam, sicut sacra testatur Scriptura, de interna cognitione Dei, quam nemo intelligit, nisi qui accipit, nemo pariter his imbui vel vti potest, nisi diuino munere, lumen singulare accipiat intelligentiæ, ex natura in naturam, fueritque in eo cum lumine ignis, cum igne ventus, cū vento potestas, cum potestate sciētia, & cum scientia sanæ mentis integritas. Notādum vtrique tria principia in Adepta philosophia naturali abstrusa, talia, vt sine ipsis, & eorum noticia perfecta, nullum operatio consequitur effectum. Primum principium, in Vno consistit, non à quo, sed per quod omnis mirandorum naturalium virtus producitur in effe-



Effectum De quo diximus, purū ab vno procedens non componi, nec mutari. Ad ipsum à ternario & quaternario, fit ad monadem progressus, ut compleatur Denarius. Per ipsum enim est numeri regressus ad vnum, & simul descensus in quatuor, & ascensus in monadem. Impossibile est compleri Denarium, nisi per ipsum, quia Monas in triade læta conuertitur. Omnes hoc principium, post Monadis principium ignorantes, nil in ternario proficiunt, nec ad sacrum Quaternarium pertingunt. Nam etsi omnes Adeptæ philosophiæ libros habeant, cursus syderum, virtutes, potestates, operationes, & proprietates perfectè cognoscant, ipsorumque imagines, annulos, sigilla, & secretissima quæq; intelligant exactè, nullum tamen mirandum consequi possunt, in suis operationibus effectum, sine huius principij ab initio cognitione, in principium. Vnde omnes quotquot vidi in Adepta philosophia naturali operantes, aut nihil consecutos, aut ad vana, friuola, & superstitiosa, post longam & inutilem operationem, in desperationem prolapsos fuisse. Principium verò secundum, ordine non, dignitate tamen separatum à primo, quod vnum existens, facit ternarium, est id quod operatur miranda per binarium: in vno est enim vnum, & non est vnum: est simplex, & in quaternario componitur, quo pu-

H



rificato per ignem, in sole, aqua pura egreditur: & ipsum ad suam simplicitatem reuersum, complementum operanti ministrabit occultorum. Hic est centrum Adeptæ philosophiæ naturalis, cuius circumferentia sibi vnita, circulum repræsentat: immensus est ordo hic in infinitum. Virtus eius super omnia purificata, & simplex, omnibus minor, quaternario super gradum composita. Quaternarius autem pythagoricus numerus, ternario suffultus, si ordinem gradumq; obseruat, purificatur: purus in Vno, ad binarium internario, miranda, & occulta naturæ, potest operari. Hic est Quaternarius, in cuius mensura, ternarius binario coniunctus in vno, cuncta facit, quæ mirabiliter facit. Ternarius enim numerus, ad Vnitatem reductus, per aspectum, omnia in se continet, ac ea quæ vult, potest. Principium tertium, per se non est principium, sed in binario: inter ipsum & hunc, est finis omnis scientiæ, & artis mysticæ: infallibile medijs Centrum: & in alio facilius non, quàm in ipso cõtingit errare. Paucissimi siquidẽ viuunt in terris, qui profunda huius intelligant arcana: varium est, compositum, & per septenarium, in ternariũ octies multiplicatum, consurgens, manens fixum. In ipso est consummatio numeri, graduum, & ordinis, per quod omnes philosophi, occultorum naturæ, Dei veri inquisitores, mirabiles



## TRIADIS.

75

rabiles effectus consecuti sunt: per ipsum, ad simplex elementum, in ternario reductum, subito sunt curæ infirmorum valde miraculosæ, & naturaliter, omnium ægritudinum, opusque hoc, in Adepta philosophia naturali, & supernaturali, operantis, consequitur effectum. Fugiant hinc dæmones, iuxta dispositionem quaternarij: prædictio futurorum, per ipsum verificatur: occultorumque insinuatio, non aliunde quam per ipsum, à natura percipitur. Hoc vnico medico naturæ secretum aperitur alchimi-  
stis, sine quo, nec intellectus artis acquiritur, nec operationis effectus inuenitur. Errant crede mihi, errant omnes, qui sine tribus his principijs quicquam operari, in occultis naturæ scientijs, se posse confidunt. Maior autem causa sui erroris est, quòd sapientes olim, secretis imbuti naturæ, hæc, vel penitus subtraherunt, vel nimis obscuritatibus inuoluerunt, vt non nisi à sibi similibus intelligi verè queant. Secreta est huius institutionis philosophia, atque cœlestis, in qua si quis intelligere ac scire veri quid optat, hominis tumultus fugiat, oportet. Mundū deferat, cœlum non oculis tantum, sed mente contempletur etiam. Spiritus Dei vbi vult spirat, quem vult illuminat, quemque suo numine obumbrarit, in omnem veritatis cognitionē inducet. Qui acceperit, gratias agat Domino

H 2



Deo, studeat operis boni fructibus correspon-  
dere, seque à Deo recognoscat accepisse, tū-  
demum nō inueniet vnde superbiat. Ille au-  
tem, cui scire sublimia hæc donatum non  
fuerit, aut socordiam suam intellegat, quod  
non laborarit, vt sciret, aut misericordiam  
Creatoris collaudet, quā in vtilitatē sui vo-  
luit eum, impedimenta non cognoscere: aut  
si non acquisierit, Deum non extitisse sibi de-  
bitore donationis fateatur, & nō ideomur-  
muret. Amicus es, amicum tibi præbentem  
consilium audi, intelliges factum, & propin-  
quorum victor, ignem inuidiæ, non aerem  
pedibus calca. Leuitas mortalium minatur  
periculum, ob odium conceptum aduersum  
immortalem Deum. Fuge synodum om-  
nium per hominem, non hominum, etiam  
cœlestiū. In nidulo hyrundinū salus tua, pe-  
riculum gallinarum. Velum à vento raptū, p-  
sequeris, fatigaberis in septenario, sed per  
ternariū in vnitatem rursus cōsurges, & foelix  
eris, Si operationes tuas à sole quæris, quem  
tibi natura videtur abscondere, à cunctis  
ad verum solem, qui Deus est, per studium  
cognitionis, purificata ab inferioribus men-  
te, in desiderio animæ, feruoreq; sanctissimi  
amoris, te successiue conuertas. Quia diuini  
amoris ars longa, tempus autem breue est:  
præstat igitur Creatorem potius, quàm crea-  
turā in veritate semper diligere. Sunt hominē  
in



in Adepta philosophia, cum studere, tum operari cum vtilitate cupienti, necessaria quæ sequuntur. In primis, ut à natura sit ad artem hanc, non solum inclinatus, sed etiam dispositus, vel saltem præceptoris magisterio disponibilis, per rectificationem, à ternario in unitatē, per binarium diuisum. Quod apertius explanare literis nequaquam valeo, sermone verò possum, non etiam omnibus, ac solum ijs, quos intelligentia perlustrauit. Secundo linguæ sufficientem habere noticiam oportet, ut vulgaris non capiat, tantam maiestatem scientiæ huius Adeptæ philosophiæ naturalis. Sed & fundamētum institutionis Astronomicæ, nosce valde necessarium, aut saltem pro voto, quemquam habere amicū qui sciat. Tertiò, necessum est, librorum habere copiam, in hac scientia, idque emendatorum, quos reperire paucissimos cōtingit, aut præ manibus adsit qui vitia possit eiusmodi librorum emendare, non autem augere. Quartò præceptor in arte doctissimus, & expertissimus necessarius est. Quandoquidem, ista scientia tantis est inuoluta mysteriorijs, ut sine doctore pertissimo, non possit apprehendi: ni tamen Deus omnipotens, singulari dono gratiæ, mentem illuminare velit, quod rarissimè fieri consuevit. Quintò necesse est, ut vniuersi totius diuisionē sciat, superiorum & inferiorum, ab vno vsque in



quaternarium, in ternario quiescentem, ac noscat ordinem descensus, & ascensus, gradum, numerum, inflexum & reflexum, esse, & non esse, in vnum, & tria: & hoc scire difficillimū est, quia omnis mirandorū effectūū radix, quocumque modo fiant, in Adepta philosophia, tam naturali, quàm supernaturali, huius principij fundamento innititur. Quocirca, omnis qui hunc ordinem apprehenderit, ipsum quoque modum intellexerit, perfectē consummatus erit, in omni sciētia profundē Adeptę philosophię, mirādosq; suis in operationibus consequetur effectus. Sed quòd ista scire nimium difficile, paucissimi cū fructu quopiā operantur, plurimi verò frustra labores suos impēdūt in Adepta philosophia. Sextò, modū viuendi conuenientem arti sciat, oportet, ordinemq; debitum operandi, temporis horam, opus & operis dominium, id est planetam, locum aptum, formam, materiam, & huius commixtionē, purum, & impurum, simplex, & compositū, simile, diuersum, nexumque coniunctorum, præterea suæ ipsius animæ mensuram, virtutem, & bonitatem in potentia eundi. Septimò, vt sciat sub cuius planetæ dominio, spiritus horæ diei, ac temporis, quælibet res mundi sit, iuxta substantiam, accidēs, & præfertim effectum, per quem operatur. Inferiora enim superioribus subiecta sunt, & sola si-



la similitudine, quæ substantia, accidente, potentia, virtute, numero, gradu, ac proprietate constat, per applicationem vnius ad aliud, modoq; in arte firmato, mirandorū in Adepta philosophia naturali, fit utilis operatio. Octauò, necessum est operantem in Adepta philosophia, præcise intelligere ac scire, omnem intelligentiarum proprietatem, ordinem, gradus, loca, siue locationes, nomina, verba, officia, & opera, qua ratione se ad extrema habeant, in ordine, & quomodo per ista sit operandum in qualibet vniuersali intentione: aut primū necessaria sciencia est, per quam certò perficiuntur, eo modo quo caro, ne putrescat, sale conseruatur. Nonò, in his quæ solus perficere non potest, socios habeat, aut natura dignos, vel institutione dignificatos: etenim sociorum indignitas, operationis effectum impedit in omnibus operationibus Adeptæ philosophiæ, tam naturalis, quam supernaturalis, &c. Decimò, oportet operantem in Adepta philosophia, firmum esse confidentia, & de consecutione effectus nullatenus hæsitare: non tamen ob id quòd incredulitas aliquid in his conducatur, sed quia hæsitatio, firmitatem, & constantiam animæ frangit operantis, ac debilem reddit, per medium in extremum, sine cuius virtute constante, stabiliq; non fit, à superioribus influxus optatus. Vndecimò, volen-



tem in Adepta philosophia naturali, cum aliquo fructu operari, ut omnia secretissimè conseruet, nemini reuelet statum operationis vtilem, aut non, neque suam voluntatem, non artem ipsam, neq; tempus, nisi preceptorum suo vel discipulo. Quia scientia hæc publicū fugit omne, & diuulgata, rarò suos præbet effectus. Cum finis scientiæ speculatiuæ sit veritas, & operis practicæ: tantum scimus in ea, quantum ex cognitione omnipotentis Dei concipimus, qui solus est veritas. Tantum etiam cognoscimus, quantum diligimus. Scientia enim vera & salutaris, Dei parit cognitionem: Cognitione, amorem: Amor, frequentiam: Frequentia, familiaritatem: Familiaritas, fiduciam: Fiducia, quidē, omnium quæ postulaueris à Domino Iesu, facilem impetrationem. Scientia quippe, virtutis cultum præcedit, quia nemo potest fideliter appetere quod ignorat. Cognitione veri, & amor recti, certissimum ad felicitatē parant introitum, Præcedit autem, sicuti antea diximus, amorē cognitio, cum nemo possit amare verè, quod prorsus ignorat. Propterea D. Iesus Christus in Euangelio patri dicit. Hæc est vita æterna ut cognoscant te solum Deum, & quem misisti Iesum Christum. Quidnam aliud est illa supercœlestis beatorum spirituū amœnitatis fruitio, quàm diuinæ Maiestatis cognitio & amor. Salutaris



paris enim scientiæ cognitio, annexum sibi  
habet amorem. Nō potest mens intellectu-  
alis, sempiternæ fruitionis habere consortiū,  
si aut cognitio fuerit sine amore, aut amor si-  
ne cognitione. Demones quidem cognos-  
cunt, sed quia carent amore, ad fruitionem  
(quæ ex utroque, & non ex altero solo nasci-  
tur) minimè pertingunt. Amorem vnus sum-  
mæ veritatis, philosophi Gentiles, quidam,  
& extra Christianismum positi, nōnulli, ad-  
huc habere hodie videntur, sed quia non co-  
gnoscent Patrem vniuersitatis, solum verum  
Deum, & quem misit D. Iesum Christum, in  
suis cogitationibus euauerunt, vt ad frui-  
tionem summæ veritatis bonitatisq; nequa-  
quam peruenerint. Dicit enim D. noster  
Seruator Iesus, de his qui non cognoscunt  
eum in hunc mundum venisse, per fidem in  
Euangelio: Qui non credit, iam iudicatus  
est. Vera enim cognitio ex fide est, & amor ex  
cognitione. Quicumq; ergo fidem non ha-  
bet, caret etiam cognitione: qui hanc non ha-  
bet, nec amorem: & qui caret isto, fruitionē  
habere haudquaquam potest. Hoc ipsum,  
Dominus noster Iesus Christus, ascensurus  
in Cælum, suis discipulis reuelauit, inquiēs:  
Euntes in vniuersum mundum, prædicate  
Euangelium omni creaturæ: Qui crediderit,  
& baptizatus fuerit, saluus erit, qui verò non  
crediderit, condemnabitur. Hæc est scien-



ria vera, quæ scientem compunctione, & amore plurimum afficit, non extollit, non superbientes, quos impleuerit, sed gemētes facit. iuxta illud Sapientis: Qui addit scientiā, addit & dolores, quòd in multa sciētia, multa pariter insit indignatio. Magna verò nobis puritate, & sanctitate est opus, vt veræ sapientiæ fructus, cum beatissimis apostolis Christi, in æterna fœlicitate valeamus obtinere. Deus noster sanctus est, nos autem peccatores & immundi. Cùm ergo, inter dissimilia non fiat vnio, quomodo fiet inter Deū & nos concordia? Audiamus Diuum Augustinum: Nullus inquit, sanctus & iustus careret peccato, nec propterea sinit esse iustus & sanctus, cùm teneat affectu sanctitatem. Dicit enim Scriptura: Septies in die cadit iustus, & resurget, impij autem corruent in malum. Si cadit (inquit) Hieronimus, quomodo iustus, & si iustus, quomodo cadit? Sed iusti vocabulo non priuatur, qui pœnitentia ductus tractusq; semper surgit. Non solùm septies, at septuagesies septies delinquenti, si conueratur ad pœnitentiam, peccata donantur. Nō saluabit eum gratia, cuius voluntas otiosa fuerit. Impossibile siquidem est non saluari bonam voluntatem. Etenim Dei donum est, quoniam nec velle bonum, neq; exequi, sine gratia Dei nemo potest, qui seruare semper volentem, est paratissimus. Quemadmodum



dum ad solem conuersus lunæ globus, hic, illius splendore fit lucidus lumineque repletur, idq; magis, quò factus ex diametro còspicius magis, eo lustrior euadit. Si terræ corpus interueniat, eclipsim luna patitur, & tenebris obfuscatur oppleturque. Non aliter mens nostra, ad Deum per bonā volūtatē, & interni desiderium amoris conuersa, pulcherrimis, dulcissimisq; gratiarū illustrationibus perfunditur, & in sancto speculationis acumine mirificè corroboratur. Mox autem, vt peccati nubes intercesserit, lumen hoc etsi tamen indeficiens in se ipso, à subiecto nihilominus tenebroso absconditur. Præoccupatum nanque sæcularibus, siue carnalibus desiderijs animum, gratia Dei haudquam illustrat. Misceri quidem vana veris minimè possunt, æterna caducis, spiritualia carnalibus, ima summis, impura sanctissimis cœlestia terrestribus, vt pariter mens sapiat, quæ superius in cœlis, & quæ supra terram sunt. Vt mens vtique reformetur ab inuersa natura, Deum precemur, vt ipsa fiat vnum in amore, & cognitione vnus summi boni, Patris, & Filij, & spiritus sancti, gratiam affecta principij, à quo, multitudine labitur, & vnitatem ad ipsum reformatur: ternarium pro viribus ad vnitatem reducendo, mentemq; sibi restituendo, quò purior intellectus ad metas principij iure propositas perueniat.

Verum



Verum enimvero, medium dispositionis habetur, quod & Dei donum est, hoc enim corporis obscuritates tolli possunt, ac impedimenta, quæ mentem remorantur, ne perueniat, quò desiderio trahitur, & ratio vera reddit: hoc etiam addere minime pigebit. Hermes Trismegistus, Adeptæ philosophiæ naturalis doctor, præ cunctis excellentissimus, ait. Verum sine mendacio, certum, & unitatis cognatione verissimum. Quod est superius, est sicut id quod est inferius, & quod est inferius, est sicut id quod est superius, quia solis unitatibus constat omnis numerus, ad perpetranda miracula vnus rei multa. Nōne res omnes, ab unitate fluunt, bonitate vnus? Diuersum nihil unitati coniungi potest, sed simile, vt simplicitate vnus aptationeque fructum faciat. Quid ex unitate nascitur aliud, quàm ipse ternarius. Vnarius est simplex, binarius compositus, & Ternarius, ad unitatis simplicitatem reducibilis Pater eius est Sol, mater verò Luna. Portauit semen in utero ventus. Terra nutrix. Pater omnis perfectionis totius mūdi, hic est. Virtus eius integra & immensa, si versum fuerit in terram. Separabis terram ab igne, spissum à subtili. Et ternarius iam sibi redditus, cum ingenio, & suauitate magna, à terra conscendit in cœlum. Et iterum virtute ac pulchritudine decoratus, reuertetur ad terram. Et sic recipit  
vim



vīm superiorem, & inferiorem. Eritque iam  
potens, & gloriosum in claritate vnitatis,  
omnem aptum producere numerū, & fugiet  
omnis obscuritas. Hæc est vera præ cunctis  
alijs ars, & scientia, christiano homini maxi-  
mè necessaria. Vniuersa enim studia morta-  
lium, quæ nō fuerint, ad charitatem directā,  
prorsus vana sunt, & omni viro christiano  
contemnenda. Curandum igitur nobis, vt  
mens nostra, propriæ salutis non immemor,  
nunquam studijs mundanis inhæreat, solum  
vtatur in communem vsum ad necessitatem,  
non assidue tandem ad ea quæ per verum  
amorem in cognitionem Dei ducunt, redeū-  
dum. Omnis ars quæ diuinæ scientiæ non  
cohæret, quantumcumq; celebris, non diu-  
tius permanet in homine, quàm vnā cum ra-  
tione vita. Quærenda est igitur scientia, quæ  
post mortem etiam permanet: ea ipsa est, ex  
qua cæteræ omnes, etiam ad vsum præsen-  
tis vitæ necessariæ, suam originem & incre-  
mentum habere debent, & ad ipsam confor-  
mari. Videndum igitur, quo ordine, quo stu-  
dio, quoque fine quodq; scire oporteat: Pri-  
mo videlicet ordine ad salutem animæ: Se-  
cundo studio nempe, ad amorem diuinum:  
Tertio verò fine videlicet, ad gloriā Dei so-  
lam, & vtilitatem proximi. Non est vna &  
eadem, omnium ad scientiam & sapientiam  
properantium, intentio, nec finis vnus. Non-  
nulli



nulli scire cupiunt, ad explendam curiositatem: alij quidem ad quæstum: alij ad ambitionem honorum, & dignitatum: quos omnes in reprobum sensum agi, & in varios errores necessum est. Quicumq; verò scire desiderant, vt sese necnon proximos in amore Christi ædificare valeant, ad finem charitatis exercendę suos labores dirigūt, quorum fructus, vbi vita doctrinæ corresponderit, æterna foelicitas. Hos enim errare suis in operationib. est impossibile. Quapropter videant quotquot ad hæc studia animum applicant, ne illotis accedant manibus & non purgata conscientia, aliter & aerem verberare, & maximam ignominiam, dispendium, & vitæ periculum incurtere continget. Qui vero hanc sacratissimam philosophiam adepti fuerint, ex Deo, caueant ne panem filiorum, canibus tradant, quod si faciant, indignationem Altissimi vindicis incurfuros se certo certius est quod credant. Videamus quid Libanius Io. Tritemio suo discipulo, hac de re ipsum admonens, scripsit. Silentio (inquit) anacrisim serua, & ante tempus noli columbam emittere, Pœnos linque mendaces, vt sero intelligant quid bonū, Caue Tritemi, ne solis radios cauernis inducas, quoniam perniciosi dracones. Aerem sublimiorem, non nisi semel abscondas in terram. Bobus & capris nō porrigas panem tuum, nec spiritum peria-  
riuas



nuas minores emittas. Vnus esto tecū, & caue ne solus, Omnē fugito multitudinē, quia vnum est omnia, & sine vno est nihil. Manū cæcum ne ducas sed baculo tantum. Aquam vino non misceas, nec sit in mensa tua panis duplex. Aues in sole non nutrias, sed in vmbra. & canibus non ostendas vitrum, aut speculū, quia periculosum est. Vmbra ne verberes, quoniam ad iniuriam fit solis. Formicis vttere, si auium captu forsitan delectaris. Lucem in aqua diuide, ne congelata stridescat. Cui discipulus respōdit, Bobus & capris fœnum substraxisse, magnumque sibi cum simijs bellum esse, verum victorem se tandem euasisse. Tantoque liberiores viuere, quanto rebus mundi pauperior. Hæc sunt monita placitaq; filiorum Adeptæ philosophiæ, quibus inhibent, ne margaritæ seminentur ante porcos. Interim si quid abditorum arcanorū habent, soli Deo, quicquid sit, hoc omne ferūt acceptū, dignisq; filiis cōmunicant, quos hortantur amicè, vt memores sint non sibi, sed Deo, Deiq; filiis viuere, ac eidē gratias immortales agere, Patri, Filio, & Spiritui Sancto, vni Deo, cui sit laus, honor, & gloria perennis.

Finis.







ANATOMIA  
CORPORVM  
ADHVC VI-  
VENTIVM.

*Qua docet Theophrastus Paracel-  
sus veræ Medicinæ Philosophiæque, Do-  
ctor excellentissimus, ante mortem agris,  
esse consulendum, post quam sero  
Medicina paratur.*



## Ad benignum lectorem.



St quòd scias amicè frater nōnullos esse homines, qui cū ambitioni, tū (quod foedissimum est) quæstus gratia, Theophrastum Paracelsum, nostrum præceptorem priuare suis honoribus, atque laboribus non verentur, temerè sibi libros eius attribuentes, quos quouis modo, vel astutia corraserunt ab his, qui detinebant eos abhuc manu scriptos, & nondum in lucem editos. Verū non considerant miseri, nullum vitium tam occultum esse, aut vnquam æquè astutè posse fieri, quin erumpat suo tempore. Putant ne, huius viri discipulos quandoque fucum eiusmodi cognituros, cū, & phrasim, licet immutatam, etiam à sua prosa in versus, aut quomodocumq; laruatā, & modum tractandi, ac vocabula (quæ mutari nequeunt) & alia hoc in Autore notabilia facilimè detegant? Faciant ac moliantur quod possint, ex voto nunquam eis genus hoc malitiæ succedet, nec eos protegere poterit, quin tantam inde reportent ignominiam, quantā vanitatis suæ gloriam venati, quæsierunt. Satis sibi cognoscant ex eo contingere, si multas hac via corradant opes, Autori tamen relinquunt honorem debitum, emittentes eius nomine, cuius etiā in  
du-



dustria ac diligentia comparata sunt. Admonitos igitur eiusmodi farine homines velimus, ut in posterum, ab hoc edendi studio abstineant, aut sane quod nollent audire cogentur, aut luculentius palam fieri hominibus: Si negent, extant eorum opera, quæ sua facta produnt, si conferantur cum eis, quæ hætenus edita sunt sub nomine proprii autoris. Videantur quæso, quæ de Anatomia duplici, videlicet, locali, & essata habentur à Paracelso, tandem iudicium fiat, cuius hæc sit corporum anatomia viuorum, sic de cæteris. Interim Vale, & æqui bonique lector optime nostros labores, in tui gratiam libenter susceptos, consule:





Riusquam de viuorum corporū Anatomia tractemus, instrumenta quæ ad hanc artem veniunt in vsum proponemus, vti sunt Mēsuræ, bilanx, pondera, vasa, fornaces, & id genus alia quęque, suo loco ad oculum depicta.

### De mensuris.

Vasculum quoddam stanneum, vel argenteū, iustæ capacitatis, quod pharmacopolicæ mensuræ quartam partem contineat, habeatur. Vrina, quam capit omnino plenum, effusa in vasculum appensum bilanci, præcisè pendat vncias octo, idque tales vt in posterū dicetur. At si patientis vrina paucior esset, quàm vt hanc mensuram impleret, aliud vas minoris capacitatis ac mediæ sit in promptu, pondusque medium vrinæ, quatuor vnciarum, videlicet, examinetur.

Alia mensura lignea, lineari forma, plana, vel quadrata est opus, quę in viginti quatuor partes æquales diuisa per lineas, integra tamen sextam partem longitudinis humani corporis optimè proportionati, metiatur. Ad hunc modum intelligendum, vt ea mensura lignea, sexies repetita altitudinem hominis efficiat. Considerandū eam esse pedalem, & pollicum viginti quatuor, vt homo noster anatomicus, altitudinem pedum eiusmodi sex habeat, & pollices centum & quadra-



quadraginta quatuor. Notandum interea curiosis, quemlibet pollicem in minutias subdividi posse.

## De bilance.

**B**Rachia lancis fabrefieri debent, ex cupro vel argento, non ex ferro, propter æruginem, quam istud ex urinae corrosiva qualitate, facilius concipere posset, eaque ratione diminutis brachijs eiusmodi, bilanx in æqualis redderetur: vasa vtrinque appensa, vitrea sint, eo respectu, quæ allegauimus. Suspendantur funiculis pilo contextis, ut minus, cum humorem imbibant, tum etiam, non æquè cito putrescant.

## De ponderibus.

**P**ondera sint cuprea, in formam eorum, quibus aurum & argentum lancibus committuntur. Triplicia sint, utpote maxima, media, & minora. Pondera maxima conveniunt urinae Mercuriali ponderandæ: minima Salinae: media vero Sulphureæ. Mediū hoc pondus, æquale sit illi, quod ad aurum venit in usum: etenim homo comparandus auro, per sympathiā quandā, quā habet cum eo: quæ quidem similitudo ex philosophia naturali debet intelligi. Drachma ponderis, ad sulphur nostrum physicum, 60. grana ponderis aurei, pendere debet. Drachma physici Mercurij nostri, 62. grana similia. Drachma




verò salis nostri phyci, tantum 58. granâ parâ. Fabricatis drchmis primorum naturaliū, cuique suis, facile fuerit vncias etiam, cuiq; suas assignare, cuilibet vncie videlicet drachmas octo, ac tales quæ sibi contingunt. Quo peracto, post quamlibet drachmam, alia minora pondera succedunt, quorum vndecimū quodque, sit 55. granorum, decimum 50. nonum 45. octauū 40. septimum 35. sextum 30. quintum 15. quartum 8. tertium 4. secundū 2. primum vero 1. granum aurei ponderis.

Masculæ ponderum notentur, quælibet suo numero, quo cognosci queant.

De






De vase destillatorio ad urinam.

**P**ro longitudine linearis mensuræ, vas  
conflatum habeatur ex vitro albo, ve-



nero, claro, ac optimè transparente, cum simili galea sua rostrata. Sit eiusdem vasis altitudo mensuræ lineari prorsum æqualis, videlicet pollicum 24. & latitudo per diametrum quatuor pollicum, vt sit pro sexta longitudinis parte, latum: hac ratione vas nostrum ad proportionem humani corporis erit coaptatum. Intelligendum vtique nostrum homunculum spagiricum & anatomicum, vase nostro concludi, qui occultus in vrina sua, fit manifestus, anatomia nostra vera, nostróq; igne, qui nouaculæ vices nobis, & barbitonforis chimistici, hoc loco perbellè supplet. Galea nostri vasis cum rostro suo, nobis præfigurat, caput, nasum, & collum anatomici nostri homunculi. Corpus vasis sub galea, corpus homunculi concludit, cui linearem mensuram applicamus, vt regiones viui corporis omnes, discernere possimus, & succuramus viuo corpori, si quidem quod mortuum est, non indiget vlla medicina.





## De fornace anatomica.

**N**on absimili ratione, nostræ fornacis  
proportio, correspondeat præcedenti.

I s




bus, vt corporis eius altitudo sit pollicum viginti quatuor intrinsecus. Partienda venit in tres concamerationes, quarum quælibet alta sit pollicibus octo, lataque viginti quatuor, & fundum triplicè habeat, diuersimode quemlibet perforatum. Infimus foramine dehiscat, pro semidiametro, vt quartam areæ sui fundi partem occupet. Medius perforetur sex oribus æqualiter distantibus, vt inter vnum & alterum, interuallum sit parulis foraminibus æquale, quorum diameter, quartam diametri, magni foraminis infimi fundi habebit. Ratione hac geometrica comperietur, sex foramina superiora, proportionem ad infimum habere super sesquialterā. Vnde colligitur, ignem primi gradus, fore trium octauarum linearis mensuræ, correspondentium nouem pollicibus eiusdem: secundi gradus ignem futurum, quartarum trium, ac pollicum octodecim: tertij gradus ignis, erit viginti septem pollicum: & quarti, sex & tringinta, quæ similiter proportionem habent ad duodecim pollices infimi diametri, super triplam, & ad linearem mensuram, super sesquialteram, non aliter quàm superiora foramina sunt ad infimum propatula. Aliam proportionem quære, quam volēs vt æquatam superiorum quatuor foraminum, ad inferius, cuius semidiameter, integrum diametrum vniuscuiusq; superiorū

effi-




efficiat: quo fiet vt apertis omnino superiori-  
bus, eorum, & inferioris patentia sit equalis.  
Animaduertendum præterea, medium fun-  
dum eiusmodi fornacis, esse debere duplum,  
& supernum volubilem suo manubrio, quo  
superiora foramina gradatim aperiri, claudi-  
que valeant, pro quarta sui parte, media, tri-  
bus quartis, ac prorsum: eoq; regimine calor  
ignis augeri possit, vel minui quoties opus  
fuerit. Capella continens arenam, & in ea  
vas destillatorium, ex cupro fabricanda est,  
in formam martialis galeæ acuminatæ belli-  
cæ, quæ super cuspidem sit volubilis, vnà cū  
vase vitreo. Hoc artificio quidem, vt cuprea  
pariter mensura linearis, in 20. pollices æqua-  
liter diuisa, figatur ab vna parte cooperculi  
cupellæ, cuprei similiter, & quæ superius in-  
curuata galeam vasis erectam sustentet: ex al-  
tera parte, candelabrum cupreum etiam co-  
perculo infixum esse debet, quo portetur vas  
receptorium, cum cupella volubile. Cæterū  
turris lateralis carbonibus impleta, ac supe-  
rius occlusa sit, quæ spiraculum habeat in  
fornace, per quod accensi carbonēs i-  
gnē excitent vt pro tua experien-  
tia, videbis expedire.









## De urinarum receptione.

**S**tatim atq; patiens vrinam emiseric, vasi  
vitreo vel lapideo concludatur optimè,  
 nere-



ne respiret: abstinendum à vasis, ex alia materia compactis, ne qualitatem externam, vrinæ concipiant. Postquam medicus receperit, vas admoueat igni, clausumque maneat, quo calorem eundem accipiat, quem habuit, eo tempore, dū emitteretur è vase naturali. Tandem conquassationibus perturbetur, & permisceatur suis fecibus. Quo facto quiescat, semper vase clauso, ne forte propter commotiones, subtiliores spiritus abeant. Postmodum aperiatur vas vbi sedata fuerit vrina, cumq; suis fecibus effundatur in vas stanneum ad summitatem, vt primum à pondere sumatur iudicium. Si contingat vrinam præcisè vncias octo pendere, bonum omen fuerit, vtputa morbum esse valde curabilem, tanto melius, quantò propinquius ad pondus istud accesserit. Item quantò minus pendet, assignato pondere, tantò magis ad sulphur morbum accedere iudicandum est: & quò plus pendet vncijs octo supra mentionatis, eò magis morbus mercurialis erit pronunciandus. Verùm vbi valde minus vncijs octo pependerit, magisq; ad septem accesserit, infra potius, morbum ex sale prouenisse putandum, quia hoc cæteris duobus primis est leuius.

Si turbidam cōspicias vrinam ac spissam, certo iudicabitur, morbum radicem in sanguine fixisse, & in corpore, idq; tantò vehementius



mentius, quantò, magis hypostatica fuerit.

Si patiens maximis doloribus aggrauetur, nihilominus, vrina iustum pòdus vnciarum octo precisè habeat, indicium esto morbum in sanguine minimè situm esse, verum in nervis potius, musculis, medullis, alijsque partibus corporis, iuxta signa quæ succedent inter examinandum. Ab eodem indicio iam dicto, morbus ex sale iudicari potest.

Absolutis iudicijs à pòdere sumptis (quibus nò ita pertinaciter insistendum, quin confirmetur opinio succedentibus alijs iudicijs: euacuanda est vrina in alteram ampullam staticuli. Verùm priusquam id fiat, ampullæ madefiant ambæ, vrina hac eadem quæ superfuit, post repletionem mensuræ, vt iustū seruetur pondus, vbi ex ampulla, in vās destillatorium effundetur, nam semper adhæret liquor spondilibus & concavitati vasorum euacuatorum. Per infundibilū vitreum oblongum ad fundum cucurbitæ ferè pertingens, infundatur, quo quidem euitetur, ne spondilia vasis, altiùs madefiant, quam altitudo liquoris & vrinæ assurgat in dicto vase. Quo factò mox superponatur galea, commissuræque lutentur optimè ne respirent, rostrum eius obturetur epistomiolo quo piam ligneo. Ponatur vitrum hoc destillatorium, ad hunc modum præparatum, in foratū lignum præcisè in eum vsum excavatū

vt



ut aliquantisper in eo consistens, quiescat, perpendiculari situ, ne aliqua ex parte propè deat. Interea notanda signa quęlibet apparētia, dum subsidunt feces, utrū citiūs, vel tardiūs, aut prorsus nō ponantur. Inde siquidē, iudicium fieri potest, animaduersione sedula, de sexu, & ætate patientū. Sal enim in mulieribus densius est, quā in viris, sic de reliquis duobus primis.

Quod ætatem concernit hoc loco, notandum, vrinas puerorū à tribus annis, ad iuuentutem vsque, scilicet, annos circiter quatuor & viginti, spiritus habere debiles, qui languidè satis assurgunt, vnde citiūs euanescent alij, qui prouectioris sunt ætatis. Vrinæ autē ab annis vigintiquatuor in tringinta, robustiorum spirituum existunt, ut qui viuaciūs ascendant prioribus, attamen tardiusculè.

Quæ sunt annorum quadraginta, quinquaginta, vel sexaginta, robustissimis pollēt spiritibus, qui facillimè pre cæteris attolluntur in altum.

### De coloribus.

Iuniores personæ, suas vrinas ædunt spissiores, in modum feri lactis è caseis effluentis, malè digestas & imperfectas.

Ætatis mediæ, suas habent admodum tenues, flauas, optimè digestas, & colore pulcherrimo tinctas.

Qui



Qui verò sunt prouectionis ætatis, vrinas emittunt albicantes, subriles, transparentes, ac mediocris digestionis.

De humoribus inter destillandum ascendentibus.

**V**itreum vas continens vrinam, collocetur in cupellam cupream arena repletam, in summitate furni sitam, & mergatur sub arena tribus vigesimis quartis partibus linearis mensuræ, vel pollicibus tribus, vt viginti & vno superemineat. Priusquam accendatur ignis in laterali fornace, folium papyri magnum, quod iuxta longitudinem in vigintiquatuor partes æquales, & per latitudinem in quatuor tantum complicatū sit habeatur. A dextro latere papyri, notanda sunt omnia, quæ ad vasis dextram apparent indicia: à sinistro pariter quæ ad sinistram patefient. Spatijs verò papyri medijs inter sinistram & dextram, ea quæ videbuntur à facie vasis, & à tergo, vt spatium dextræ proximiori, notanda quæ vasis anteriori parte manifesta sunt, & altero spatio medio, quæ posteriori. Notandum utiq; rostrum galeæ, facie ad faciem opponi debere, versum ad examinatorem, eamque partem anteriorem habendam in vase, corporisque examinati partem eandem referre.

Cauendum etiam ne per ignem calor ex-

K



citetur vasi, maior eo qui solet esse quam vrin-  
 na per patientem, è vase naturali plærunque  
 solet emitti, contineatur in eo calore conti-  
 nuo trium horarum spatio. Non est eximen-  
 dum epistomium à rostro galeæ, donèc tem-  
 pus hoc præterlapsum fuerit. Si verò prius-  
 quam tempus hoc sit absolutum, guttulæ  
 descendant per galeæ rostrum, indicium esto  
 nimij caloris: etenim tantillo temporis pro-  
 prietates corporis demonstrari nequeunt,  
 pauca hac alteratione, minùs apparere pos-  
 sunt indicia, de quibus iudicium ferri possit.  
 Sensim prouocandæ sunt vrinæ, proportio-  
 nato, & gradatim aucto caloris & ignis regi-  
 mine, quo fit vt morborum inditia vera, suis  
 locis appareant, indeq; certius iudicium fiat  
 eorum.

Regulæ quædam generaliores in  
 urinarium iudiciis.

**A** Nimaduersione sedula, considerandæ  
 sunt notæ pollicares, in mensura linea-  
 ri cuprea iuxta vas erecta, quæ hoc sustinet  
 erectum, delineatæ. Mensura dicta, figitur in  
 coperculum cupreæ cupellæ, pariter & can-  
 delabrum sustinens vas receptorium: in vi-  
 ginti pollices dūtaxat, repartiri debet, quòd  
 quatuor pollicibus sub coperculo, vas destil-  
 latorium sit mersum.

Humoribus aut vaporibus, à regione cor-  
 dis, ad



dis, ad anteriorem thoracis partem assurgentibus, indicium esto morbum ex nimio gaudio prouenisse, quo citius in ægritudinem, periculosiorem inciditur, quàm aliquo mæiore, si læticia modum excedat.

Si verò ab eodē loco surrexerint in partē posteriorem, vt ad spinam dorsi, morbū ex aduerso mæiore productum esse iudicetur.

Ab eo ipso loco, si assurgant ad supremam thoracis partem, ab iracundia (quam choleram vocant) ortum habere dicitur: at è contrā si versus inferiorem partem, causam fuisse horrorem, atq; pauorem iudicari poterit: ceterum vbi ab eo loco, ad latera perrexerint, pudicitiae causam profer. Hoc ipsum de symptomatis aut accidentib. vti de morbis ipsis.

Si terrea substantia præcedat humorem in ascensu (quod præter consuetum existit) indicium est morbi tartareij: ab albo tartaro morbum caducum indicabit, maximè si dicta substantia terrea, mox post aeream (quæ præcedere debet) ascendat, quod quidem denotaret malitiosos eiusmodi vapores, primò ab inferioribus corporis partibus, ad cor ascendisse, tandem ad caput, & cholericos affectus & effectus excitasse, vnà cum tremoribus, & circa vmbelicum conuulsionibus, cordis compressionibus, indeque morbum epilepticum.

Quum humor in prima destillatione, mix-



tus erit varijs ac diuersis coloribus, vt ceruleo, flauo, viridi, &c. indicium est infectionis matricis à spermate, præsertim vbi hoc ipsum apparuerit in vasis medio, vel circa regionem pudendorum.

Secunda destillatione si vapores ascenderint multifariam colorati, vsq; ad caput albēbici, quò vt peruenerint retrocedant, absque resolutione in liquorem, imò potius magis, ac magis in vapores crassos densabuntur, indicium erit conditionis terreæ, quæ putrefactionem molitur pororum, & meatuum aereorum hæpatis, pulmonis, & cordis. Si tamen calore superati, nihilominus in tartarū conuertantur, indicium est calculi sumentis originem, & occasionem adhærendi renibus, non aliter quàm tartarum ad latera vasis. A coloribus tenuioribus permixtis eiusmodi vaporibus, denotatur infectio cerebri, memoriæ, nobiliorumque partium capitis, ynà cum debilitatione rationis, animaliumque facultatum. Vnde potest iudicari, periculū imminere cardiacæ, apoplexiæ, stuporis, & conuulsionis membrorum.

Tertia destillatione, si post ascensum vaporum omnium, ipsa materia residens in fundo cucurbitæ, formam concipiat, concreti sanguinis & spongiosi, hoc ipso designatur morbum aliquem ex menstruorū retentione prouenisse.

Si va-



Si vapores aliqui subuirides appareant, qui postmodum nigrescant, & inde post plūbi liuorem concipiant, per disparitionem tenuium spirituum vrinae, tum ob foetorem, praesagium aliquod mortis praesumendū est.

Quum nubes in galea, repulsae quodammodo coguntur retrocedere, descendereq; in vas destillatorium, apoplexiā indicant, idque potissimum, vbi saepius id ipsum eueniet. Si vapores à medio vasis videantur ascendere in galeam, quae viscosae corruptaeq; sint, indicium esto, praemala stomachi digestionē, vapores crudos ad caput ascendere, vbi cumulari, spiritus aggrauant intellectus, memoriae, & auditus, Vnde suffusio nascitur oculorum.

Post liquoris omnis receptionem, sub initium ignis secūdi gradus, si aer pro solito suo more naturali nolit ascendere, pessimum esse iudicium putato. Item si praecedat aerem, ignis in ascensu, qui se recipiat in galeam. forma vesicularum transparentium vt vitrum, deinceps obscuriores ac densiores factae, rumpantur, & inde color appareat obscuri lactis, varijs coloribus alijs permixtus, vt azurino, flauo, viridiq; radientibus, indicium est assumpti veneni per os, quod aconitae naturae fuerit.

Si nubes ad sinistrum latus vasis appareat in medio, matricis passionem significabit.



Separando primum liquorem, si videatur à sinistro latere vasis, materia viscosa, cū vaporibus crasis, & obscuris, capitis maximus dolor designatur, & fluxiones, non sine periculo paralyfis, aut hoemiplexiæ futuræ.

Vrina, ob cruditatem & malam digestionē, si colore liuido plumbeoque tincta, nolit per destillationem nisi difficulter, ascendere, nec altius quàm ad nonum pollicem, vbi numerus decimus quintus notatur in lineari mensura, paulò plus quàm ad vasis tertiam partem, ibidem collecta, si densabitur vapor humoris eiusmodi, & ad fundum vasis deorsum ceciderit, indicium est periculosissimū, & intercutanei morbi cuiuspiam, vel tartarei. At si fortè cum signis præcedentibus, appareat in galea nubes nigra, & impura ad finistrum latus, varijs permixta coloribus, indicium esto maximi doloris in capite, vertiginis, tinnitus aurium atque tumultuationis. Verùm si hoc signum statim post apparitionem evanescat, materiaq; per se clarescat, indicium apoplexiæ futuræ, pulmonis exulcerationis, & phrysis esse dicito.

Si vapores ignei, qui tertia primū destillatione debent ascendere, secunda confurgant, statim post primum liquorem, ficcitatis, & caloris hæpatis est indicium, atque tartari nati in medullis spinæ dorsi, pro quantitate granorum milij, & qui possunt incrementum



tum sumere, ad formam lentis: unde podagra generari potest: vrinae primo liquore, destillandum inter ad rubedinem tendente, varijs atque mirandis Coloribus concurrentibus, indicium est inflammationis hæpatis maxime, tum scabiei leprosaë in pelle, item rubeam leprã esse præ foribus: Verum si mox ab ascensu primi liquoris, quem phlegma dicunt, ascendant igne i vapores, ante vapores aeris, & in galeam se recipiant, inflammationis hæpatis est indicium, & pessimi caloris in eo, per quem pars maxima sanguinis aduritur: item pruritus intolerabilis ad brachia, coxendices, &c.

In examine fecum, si calx rubea prodeat, indicium est calculi, in spina dorsi maximũ dolorem efficientis.

Ignis gradus primus, & indicia liquoris Mercurij.

**Q**Uum vrinae sudor aliquo vasis loco, in forma guttarum adhæret, certissimum præbet indicium, eodem corporis patientis loco, humiditatis superfluaë, dolorem excitantis, eque maiorem, quò maiores guttae fuerint, item à minoribus, dolores minores iudicandi sunt.

Si guttae maneant eiusdem quantitatis, absque variatione, indicium esto morbum esse fixum eo corporis loco, qui designatur



in vase, siue in sanguine, carne, venis, aut nervis, ossibus, cerebro, corde, hepate, pulmone, felle, renibus, stomacho, intestinis, vesica, &c.

Si contingat eiusmodi guttas repentè crescere, iudicium fieri potest, & morbum pariter sumpturum incrementum.

Si verò diminutæ sint, paulatimque deficiant, indicium esto, morbum utique paucò vel nullo negotio curabilem, idque balsamo naturali vincente malum, per instaurationem, & renouationem.

Si postquam eiusmodi guttæ disparuerint, vestigia relinquant in vase, iudicari potest morbus ad mortem, præsertim si maculæ mumia, tartari, vel marcasitæ formam habeant. Etenim oppilationum, corruptionum, & congelationum sunt notæ, quod postmodum latius declarabitur. Istis occurrentibus malis, prouidendum arcanis, & medicamentis optimis, quæ nedum expellant morbos, verum etiam adiacentibus locis minimè noceant, qualia sunt ipsa deopilatiua penetratiua, aperitiua, item contra corruptiones innouatiua, congelationū resolutiua, & expulsiua, singula spagirico modo repurgatissima.

#### Sulphuris uaporum indicia.

**L**iquorum, aut vaporum adhærentiæ, nedum in vase notandæ sunt, verum etiam



etiam loca vnde surrexerunt, originemque sumpserunt, item eleuationes, descensus & per latera vasis defluxiones diligentissime considerata quæque. Inde siquidem, ortus, & primæ causæ morborum cognosci possunt, ac diiudicari. Nam adhærentia in vitro facta, locum dumtaxat indicat in humano corpore, in quo morbus sedem & centrum posuit. Disparitio per resolutionem, locum ad quē sedem positurus, tendit morbus. Locus in vitro, vnde vapores assurgunt, locum in corpore designat, à quo morbus originē duxit.

Defluxiones ignis primo processu, locum indicant, ad quem morbi prius aliqua parte positi, postmodum sunt descensuri.

Disparitio macularum post adhærentiā, guttarum, ignis processu primo, veneni præbet indicatiū, & mortis patientis, non ita subitaneæ tamen, sed successu temporis aduenturæ.

Singula diligentissime notanda veniunt in papyro dicta.

### Salium indicia.

**V** Apores adhærentes vasis spondilibus, in ignis primo gradu, etsi cōgelentur in formā salinæ materiæ similem, non sunt vera salia, sed eorum apparentiam quandam habent, ac similitudinem tantum: plerumq; resoluuntur ignis calore, quod substantiæ

K 5



volatilis existant, proprietatisque mercurialis, euanescent. Vnde Chiaticas pronunciat, Podagras, Chiragras, vtrumque calculum, renum & vesicæ videlicet, morbillos, membrorū conuulsionem, ac tartareos morbos. Quæ iudicia tamen, subsequenter alijs indicijs confirmari debent. Hæc sunt potissima primi processus indicia, per ignis gradū primum apparentia, priusquam destillatio guttarum, fluxusque fiat earum in vas recipientis.

### Ignis secundus gradus.

**P**Ræterlapsis tribus primis horis primi gradus ignis, epistomiolum è rostro galeæ fuerit eximendum, mox inde vas receptorium apponendum, commisura luto munitissima, successiuo progressu gradus ignis inchoandus est, vt & sensim guttæ in galea collectæ, cum spiribus inuisibilibus condensatæ, præter exhalationē, in vas submissum descendant. Calor hic ad hunc modum regendus, vt inter guttas singulas, interuallum temporis sit, vt ab vno (progressu moderato, non nimium accelerato, nec etiam tardiori) numerari possit vsque ad denarium. Tantisper ignis huiusmodi continuandus, vsque dum guttulæ decedentes albescent. Verum si guttæ prædictum interuallum non obseruant, ignis augendus, vel minuendus artificio fundi versatilis, dum ad iustam caloris dicti pro-



proportionem redierit. Vbi color guttarum albus immutatus fuerit in citrinum, indicium dabitur liquores primos, & inualidos omnes ab vrina separatos, ascendisse, ac solum tenuiores vapores terre permixtos in cucurbita restitisse. Quo percepto recipientes amoueatur, admoto alio sicco, nulloque humore madido, solum pluma, repurgato, in quo receptorio totus vapor est excipiendus, ut in fundo cucurbitae nil praeter feces aridissimas relinquitur: hoc ipsum facile percipi poterit, quod cucurbita non usque adeo mergitur sub arena. Quicquid apparuit a prima recipientis amotione, usque ad secundam, accuratius in papyro notandum, quod in eo prima & praecipua hoc in opere, lateat artis huius indicia. Tandem liquores ambo qui recepti sunt, librentur separatim, & utriusque pondus alijs indicijs annotetur. Etenim pondere facilimum est iudicatu, quod primorum in vrina, corporeque patientis, praecipuum dominium habet. Exempli gratia: ponamus crudam urinam pedere uncias octo, cum granis quindecim: Item humorem primae destillationis, uncias quinque ducenta & quinquaginta grana: secundae vero destillationis ex vapore, unciam unam cum ducentis quinquaginta granis, quae simul aggregata numerant uncias septem, & grana decem, haec ab uncis octo, & granis quindecim detracta, unciam tantum unam & grana quinque,



que, fecibus in fundo cucurbitæ relinquunt. Concluditur inde patientem esse cum naturæ, tum proprietatis Mercurij, cum liquoris primi pondus, in prima destillatione sit, vnciarum quinque; ducentorum & quinquaginta granorum. Verum, destillationis secundæ vapor ponderis vnius vnciæ, ducentorum & quinquaginta granorum, pondus secum superat, vnius videlicet vnciæ cum granis quinque. Pariter ambo posteriora pondera sulphuris & salis, simul efficientia duas vncias & ducenta quinquaginta quinque grana, superantur, à primo pondere mercuriali, duabus vncijs & quingentis quadraginta quinque granis. Primæ destillationes omnes guttas emittentes mercurio tribuuntur: quæ secundò fiunt, sulphuri: feces verò sali. Verum primæ omnium animaduersiones, ante guttarum stillationem, parui admodum penduntur. quòd suas condiciones varient pro ciborum ac potus varietate.

### Ignis gradus tertius, pro Sulphure.

**P**ostquam de radicali humore, per destillationem egimus, ad spiraculum vitæ veniendum est nobis, in quo situs est calor naturalis, motus, conseruatio, & sustentatio, videlicet in sulphure. Quum igitur color guttarum citrinus, in spissiore, & rubicundior transmutari videbitur, mutandum est, &



est, & amouendum secundum vas recipiens, admoto tertio. Hac in operatione summa cum industria, notandæ sunt adhærentiæ, tam vaporum, quàm fumorum, materiarum oleosarum ac salinarum: primò, loca vnde assurgunt, & originem ducunt: secundò quibus adhærebunt, ac interea per quæ loca transitum facient ascendendo, idq; inter earum ortum & finem, aut situm: tertio cuius conditionis, status, adhærentiæ, ac formæ sint futura, vtrum augeantur, minuantur aut euanescent. At quia sulphur (de quo hoc loco fit mentio) dominium in sanguine præsertim habet, ratio postulat sanguinis obseruari distinctionem, iuxta personarum diuersitatē, cū ætatis tum qualitatis. In pueris tenuis habetur sanguis, acutus, & aquea substantia plenus.

In adultioribus, vr annorum triginta, purus est, mundus, subtilis, & calidus. In senioribus verò paucus, spissus, & crassus.

In obesis, etiam paucus, grauis, frigidus, ac tenuis.

In macris, è contra multus, calidus & læuis.

In viris autem longè tenuior, & calidior, quàm in mulieribus, in quibus est spissus, crassus & frigidus.

Sanguis omnis abundans, & crassus, hominibus præbet vires, audaciam, & robur.

Con.



Contrà, subtilior timiditatem exhibet, pa-  
torem, atq; stupiditatem.

Habet etiam in vnoquoq; membro, parti-  
culares quasdam cōditiones, vt in venis pul-  
satilibus, admodum subtilem, in pulmone  
puram, in corde calidam, in venis commu-  
nioribus spissam, in hēpate mixtam, in sple-  
ne verò frigidam. Notandum, si virtutes, & fa-  
cultates eius impediuntur opilationibus,  
vel resolutionibus, in quouis animalium ge-  
nere, vita pariter eorū hoc ipso diminuitur,  
& præsertim in hominibus, in quibus nedū  
animę domiciliū, verum etiam fomētum spi-  
ritus eorum est, & omnium partium sui cor-  
poris maxima refocillatio: verū in brutis  
irrationalibus, carnis omnis est nutrimen-  
tum. Iam demum ad ignem huius tertij gra-  
dus, veniendum est, per foraminum apertio-  
nem, ad eorum patentię tres quartas, fundo  
versatili promotō. Hoc ipso calore sensim  
aucto, spiritus exurgent, & oleosæ substan-  
tiæ quædam crassiores, ac sulphuræ, quæ-  
quidem trifariam resoluentur. Primò, in vē-  
tositates aereas, inuisibiles, & imperceptibi-  
les: Secūdò, in modum vaporum visibilium  
discretèque perceptibilium, & sub finem in  
forma nubium: Tertiò verò substantialiter,  
& essentialiter in forma quadam olei, item  
corporaliter in forma salis, & sensualiter in  
forma tartari, tangibiliter, ac visibiliter ad-  
hærentis.



hærentis. Notandum hoc loco, nedum in duabus primis destillationibus, verū etiam, in ista tertij gradus, primos vapores ascendentes, vocari flatus, aut ventos: item subsequentes dici fumos, aut fumositates: & tertio surgentes appellari nubes, vel pruinas. Primò igitur, in hac tertia destillatione ascendunt flatus inuisibiles: secundo fumi visibiles, qui præfigurant nobis subtilissimā substantiam radicalis humoris, & sunt naturæ mercurialis aquæ, & animalis, quorum flatum initium, medium ac finis accuratissimè veniūt annotāda, & locus ubi surgere coeperit oleosus ille fumus sulphureus, & spiritualis naturæ. Postremò verò nubes assurgūt ex terrestri materia, quæ salinæ substantiæ sunt, & corporeæ naturæ. Non aliter enim quàm scitur elementum aeris, terram subintrare, ac penetrare, per poros & cauernas, ibi dem resolutus in aquam, semper inferiora defluendo petit, in humano corpore pariter, vapores à stomacho surgentes, penetrant in regionem capitis, ibi tandē resoluti per congelationem, destuunt ad inferiora corporis membra, quæ miserè quandoque torquent.

### Salium incidia.

**N**Onnulla similitudinem habent roris maij, quædam alia grandinis aut niuis glaciei, tartari, albastris, lapidis, cretæ, &c.

Si



Si colorem accipiant, ocræ similem habent; argillæ, pulueris laterum, boli armeni, vel communis, rubricæ lapidis, viridis montani, indici, lazarei, & similiū. Quod formam conernit, aliqua salis, grana referunt, lapidum crassiusculorum salis armeniaci, salis petrae granorum oblongorum: nonnulla per ignem liquefcunt, alia sunt fixa, & incombustibilia, alia in modum aluminis rupei, vel plumosi, aut albi vitrioli. Multa suam naturam in igne retinent, vt sal gemmæ, alia in aquam proiecta non resoluuntur, nec in humido loco sita (nisi hoc fiat aqua peculiariter ad eum vsum præparata) vt camphora. Quædam resoluuntur quouis humido loco, vt sal marinum, sal absynthij, vitrioli, montanum, &c. alia per ignem liquata, reducuntur in massam, & acuitatem suam naturalem non retinent, imò redduntur acuta magis, & corrosiuora, vt sunt hallensia Germanica, hispanica & burgundica.

Separatis igitur à fecibus terrestribus, cunctis humentibus, igne tertij gradus, hic iterū augendus erit, apertis omnino foraminibus. Hinc fit vt assurgant substantiæ crassæ quædam, & vario modo coloratæ, iuxta morborum conditiones (quod quidem in omnibus examinibus non semper accidit) quandoq; in rubeum colorem, & alios admodum pulchros, atq; delectabiles, vti flauos, iacinthinos,



nos, purpureos, amethystinos, azureos, turcoi-  
sios, &c. aliæ permixtæ sunt flauo, viridi, ru-  
beo citrino simul, albo lazûreoq; sunt & aliæ  
nigræ plurimum; & cinerum instar adustæ.  
Nonnullæ carent odore, aliæ foetidæ vt nau-  
seam prouocent, aliquæ fragrantissimæ sunt:  
hæc annotanda quæquæ, vnâ cum adhæren-  
tijs & locis, coloribus alijsq; similibus indi-  
cijs. Quo peracto, si videbitur nihil amplius  
apparere, claudenda sunt omnia fundi du-  
plicati foramina, quo frigescat fornax, id plæ-  
rumq; fieri solet horarum spatiō trium. Vas  
destillatorium frigidum eximatur:

Saliū iudiciū alterum:

**F**Eces à vase frigefacto iam, eximendæ sunt,  
maxima tamen industria, ne quicquam  
earum depereat, ponderandæq; præcisè, no-  
tato pondere seorsim. Hoc loco rursus ope-  
ratorem, vel examinatorem decet, patientis  
scrutari conditiones & proprietates, vtrum  
etiam ex mercurio, sulphure, vel sale morbus  
originem duxerit. Si verò morbus compe-  
riatur ex sale, cum natura patientis, eiusmo-  
di feces, ponderibus salinis librandæ, si au-  
tem ex mercurio, vel sulphure, quodq; pro-  
prijs. Notatis vtique ponderibus, istiusmodi  
feces, in ferrea patina, vel cuprea mundissi-  
ma, prunis expositæ, sensim in exhalationem  
exiccentur, indeque adurantur, notatis inte-

L



rea singulis quæ apparebunt, siue flammæ sint, tumores, flatus, sibilationes, &c. quanto tempore cremabuntur, coloribus, fumis, & qualitatibus flammarû ab hac vrente materia productarum. Verûmenimvero, quia citissimè fit adustio hæc, flammaq; repente perit, industria, vigilantiaque maximis opus est inter annotandum. Materia sonitum edens in igne, mercurio fuerit adiudicanda. Quæ verò tumultus atque magnos rumores excitabit, salis tribuenda. Flamma quæ fulgurationes emittere videbitur, cum aliqua resonantia tamquam reflexionis Echo, sulphur denotat. Exusta prorsus materia, tandem eximatur tota, vt eius nihil pereat, & in vrinali vitreo posita, perfundatur aqua communi limpida, maneatq; per horam accuratissimè cooperta. Postmodû effundatur eiusdem aquæ, trigecuplum, ponderis vstæ prius materiæ, ac per aliam horam quiescant simul humido loco. Tandem coletur aqua per pannum, in aliud vitrum, & eiusmodi colatura, sinatur igne lento per euaporationem euanescere. Quod congelatum erit in fundo, feruetur. Verûm, id quod reliquum est ex fecibus à colatura manens in panno, siccetur igne lento, ac ponderetur salis ponderibus. Inde cognosci potest quâto per ablutionem defecerit, hisq; ponderibus vnâ cum præcedentibus iudicari, cuius conditionis inter  
prima



prima principia, morbus & patiens extiterint. Cæterum an ultimæ feces eiusmodi, quid ex Mumia contineât, quam ut sulphur existimamus: aut ex tartaro, quod loco salis habetur: vel ex limo, qui mercurij rationem obtinet, facile diiudicatur: hoc omne per adustionem, idq; tribus indicijs. Primo, sulphur exhibet cœruleam flammam: mercurius fumum obscurum: tartarum verò, vel sal ipsum, nihil horum exhibet. Secundo, tartarum fixum & graue manet: Mumia rubens est, ac levis: limus autem, vel mercurius est flavus, adurens, & non fixus. Terrio quidem indicio, sub ultimam adustionem, odor mercurij dulcis: Limi odor est acrior & mineralis: tartarum autem odorem nullum, neq; gustum habet, qui aliquatenus percipi queant. Item ex materia dissoluta per ablationem antea dictam à fecibus, fieri potest, ut supra, ponderando prius, & postmodum adurendo, præter excandescentiam, deinceps ubi frigefacta fuerit, rursus ponderando, quod minus erit, hoc ipsum fuisse mercurium in ea iudicandum est. Postremum eius examen hoc esto, scilicet, ut secundo iam aduratur igne vehementiori quàm antea, si quid ponderi post frigefactam materiam deficiat, id ipsum iudicetur sulphur extitisse: quod reliquum erit ab adustionibus, est sal eiusdem urinae. Singula notentur accuratiùs, & inscribantur



papyrō cum cæteris, vt sunt odores, flamme,  
fumi, colores, &c.

### Colorum indicia.

Quo melius de coloribus in hac arte iudicetur, preciosorum lapidum primis tribus principijs naturalibus, iuxta suam naturam distributorum, colores mutuandi sunt.

Sulphureorum lapidum preciosorum à coloribus, in urinarum examine sumpta iudicia.

**C**itrini lapidis color, facultatum nutritiarum, & expulsiuarum defectum indicat, in urinarum examinibus.

Topasij color, apostemationē in renibus.

Chrysoliti color, annorum augmentum.

Smaragdi, opilationē radicaliū humorum.

Præssini, renum, atq; diaphragmatis detrimentum.

Malachitæ, concoctionum defectum.

Iaspidis, venarū pulsatilem, & membrorum contractionem.

Turquesij, naturalium virium & rationis impedimentum.

Lapidū colores mercuriales, & animales.

**C**ristalli color, indicat imminutionē digestiue & attractiue facultatum.  
Berilli, carnis inflationem, stomachi, & intestinorum.

Adaman-



Adamantis, humiditatis superfluitatem.  
Calcidonij color, hæpatis inflationem, capitis, & suarum partium.

Saphiri, musculorū corruptionē, denorat.

Perlarum, defectum nutrimentorum in facultatibus penetratiuis.

Alabastri color, oppilationē, aeris, & respirationis, tam in genitalibus, quàm intestinis.

Lapidis spongiosi, turbulentiam sanguinis ac memoriæ.

Salinorum lapidum pretiosorum colores.

**R**ubini color, significat virtutum sustentatiuarum, & motiuarum defectio.

Spinelli, pinguedinis inflationem.

Pallassi, plurium accidentia morborum.

Granati, splenis siccitatem.

Carneoli, pulmonis putrefactionem, & membranarum.

Coralli, digestionis impedimentum.

Hæmatitis, indurationem intestinorum.

Porphiritis, debilitationem spirituum corporaliū, vti sensuum, colore suo denorat.

De membris interioribus & partibus eorum.

**C**erebrum, est nobilissimarum facultatū animæ domiciliū, vt sunt intellectus, in regione frontis: Memoria in occipitio: Ra-



rio verò, mediam inter præcedentia regionem tener.

Pulmo, receptaculum est elementi aeris, ad vitæ fomentum, & nutrimentum: membrum hoc folium instar aperitur, & comprimitur, quo quidem artificio naturali, concipit aerem, & emittit, nouum semper attrahens, quem ad cor aspirans in refrigerium, recenti fomēto continuo temperat intensum calorem occultum in eius centro, sine qua respiratio- ne, vitæ suffocaretur igneus ille vigor, quo cuncta viuunt animalia: non aliter, quam videmus, artificialem ignem elementatum, aerē sine minimè viuere posse.

Hæpar est receptaculum puriorum partium nutrimenti, separati per stomachum, eoque relegati, vt ibidem in sanguinem transmutetur, ex quo postmodum cætera corporis membra quæque sumunt alimentum. Hoc loco notanda venit excellentissima separatio naturalis, trium partium, quarum vna est sanguis purior, & nobilior, ad nutrimentum corporis assumptus, ab alio impuro & superfluo sanguine, aqua pleno ac humiditate superflua seiunctus: tertia pars est amaritudo venenosa, quæ separatur naturaliter ab alijs, vt non permisceatur nutrimenti.

Cor, est fons vitæ vegetatiuæ, nec non centrum, ex quo procedit calor naturalis, & radica-



radicalis humor in alia membra quæuis: est que domicilium omnium affectuum bonorum, atque malorum. Considerandum utique; timore pauoreque, facultatem attractiuam in corde, tam efficaciter ad se, ab alijs membris corporis trahere sanguinem, & reuocare nonnumquam, ut usque ad suffusionem & sui suffocationem, ob nimiam abundantiam, id ipsum fiat. E contra, propter nimium gaudium, & repentinam, in opinatamque læticiam, virtus eius expulsiua sanguinem à se pellit, ad alia membra, quo faciat ista sui gaudij participia. Hæc est eius bonitas, & affectus maximæ confederationis in reliqua membra. Quo fit etiam ut odio, vel inuidia, & ira præsertim inordinatis, vitiosi liquores cum sanguine mixti, nedum ex felle, verum etiam ex omnibus alijs membris, refugium ad cor habentes, attrahantur, & humor omnis cum eo, membraque sua linquant, suis viribus destituta, ut in eis vitales spiritus pariter deficient, & cordis animales per illos inficiantur.

Stomachus, primum est receptaculum ciborum, & potionum, primusque separator impuri ab impuro, qui purum ad Hæpar relegat, impurum autem ad intestina. Situm habet præcisè sub diaphragmate, non aliter quam olla sub suo cooperculo.

Intestina, sunt meatus, per quos, excre-



menta crassiora necnon superflua (quib. natura non indiget, quod ex eis sibi necessariū elicit) ut inualida reijcit.

Diaphragma, velut firmamentum, est separationis & medium inter superiorem vētrem (in quo pulmo, cor, & venæ arteriales situm habent) & inferiorem, stomachum, hēpar, fel, splenē, intestina, renes, vesicā & genitalia vasa continentē: quibus omnibus in genere, nutritivę corporis facultates insunt.

Renes, duo, receptacula sunt sanguinis superflui, à puro separati per hēpar, & hoc loco relegati, ut amplius coquatur, digeratur & ab aqua sua repurgetur, quæ tandem ad vesicam remissa, per eam transit in exitum.

Fel est receptaculū inualidi, amari, ac venenosi cuiusdā sanguinis, à valido separati, ut non intret in nutrimentum corporis: adhæret hēpatis contaucati, in formam crumenulæ.

Splen, est aliud receptaculum, felli ex opposito, quo recipitur sanguis crassior ac terreus.

Matrix, est vas generationis, in ventre mulieris, inter hēpar & splenem situm, paulò altius quàm vesica.

Vesica, receptaculum est & emunctorium inutilis aquæ, separatæ à sanguine nutrimenti, ut euacuetur ab eo corpus.

Ca



Capitis affectuum inditia, sub  
vrinarum examine.

**T**Rres sunt potissimi capitis affectus & morbi, vt Cephalalgia, Hoemicrania, & Cephalea. Primus originem ducit à saniosis fluxionib. secundus, ab humoribus salsis: tertius verò, ex vitreis liquoribus.

De Cephalalgia,

**M**Orbi huius indicia prima, sunt hæc. Primò, guttulæ quædam, vt coagulati sudoris, apparent admodum subtiles, in vasis regione suprema, capitis videlicet, statim post nubis disparitionem, sub ignis gradu primo: suntque triplices, vtpote rubeæ, quæ lusciosos affectus oculorum denotant: spissæ, & crassæ, significant epiphoram: turbulentæ verò, lippitudinem.

Secundò, guttulæ huiusmodi, vesicularum instar inflantur, ac postmodum per seipsas comprimuntur, formamque recipiunt granulorum milij, sub ignis gradu secundo. A tribus coloribus hoc loco, morborum trium fieri iudicium etiam potest, vt ab albedine transparente, catharri: ab albedine obscura, flatuum in auribus: & eadem viscosa, nariû oppilationis.

Tertiò, grana quæ dicta sunt, ignis calore soluuntur in substantiam ad modum viscosæ pinguedinis, quæ per latera vasis defluit



ad loca, quibus morbi sedem fixerunt in corpore patientis, idque sub ignis tertio gradu. Colores quoque tres apparerent, ut flauus, quo significatur ophtalmia: flauus clarus albuginem denotat: flauus autem valde subtilis, oculi nubeculam.

### De Hemicrania.

**P**rimò, apparent gutte sudorū aliquatò maiores prioribus, scz in Cephalalgia, sed non ita claræ. Sensim augmentum sumunt eodem vasis loco, per quē regio capitis notatur, in qua morbus dominium habet: deorsum tendunt, & ibidem ut perueniunt, per digestionem exiccantur, ignis primo gradu. Colore albo, surditatem aurium denotant: albedine crassa, & spissa, gemellos: duritie verò iophoniam.

Secundò quidem, eodem loco in quo exiccatae sunt, apparet postmodum albedo quædam, aluminis instar adusti, quæ tandem inflatur per augmentum in spongiæ formam, idq; secundo gradu ignis.

Tertiò, non resoluitur inflata hæc materia, imò potius indurescit, usq; ad vitri duriem, tandem ignis calore vehementiori, separatur à vase, sub ignis tertio gradu. Colore luteo significat Ephialtem: leuitate quidem, Epilepsiam. Si verò dicta materia compacta sit ac fortis, Maniam denotat, & Apoplexiā.

De



## De Cephalæa.

Hoc loco valde maiores apparent guttæ præcedentibus, ab initio turbulentæ, ut ipsa materia, ex qua sumpserunt originem. Tandem clariores effectæ, varios colores accipiunt. Sunt in ignis gradu primo fixæ. Citrinus color earum, Corizam denotat: citrinus lucidus, polipum in naribus significat.

Secundò, nonnullæ minuuntur atque disparent, verum aliæ coloratiores apparent, ac in ultimum gradum ignis permanent, in quo tandem euanescunt. Colore suo viridi, significant contorsiones: flatibus obscuris, lethargiam: viridi colore verò, & aciditate sua, retanum denotant.

Tertiò, in eodẽ guttarum situ, fixatur materia colorata quædã, & pinguis instar olei, quæ postmodum exiccata, vestigia relinquit salis transparentis, eius coloris cuius est sua natura, quod postremò resolvitur ignis tertio gradu. Colore cæruleo, vermes denotantur, qui color si valde clarus extiterit, quietis & somni priuatio: Amarulentia quidem, inquietudinem omnem significat.

Postremis examinibus in Cephalalgia, sciendum, catharos flammam pallentem producere, carneo colore permixtam, & fumum flauescentem, obscurum atq; turbulentum. In Hemicrania, tartara, necnon falsi liquores, flauam producant flammã, turbidam & obscu-



obscuram. In cephalea, Brancus, aut liquor vitreus, viridem flammam excitat cœruleo permixtam, fumumq; flauum, lucidum atq; transparentem.

### Pulmonis indicia.

**T**Ribus morbis potissimum subiicitur pulmo, scilicet, inflammationi, putrefactioni, & opilationi. Inflammationis guttæ, primo gradu ignis, statim assurgunt, quod ærea sint imbutæ proprietate, pulcherrimę transparentiæ sunt: excolant sæpius per latera vitri, usque in primam pulmonis regionem, at momento post, rursus ascendunt, postremoque viscositatem concipiunt. Tres potissimum colores producant, accidentibus ut ex calore ac tenuitate, colorem album, formam spongiosam, & viscosam, quibus amorphysim, & rufsim denotant. Ex mucillaginosa materia, colorem cereum edunt, atque fetorem, & inde pleuresim indicant. Pulmonis putrefactio suis indicijs innotescit, ignis gradu secundo, hoc videlicet, quod guttarum loco, manifestatur mumia pinguis & colorata, circa pulminis regionem, eo loco, ubi latet ipsa putrefactio, per fumum obscurum ac turbidum, qui tandem in carneum colorem abit: tribus de causis inflatur: primò ob defectum, unde contrahit austeritatem, & crassitiem, & ex ea significat atrophiam: secundò



cundò ex propria natura, qua quidē acquirit luteum vel mellinum colorem, & peripneumoniam denotat: tertio verò, propter superfluitatem nigrescit, inde quidem significat, eupyrema, necnon pthysim. Pulmonis opillatio, detegitur igne tertij gradus, in forma tartareæ substantiæ, calcineæ, terreæque. Varios colores cōcipit ex natura triū primorū, vt ex mercurio, cinereū: ex sale rubeū: & ex sulphure, citrinum: Ex accidētibus alios, vt ex inflatione, lactis albicantem atque turbidum colorem, inde nobis dyspneam denotat: ex tartaro gipseum colorem, per quē, rursim indicat. Verūm ex opilatione, flauum & spissum, inde significat orthopneam & asthma.

### Pulmonis colores.

**P**ulmonis color ob inflationē, est citrinus rubore Pallasij lapidis, & cœruleo mixtus. Putrefactionis color in pulmone, est niger, crassus ac turbulentus, in fumo vaporoso manifestus, & super materiam adustam, pellicula nitens obducitur.

Opilatio fumum edit mox transeuntem, non sine sibilationibus & rumore. Huius materia exusta, tres colores producit, album vnum, gipseum vel cretaceum: secundum latericeum aut rubicundum; tertium autem, cinereum.

Flam-



flamma flaua viridi permixta, qualis ex cū pro fuso, si diuturna lucidaque fuerit, metallicum venenum denotat, vnde morbus originem cæpit.

Verum enimvero, nulla prorsum apparette flamma, sed materia solum odore dulcem, fragrantiam edere, morbum ex veneno provenisse vegetabili iudicari potest.

Cordis indicia, per examen.

**V**itales spiritus in corde, tres principales facultates habent, videlicet, Attractiuam & magneticam: Retentiuam, aut sustentatiuam: tertiam autem expulsiuam.

Virtus attractiua, colores tres habet sanguini conuenientes, vti sanguis citrinus, transparent, clarus ac lucidus, non acidus, spasmus indicat: Rubeus, pinguis succulentus, & acutus, caufonem denotat. Sed ille qui succum foetentem, & mucilaginosum habet, mœrorem cordis ac tristitiam significat & synocham.

Virtus retentiuua tres pariter colores habet, per quos tartarum indicat: primus est in modum aquæ viscosæ, tenacis, & non fluxibilis, albæ claræque, litodimiam significat. Similitudo colorq; materiæ induratæ, coloris albi lactis, & turbidi, palpitationem cordis indicat: color cinereus, durus & non fluxibilis, in modum gipseæ materiæ vel calcis viuæ, syncope denotat.

Facul-



facultas expulsiua cordis, colore suo pallido lucidoque, & per flauedinem humiditatis eius aquosæ, mœstitiâ significat: item à colore mellis obscuro, & per amarum liquorem fluidum, hectica denotatur: Verùm colore virescente, & liquore suo salso, denotatur appetitus atque marasmon.

Flammæ cordis etiam, ab industrio poterunt examinatore cognosci, per ea quæ superius dicta sunt.

Hæpatis indicia, morborum eius,  
& symptomatum.

**S**piritus naturales in hæpate, pariter & tres facultates obtinent, scilicet, dissolutiuam: transmutatiuam: & subtiliantem. Dissolutiua calori quidē est obnoxia, duosque colores habet, nempe caneoli, quæ recenti sua mumia præfigurat anasarcham: colore fusco flauescente, ac sua mumia aquosa, denotat ascitem, timpanitem, & ictericiam flauam.

Virtus trāsmutatiua, est oppilationi subdita, colore suo spadiceo, putridaque mumia, significat hecticā, & mumia congelata, denotat opilationem, scyrrum, & ictericiā nigrā.

Facultas verò subtilians, corruptioni subijecitur, & mumiae putrefactioni, quod quidē à colore flauo cognoscitur, & obscuro, similitudinem electri habente, vnde iudicatur apostematio, corruptioque alicuius venę  
in hæ-



in hæpate, lunatica, & iſtericia viridis. Hæc omnia diligentiffimè notanda ſunt, quodq; ſuo loco, flammæ, fumi, gradus ignis, &c.

Stomachi, & morborum  
eius indicia.

**T**Ribus à natura dotibus ornatur ſtomachus, videlicet, conſumènte virtute, ſympatia & concordantia cū ſingulis membris totius corporis, & conditione proprietatèque digeſtiua. Virtus cōſumens tres colores habet, quorum vnus eſt cœruleus & ſpiſſus, quo denotatur, fragilitas & corruptibilitas: alio viridi colore mixto, cœruleo obſcuro, ſignificatur opilatio: tertio verò flauo, mixto viridi ſubtili, denotatur renaſmon, & vlcera, necnon apoſtemationes, ac inferiorum partium exitus. Sympatia ſimiliter colores tres pandit, vnum carneum lucidumque, per quē tumores & inflationes indicat: alium roſarum inſtar, quo denotatur colica, ſingultus, & hæmorrhoides: tertius color eſt viridis in modum vitri, quo ſignificantur vomituum excitationes, & vermes omnis generis. Digeſtiua tres colores etiam edit, quorum vnus flauus, obſcurus, & nebulofus, ſignificat lyenteriam: alius eſt luteus in ocræ ſimilitudinē, qui dyarrhœam, colicam, & iliacam denotat: tertius flauus eſt, crōceus, & fumofus, quo ſignificatur dysenteria.

Sple-



## Splenis indicia.

**S**plen pari modo tres facultates naturales habet, vnam cōsumnentem, & spongiosam materiam: aliam attractiuā, humidā & non solidam: tertiam insatiabilem naturam terream & crassam. Virtus consumens, colore suo in modum albicantis aquæ subtilis, per plumbeam flauedinem, & per mumiā, vnā cūm bullis cristallinis, oppilationem, & confossionem denotat. Facultas attractiua, sub citrino colore, transparente, claro, fluido, subtili, & mucilaginoso, superfluitatem, & inflationem indicat. Facultas insatiabilis, per materiam purulentam, vtrumq; lucidam, subtilem, ac transparentem colorem habentem, vt manna, significat duriciem, scyrrum, phantasmata, deliquia animi, tristitiam, somnia grauissima, necnon heresipelā.

## Renum indicia &amp; vesicæ.

**T**Res etiam facultates habent renes & vesica, vt attractiuam, retentiuam, aut receptiuam, & expulsiuam. Attractiua sub colore lactis turbidi, & sub obscura flauedine, forma lanosa villosa que, denotat, ob destructionem diame, abcessum, vlcerationes, & in viris, à prædictis indicatijs, gonorrhœam, bubones, pryapismum, & coitus impotentiā: in mulieribus verò, mēstrua tam rubea quam alba, matricis que defectus. Retentiuam

M



sub colore sanguineo, spisso, ad laterum colorem tendente, necnon sub virulenti sanguinis apparentia, viscosi, mucilaginosique, tum propter impedimenta, diabetam significat, stranguriam, & apostemata. Virtus autem expulsiua, plures colores obtinet, uti sub mucilaginosa materia, villosa, & lanosa rubei coloris, obscuri, nigri, & sub arenosa materia, calculosa, tartarea, viridi colore, significat ab his omnibus oppilationem, & postmodum, vesicæ calculum mox inde subsequentem, vel stranguriam: sed à coloribus, rubeo, albo, vel flauo, nephritim denotat: per tumores verò, & inflationes materiæ vrinariæ in suo vase naturali, putrefactionem indicat. Notandum interea, renes equè subiectos esse calculo, arenæ, & calci naturali, atq; vesicæ, vel alia corporis membra. Sciendum etiam tartarum ipsum, sub diuersis coloribus, chiaticas, podagras, & chiragras producere, idq; auxilio sanguinis in hæpate superflui, materiæque stomachi mucilaginosæ: non aliter quàm alia contagia, ut lepra, morbi venerei, similesque generantur ex squamosa materia, plumosa, villosa, &c. quæ singula diligentia summa cognoscenda sunt, atq; notanda. Nil vos remorentur scripta veterum Æthnicorum qui tradunt, in quinque membris corporis, dumtaxat, & non pluribus, calculos & arenas generari ut in pulmone, renibus, vesicæ, intestinis,



stinis, & lumbis, Cum ipsa docet experientia pariter & in cerebro generari, in oculis, & alijs corporis partibus: in felle sub viridi colore, in modum lapidis malachitæ: in splene coloris albi: & in hæpate rubei, tamq; pyritis rubicundi.

### Conclusio.

Quo tandem Anatomiae corporum vi-  
torum faciamus finem, quæ peculiari, dono  
S. Spiritus, Theophrasto Paracelso, piæ me-  
moræ præceptoris nostro, fuit reuelata, ut  
Æthnicorum enormes errores in medici-  
nam introducti, nedum corrigerentur, verum  
etiam prorsum ac radicitus euerterentur &  
extirparentur: quippe qui ab inimicis Dei  
naturæque, sunt in medium ab inferis allati  
non tolerabiles vsquam gētium abusus eius-  
modi: bonos piosque viros medicos, admo-  
nitos velimus, ut sese hac in arte Anatomica,  
quam ipsis dumtaxat proponimus, nauiter  
exerceant, non tantum his exemplis insisten-  
tes, quæ hoc loco scripta sunt. Etenim ab  
exordio dumtaxat posita, quo melius, ac fa-  
cilius instruantur in arte, per quam deinceps  
medicinam exercent, à suis experimentis  
potius, quam alienis. Quod quidem poterit  
medicus omnis, christianus, cui charitatis &  
non quæstus, aut turpis lucri causa, commen-  
dati fuerint ægri, facere sine discrimine vitæ,  
christianorum præsertim hominum. Hæste-



nus recentiores ex scholis Æthnicis mediculi, praxim pessimè fundatæ suæ theorices, impensis, atque periculo miserorum patientum didicerunt, quos mori si non vacauerit, iuuerunt potius quàm viuere. Vnde vulgatum in prouerbum abiit: Recenti medico, cimiterium esse dilatandum. Hac via curantur, vt nunquam in posterum ampliùs malè habeant. In schola verò nostra hac anatomica, medicinam addiscere quisque potest, absque præiudicio hominum, & præter conscientiae suæ maculam. Tandem expertus in vrinarum examine spagirico, Deo primùm, & naturæ demum, fideliter inservire valebit, ægrisque tutò subuenire. Faxit omnipotens Dominus Deus clementia & benignitate suis, tales exurgere medicos, quò miserijs & calamitatibus humanis, meliùs quàm antea consultum sit, eius concedente misericordia, cui soli honor, laus, & gloria conuenit in æternum.

### Appenidix.

**S**I quis forsitã dubitabit, hanc Anatomiam esse Theophrasti Paracelsi nostri præceptoris inuentũ, legat ea quæ libello de anatomia duplici scripsit, tum demum iudicet, an sit æquum autores, & inuentores bonarũ artium suis priuare, cum laboribus tum honoribus. Interea tamen aliquot eiusdem auctoritatho



goritates, ex libello hoc addere minimè pigebit, vt videatur ex qua pharetra, processit ista sagitta.

## ANATOMIA THEOPHRA- STI PARACELSI.

**A** Vera sua origine Anatomia eò relegata est, vt existimatum sit hætenus, abundè, quæ ad hanc spectât, ex homine mortuo, seu cadauere potius percipi posse: id quod ego planè pro minimo, ac nihili aestimo: tamen si non desint, qui hoc ipsum adhuc magis ducant, nec pauca inde colligere conentur. Qua quidem ex re Medicîna in Theoricam deducta, neque sine magnis huc vsque erroribus suffulta est. Quædam enim rationes id ipsum agnoscunt, nempe multò alia quam corpus mortuum esse anatomizanda: Nam hoc pacto, cum Anatomia instructum debeat efficere quemlibet Medicum, duplicem eam esse necessarium est, Localem alteram, alteram Essentialem. Cum itaque Localis vna esse debeat, qua ratione in cadauere deprehendi possit nò video, nisi præcedere Anatomiaë exterioris cognitione, quam demum extrinsecti corporis Anatomia sequi debet. Quod si quantulacunque saltem in vobis esset veræ artis Medicæ ratio, ipsi profecto fateremini, nullam in eo neque natu-



ram, neque essentiam reperiri vnquam posse, quemadmodum & vestrum nonnulli id quoque admirantur, quòd corpus mortuum rationis loco proponi debeat, vnde aliquid fumatur, quod viuo proficuum futurum sit, non expendentes Essentiam, proprietatem ac virtutem omnem, quæ Anatomie præcipua sunt, de siderari in eo ac planè simul esse defuncta. Proinde vos admonitos velim, si tamtis per uobis viui corporis conseruatio curæ est, eius, in mortuo salutem nullo modo quærat. Altera verò, quæ Essentialis est, hætenus quidem intacta permansit, præcipuum tamen, ac professionis Medicæ summam plenè intra se cõtinet. Verum quemadmodum communis iam consuetudo est, vt quæ meliora sunt omittantur ac iaceant, deteriora verò magna industria obseruentur, sic etiam in hac torpor & ignauia præualuit. Optimũ enim quòdque à nobis negligitur, ac reliquum magis arridet, ac procedit fortius, plusque apud vos sentitur quàm ieteritia felina. Nam hinc omnium vestrorum tam profundus ac impeditus cum Theoricæ, tum Practicæ error, quasi per cuniculos quosdam in vniuersam irrepsit professionem.

Principiò propter animi vestri caliginem, Localem quidem Anatomiam accipite in hunc modum, vt ex hac nonnihil quod sequenti rationi coueniat, intellagitis. Quod  
quidem



quidem aduersum eos est, qui huic tantum student, & abundè sufficere arbitrantur, scire quomodo pulmo aut epar pendeat, aut qua ratione etiam reliqua sita sint. Nam si in eiusmodi rebus Medica ratio versaretur, fieri non posset, quin aliquid vobis hinc emolumenti contringeret. Atqui cum corpus quidè viuum, viuum quoque è regione obseruari Anatomiam desiderat, viua certè corpora atque huic quidem æquilibrio conuenientia, accipienda declarat. Quod si Anatomiam hinc inde probè contemplemini, locum mihi deris necesse est, quo par pari comparem, habitus enim ac cuiusque membri substantia, ei tantum signo conuenit, in quo minimum delitescit. Quocirca Anatomiam vos querere decet vltra eam quam cadauer præscribit. Neque hoc mihi vitio vertatur, quasi vero Diaphragma nesciam, aut vestris ad stipulari nugis cogar. Nam euidentis est ratio, quòd multo plura ostendit vitæ Anatomia ad aliam vitam, quam si in defuncto inquirere velim id quod ad vitam attineat. Quapropter in hoc potius Anatomia obseruanda est, quo pacto morbi in hac se spargant, quæ loci aut regiones suis peculiaribus morbis conueniant aut non. cuius quidem Anatomie rationem si habueritis, gloriari haud immerito potestis, aliquo modo vos philosophiæ dedisse nomina, probè nimirum & exacte,



indagâdo id, quod in primis Medicū refert,  
Viuam igitur Anatomiam vobis proponite,  
non illam quæ cum laruis est lucta, ex qua  
nihil penitus elicere potestis aliud, præter id  
quod natura extrinsecus comprehendit.  
Quare hoc opus, hic labor est, vt maiorē ist-  
hic iam, quàm hactenus operam adhibeatis.  
Ad hunc igitur modū Anatomia Microcos-  
mi dignoscenda est vnà cum suis locis & re-  
gionibus in dictis morbis. Non quod mor-  
bos locis accommodem, verum quo & vo-  
bis officium sinam, & res clarius appareat,  
eadem toties inculco, saltem vt Anatomia  
quo pacto in flore suo ac suis exaltationibus,  
pergat, non omittatur.

Neque hoc mihi malignè interpretandū,  
quod in Anatomia vos tamdiu detineo. nam  
eò me vestra cogit ignorantia, ac immensæ  
veterum scriptorum nugæ. Quod si peculia-  
riter de sola hac nobis esset (quemadmodum  
institueram) sermo, errores vestros clarius in  
medium producerem, ac planè vlcus vobis,  
vbi maximè dolet, aperirem. Cæterum hinc  
non alius tantopere colligendus est fructus,  
quàm vt aliquando tandem relicta hac mor-  
tua Anatomia consideretis, ac ré æqua, quod  
aiunt, lance perpendatis, quàm falsè, quam  
quæ ineptè hactenus scripserint, quicunq;  
ad nostra vsque tempora de Anatomia ser-  
monem texere sunt conati: qua quidem &  
vos



vos & illi sic professionē conspurcastis medicam, vt tantum non in vniuersum extincta sit, tamen nihil vobis restat amplius quam vt de Ferrariensium columnarum structura, deque Perusinis tantisper histrionibus gloriemini. Quocirca non tam Medicina, quam nefandus quidam fucus ac impostura hæc est meritò nuncupanda.

Summum enim ac præcipuum hoc esse in Medico duco, vt confluentiam Anatomiae probè intelligat, quo pacto loca & morbi inter se conueniant, nõ quia id citra exteriorē anatomiam fieri debeat, verum potius vt per eandem in confluentiam deducatur, cuius quidem rationem ac intellectum vbi habueritis, haud difficulter in vestram sententiam me commouebitis. Nam vt videtis quod quatuor sunt essentiae, quæ unicuique semini suum dant profectum, sic eadem ipsæ vniuersam Anatomiam conflent necesse est. Id qua ratione fiat cōsultamini quæso. Porro tamen possit fortè Anatomiae diuisio contingere, vt altera in Chirurgiā legetur, altera in ipsa permaneat Physica, rem tamen ipsam non vsque adeo ad vnguem ea diuisio attingere videtur. Anatomiae siquidem Geometria intellectum alia ratione præbet. Sed & Iliadi habitus id ipsum aperit, præsertim cū vnum corpus existat.

Quid enim ex omnibus, quæ ad medicum

M s



attinent, hunc confluentiae intellectū æqui-  
poller? cum præsertim citra anatomiam na-  
tura fermè protulerit nihil? hinc est quòd  
omnia genera ac species separauit in seme-  
tipſa. Quonam igitur pacto mortuum cada-  
uer ſecantes, extendentes, ac tam miſerè la-  
niantes, quicquam ex eo acquireretur, quod vi-  
uenti vrile futurum ſit? cum id quod hic cap-  
tatis nuſquam adſit amplius?

Hęc aduerſus quatuor humores dicta ſint,  
qui nullum neq; locum neq; rationem Ana-  
tomiae pati queunt, neque vlla via, quemad-  
modum feruntur ex his, morborum origines  
contingere poſſunt. Cur igitur tantisper de  
veſtris humoribus gloriamini? quid ſic am-  
pullas & ſeſquipedalia verba ſubinde proij-  
citis? quando quidem non aliter atque poma  
in ſuis locuſtis prodeant morbi, & perinde  
vt illic, ita etiam in morborum generatione  
aut ſanguinem aut phlegma conſiderare ri-  
diculum eſt.

Hoc itaq; ſi carueritis, quiſnam à vobis tã-  
dem fatuum abiget, cum tam profunde radi-  
ces egerit, vt euelli à quoquã vilo pacto ne-  
queat, quin & hoc certum eſt, eum qui pomis  
ſuos dare & adimere nucleos poteſt, nō mi-  
nus & morbis quoque non tamen conſultis  
prius quatuor humoribus, dominari poſſe.  
Harum igitur ægritudinum ratio ex ſola de-  
bet Anatomia ferre iudicium, non autem ex  
humor-



humoribus. Contemplemini quæso vos vel mespila poma: crescunt enim ea neque ex Colera, neque ex melancholia, verum potius ex confluentia Anatomiae. Huc huc adhibete nares, & olfacite quidnam sit specificum, quod hunc fructum in radice adoriatur, idque etiam his comparate ægritudinibus. Nam eodem pacto & morbi nascuntur non secus, atque ex tellure fructus. Quapropter corpus ipsum, omnium ægritudinum quasi fundus est: ex eo namque non aliter, quam ex terra fructus, procreantur. Cum igitur corporis fructus morbi sint, circumspicite vbinam inuestigari debeat Sinapium, quod pro Eruca hactenus, sed falso, accepistis. Verum quemadmodum soletis vtilissima quæque spernere, ita etiam hac in re pristinam observastis consuetudinem.

Quemadmodum locale prius Anatomiam posui, ut in hanc sententiam intelligatis, quod ad ægritudinum loca attineat, quænam in vno morbo consonent membra, veluti quæ in pruritu patiantur, quæue in alopecia, quæ in hydropisi, quæ in Asclite. Similiter etiam quæ vermes & Ascarides foueant. Item quæ loca vitæ, quæ sint mortis, quibus in locis Mummia delitescat, in quibus Caducus lateat, vbinam paralysis gubernet, vbi lethargicus morbus, ac reliqui denique omnes.

In hanc sententiam conclusum volo: quot,  
quam-



quamq; variæ sunt ægritudines, totidē quoque esse corpora & loca, sicuti externæ quoque Anatomiaē unicuique procreato suum corpus, idque proprium ac peculiare conferunt. ut enim Duelech argentum non producit, ita nec hydropisim epar. Quocirca mortuum cadauer haud iniuria reijci, sperniq; potest, ceu ad hanc rationem capeSSendam minime idoneum, quandoquidem cognitio ista non ex physico corpore proficiscitur, verum potius ab externo, eius quod intrinsecum est, corporis, agnitionem capias necessum est.

Cæterum & de Effata quidem Anatomia nonnihil dicendum est: quod cur fiat, hæc est qua monemur ratio, quod multa subinde in subiecto inquirere conamini. An hætenus non tātulum in vobis habuistis iudicij, quod nullum vnquam in Vita subiectū fuit? Quid nam in eo quæritis, cū sciatis maius aliquod esse à quo subiectum pati oporteat? respicite quæso terram, ea pino velit nolit suum exitū admittere cogitur. Quid igitur Epar tādē prohibere possit? An quicquam iudicij vestra habet medēdi ratio, cum subiectum perinde ac morbum contempleri, putetisq; cognito subiecto rem (si dijs placet) optime gestam? Iam opinor rationem scitis. An non vos pudet tā crassa Minerua præditos, quod subiectum pro materia & causa morbi accipitis?



pitis? Nunquam ne vobis suboluit, an præ vini copia subolere non poterat, quod vnumquodq; subiectum accidenti sit obnoxium? id si vobis admittatur, quid quæso in subiecto amplius manet, quando adhuc accidens superest? hæc ob id dico, quia quodlibet accidens Effata Anatomia existit, quamuis licet in subiecto circum volutemini: id quod vestris præceptoribus acceptum feratis, cū nec ipsi a vobismet melius quid reperire possitis, illorum tantum verbis addicti. Hoc igitur ita se habente, quod subiectum operiri accidens oportet, quo se vestræ quadripartitiones cōferent, quorsum vestra colera? quorsum vestri humores? quorsum qualitates? quorsum etiam sex res naturales, & totidem innaturales? Hæccine Medicæ professionis ratio esse debet? Quocirca mirari desino tantam ubiq; tam in ædibus, quàm in plateis læguentium phalangem, ac infinitam multitudinem.

Verum quo tandem effatam Anatomiam aggrediamur, hoc summum ac præcipuum rei argumentum est, quod corpus physicum nullo modo considerari oportet ad morbi originem, nec in subiecto quicquam agi, neque in eo morbum inquire. Sed perinde est vt de pomo, quod vndenam crescat, promite quæso si quid habetis. Num ex terra dicitis? erratis. primum est enim subiectum: an ex ligno?



gno? neque hoc verisimile: nam rei subiectū est. Non aliter profecto hac de re loquimini, quam si caput per fenestram protendente aliquo, dicat quis ex domo eum vel fenestra nasci. An quia gallinae pullus ex testa caput rostello errumpat, ex ovo procreari eum cōfestim dicetis? tota certè, quod dicitur, via, totoque cœlo erratis. quanquam rudiores, & qui parum rem intelligunt, astipulatores vobis non dubito. Verum vos egregij Domini Doctores, omnia & credere, & agere vobis probe licere putatis. Neque Aristoteles quidem mecum sentit, neque hi mihi credunt, aut vnquam credituri sunt, qui me toties de ceperunt, quiue id adhuc conantur, quiue suæ tantum rei student. Sed ij duntaxat fidē mihi habent, à quibus vtraque Anatomia dignoscitur: plus quidem eruditionis in vestris esse bibliothecis existimassem, quam vt idiotas demum vestrae causæ testes adducere cogere mini: si quis ex specu aliquo prodeat, inde eum statim procreatum persuadeatis.

Atqui vt tandem rem expediam ac summatim dicam, Omnes sanè morbi à peregrino veniunt in subiectū. ex quo sequitur, quot poma, quot nuces, quotque fructus alij, totidem etiam esse morbos. Et non pudet vos interim ea in quatuor secare partes, scilicet: Hoc melancholia est, hoc colera, &c. Considerate,



derate, elementū ignis, ex quo tam nix quàm calor prouenit, tam frigus quàm calor. Similiter etiam quotquot eiusmodi accidentia ignitarum impressiōum, totidē sunt etiam ægritudines in Microcosmo, & quotquot mineralia, totidem etiam morbi, quotque thereniabin, totidem & morbi. Sed quia nec extrinsecum quidem cognoscitis, quoniam illò vnumquodque disposuerit, qualecunque tandem vobis vestræ ignorantiaē opperculum phantasia suppeditat, ex quatuor videlicet humoribus. Hem vos, quàm estis scilicet probè instructi? Poteratis vel purpuram potius, quàm eiusmodi viles contextisse pannos, ac ita centones ostentare, tamen ne sic quidem alicuius momenti futuri.

F I N I S.







